

墨緣彙觀錄

一



A decorative border with a cloud and horse motif at the top. The border is composed of intricate, swirling patterns that resemble clouds or stylized waves. At the top center of the border, there is a silhouette of a horse in profile, facing left, with a rider or figure on its back. The horse and rider are set against a background of smaller, more detailed cloud patterns.

錄 觀 彙 緣 墨

(一)

詳 卡 人 撰

余性本迂疎。志居澹泊。自髫年以來。凡人生所好愛者。如聲色之玩。琴奕之技。皆無所取。惟嗜古今書畫。名蹟以自娛。每至把玩。如逢至契。日終不倦。幾忘餐飲。自亦知其玩物之非。而性之所好。情不能已也。迨後目力日進。南北同志人士。徃徃謬謂余能鑒別。有以法書名繪就政於余者。□古者閒有持舊家之物。求售與余者。以致名蹟多寓目焉。然適目之事。如雲烟一過。凡遇古人手跡。得有心賞者。必隨筆錄其數語。存貯笈筒。以備粗爲觀覽。忽忽年及六十。回憶四十年所覩。恍然如夢。感今追昔。不無悵然。陳后山有云。晚知詩畫真。有得却悔歲月來無多。余雖不悔。却惜歲月無多。暇日遂將平昔所記。擇其尤者。復爲編次。彙成卷帙。雖未敢擬諸米家書畫史。清河書畫舫諸書。偶一展閱。得歷朝墨妙。紛然在目。亦足以誌余之所好云。因名其錄爲墨緣彙觀。時乾隆壬戌七月十二日。松泉老人識於古香書屋。

圖繪之事。其來久矣。歷代名跡流傳於今者。雖未遠窺曹衛。如東晉隋唐五代之筆。幸獲一二見焉。其閒凡釋道故實。人物界畫。以及花木鳥獸諸作。前賢各出心匠。位置高古。無不盡其神妙。山水自唐李將軍王右丞。分有南北二宗。至荆關董元後。北宋始爲全盛矣。卓然傑出者。皆法右丞。渾厚天真。兼多士氣。逮至政和間。祐陵究心繪事。專以形似爲工。傳之南宋。二趙馬夏李唐輩。山水皆宗李將軍一派。其人物花卉宮室鳥獸蟲魚。院人曲盡精思。各生新趣。雖極一時之選。實乖古意。是時如米元暉。江貫道。獨法董巨。楊補之。趙子固。又爲超軼者也。至元趙文敏。天資高朗。學問淵深。而留心翰墨。不獨書法。追宗漢魏晉唐。其於繪事。一掃院體習氣。故釋道人物法唐人。畫馬學韓幹。山水師董元。皆能深得旨奧。其蘭蕙竹石小景之屬。清韻拔俗。所謂書畫之集大成者。他如高房山。黃子久。王吳倪。及元末諸公。寄情畫道。高妙絕塵。雖其各立堂戶。然多發脈董元。故稱畫品中之神韻高逸者。入明。徐幼文。王孟端。劉完菴。沈石田。文徵仲。皆宗之。則又遠接衣鉢矣。明末。董文敏繼起華亭。秀潤天成。不落蹊徑。宗風爲之一變。至我朝。太倉王奉常。雅好筆墨。收藏特富。討論盤礴。遂出王圓照。王石谷。二子。故吳下有三王之稱。迄今知有倪黃董巨之傳。賴有於斯。至於人物界畫。鳥獸。自元王孤雲。張叔厚。王若水。任月山。之後。鮮有繼者。以致無傳。厥後仇實父。名振吳門。而於山水人物。花木鳥獸。臨摹逼真。各得其妙。若其自運。雖天資秀麗。終難復古。蓋因時代相感。又非學力不能爲也。因彙畫錄畢。聊述數語於前後之同志者。或有取焉。松泉老人識。

墨緣彙觀錄目錄

法書上卷

魏

鍾繇薦季直表

西晉

陸機平復帖

索靖出師頌

東晉

王羲之袁生帖

裹鮓帖

遠宦帖

臨魏鍾繇古千文

行穰帖

王獻之送梨帖

東山帖

王珣伯遠帖

唐

虞世南臨王右軍蘭亭序

歐陽詢卜商讀書帖 張翰思鱸帖

褚遂良模王右軍蘭亭序

趙模行書千字文

顏真卿潘氏竹山堂聯句 湖州帖

柳公權小楷度人經 蒙詔帖

李郢七言詩稿

僧懷素自敘 苦筍帖 論書帖

僧高閑半卷草書千文

唐臨黃庭經

唐臨右軍二帖

北宋

徽宗瘦金書千字文 欲借風霜二詩帖

王著草書千字文

李宗諤銅魚詩帖

李建中土母帖

林逋秋深三君二帖

葉清臣大旆帖

范仲淹與尹師魯二帖

范純仁軒馭帖

范純粹故人帖

沈遘屯田帖

錢公輔別久帖

歐陽修上恩帖 灼艾帖

蔡襄謝賜御書詩 持書帖 暑熱帖 離都帖 山居帖 八帖 大研帖 思詠帖 謝郎帖

陶生帖

富弼溫柑帖

文彥博內翰帖

司馬光天聖帖

張方平名茶帖

趙抃山藥帖

呂公弼子安帖

王安石書楞嚴經旨要 過從帖

韓絳寄冲師長老詩帖 陞見帖

韓繹瞻懷帖

韓縝欽聞帖

呂大防台慈帖 示問帖

唐垆珍翰帖

孫甫虞候還帖

蒲宗孟夏中帖

章惇會稽帖

蘇軾洞庭中山二賦 新歲展慶人來得書二帖 寒食詩 覆盆子帖 子高帖 職事帖 功

甫帖 書杜工部橙木詩 書子由夢中詩帖 一夜帖 東武帖 見戲耳聾詩帖

蘇轍車馬帖

蘇邁辱書帖

蘇氏一門十二帖

蘇氏一門十一帖

黃庭堅松風閣詩 廉頗藺相如傳 草書談道章 花氣詩帖 苦筍賦帖 垂顧帖 糟薑銀杏帖 天民知命帖 雲夫帖 南康帖 迎駕帖 君宜帖 惟清道人帖 動靜帖 題葛

稚川移居詩

米芾多景樓詩 二帖 淡墨秋山詩帖 秋暑憩多景樓詩帖 穰侯出關詩帖 三吳詩帖

砂步二詩帖 府公帖 三帖 鶴林甘露帖 伯老台坐帖 鄉石帖 紫金研帖 提刑殿

院帖 糴院帖 彥和帖 眞脈帖 陳攬帖 參政帖 寒光二帖 四帖

呂嘉問進職帖

趙令時賜茶帖

張商英女夫帖

王素才德帖

王覲平江帖

李之儀別紙帖

裴煜秀州帖

林希風範帖

蔣之奇辱書帖

曾鞏局事多暇帖

曾布還朝帖

曾肇奉別帖

曾紆草履帖

陳瓘仲冬帖

陳暘七言詩帖

錢總先起居帖

王鞏冷淘帖

薛紹彭三詩帖

劉正夫又啓帖

王升杜門帖

邵鱣到京帖 來教帖

王巖叟清範帖

張舜民潭州帖

陳師錫歲晏帖

得告帖 昨日帖

知郡帖

劉蕡牛尾帖

李彭家兄帖

蔡京節夫帖

蔡卞四兄帖

蔡脩子通帖

法書下卷

南宋

高宗書蘇文忠地黃詩帖

孝宗政道帖 止盜帖

李綱被詔帖

趙鼎郡寄帖

韓世忠總領帖 運使帖

韓彥質良荷帖

胡安國稍疎奉問帖

吳說游絲書王荆公蘇文忠三詩 二事帖 昨晚帖 敘慰帖

沈與求氣爽帖

蘇庠均休便道二帖

陳與義詠水仙花詩帖

汪藻遠別滋久帖 嘉謨通判帖

蔣璨二詩帖

翟汝文宣撫帖

張九成問訊帖 宮詞帖

張綱乞授封號帖

張浚遠辱手翰帖

張孝祥關徹帖

朱敦儒塵勞帖

龍大淵歲華帖

洪遵睽遠許時帖

王之望通判學士帖

葉衡初冬帖

康與之宮使帖

虞允文適造帖

王十朋室銘帖

王淮上恩帖

汪應辰子東學士帖

范成大垂誨帖 荔酥沙魚帖

謝諤垂訪帖

朱熹賜書帖 教授學士帖

韓元吉晴寒帖

葉夢得閣下帖

吳琚觀李氏譜牒焦山題名二帖 壽父帖 稟報帖

楊萬里清和帖

陸游奏記帖 仲躬侍郎帖

樓鑰雨潤帖

洪咨夔抱病帖

魏了翁提刑提舉帖

喬行簡恐勤帖

張卽之書金剛經 上問帖 從者來歸帖 佛遺教經

趙孟堅詩草

杜良臣勤顧帖

程元鳳提舉郎中帖

陸秀夫義山帖

文天祥上宏齋帖 書謝敬齋坐石自警辭

葛長庚足軒銘

宋賢十一帖

元

趙孟頫正書姑蘇元妙觀重修三清殿記 楷書陰符經 小楷清淨經 楷書汲黯傳 書稽叔

夜絕交書 書陶淵明歸去來辭 書陶靖節飲酒詩 草書千字文 書韓昌黎和盧郎中送

盤谷子詩 書蘇東坡道場何山詩 國賓帖 德俊茂才帖 進之帖 次山總管帖 明遠

提舉帖 子方帖 靜心帖 與中峯十一帖附管夫人與中峯一帖

趙雍書中峯淨土詩

趙麟衡唐帖

鮮于樞遊高亭山記 草書杜少陵茅屋爲秋風所破歌

鄧文原清居院記

袁桷和一菴首坐四詩 雅譚帖

龔繡宣城詩 教授帖

郭畀四禽言詩帖

張淵詩帖

戴表元動靜帖

白珽陳君詩帖

揭傒斯雜詩

徐遜水調歌頭帖

康里夔夔書柳子厚謫龍說 梓人傳

貫小雲石海涯七言詩帖

虞集白雲法師帖

歐陽元爲黃巖王君伯春暉堂記

段天祐安和帖

楊維禎詩帖 書小遊仙辭序帖

俞和雜詩 留宿金粟寺詩帖

王蒙書杜工部詩帖

沈石詩簡帖

張暎與南屏徵君三詩帖

陸廣詩簡帖

非非雅波草書心經

饒介草書韓柳文 士行帖

張宣詩

陸居仁張樞倡和詩

道張雨并陸友合卷 次天鏡上人送柑二詩帖 行書七言詩

釋大訢和虞文靖三詩帖

七元人和陳惟寅姑蘇錢塘懷古詩

集元明人詩翰

明

宋克書杜工部柎木爲秋風所拔歎
兩得來書帖

王彥強臨樂毅論

危素陳氏方寸樓記

周砥與雲林詩簡帖

宋廣草書李太白五言詩

宋璉端肅帖

解縉草書自作雜詩

王絨叔訓帖

沈度鏞翁大參帖

黃淮進朝帖

李東陽書種竹諸詩

吳寬書東坡詞
生子帖

劉珪玉田帖

姚綬書自作詠物詩

沈周遊虎邱各體詩 少宰帖

金琮別久帖

祝允明臨黃庭經 書米元章論書 正書子黃子瑩中字訓

唐寅若容帖

文徵明四體千字文 雜花帖 晴明帖

王寵草書自作雜詩 石湖包山雜詩

豐坊臨右軍養生論

文彭臨蘭亭詩序

董其昌楷書彌陀經 臨晉唐法書 書晉唐諸帖 臨虞永興徐季海書 臨唐人四家書 臨

僧懷仁聖教序 臨李北海大照禪師塔銘 書蘇文忠烟江疊嶂歌 書蘇文忠和子由論書

詩 路馬湖記 楷書心經 書蘇玉局詞

釋夷簡甘露帖

釋道衍寄東林詩

釋良琦答肅齋太守詩帖

釋德清詩帖 淨慈寺宗鏡堂記

墨搨

古搨開皇蘭亭序

定武五字不損蘭亭序

定武五字損本蘭亭序

定武五字損本蘭亭序

宋楊宣城本蘭亭序

宋楊楮摹蘭亭序

宋楊玉枕蘭亭序

宋楊范度書蘭亭序

唐刻歐陽詢化度寺塔銘

唐刻柳公權神策軍紀聖德碑

法書續錄 附後

名畫上卷

晉

顧愷之書畫女史箴卷

隋

展子虔遊春圖卷

唐

李思訓江帆樓閣圖

戴嵩鬪牛圖

唐人摹六朝人觀鵝圖

五代

陸滉捕魚圖

關仝寒山行旅圖

董元風雨出鰲龍圖 瀟湘圖卷

趙幹江行初雪圖卷

北宋

李成讀碑窠石圖

范寬雪景寒林圖 雪山行旅圖

許道甯嵐鎖秋峯圖

燕文貴匡廬清曉圖卷 溪山樓觀圖

郭熙幽谷圖

宋迪秋山圖卷

文同秀石風竹圖

李公麟醉僧圖卷

王誥夢遊瀛山圖卷 煙江疊嶂圖卷

釋巨然雪圖 溪山蘭若圖

南宋

米友仁大姚村妹家所作雲山圖卷 瀟湘白雲圖卷 雲山墨戲圖卷

趙伯駒江天客舫圖

趙伯駒萬松金闕圖卷

牟益擣衣圖卷

趙孟堅墨蘭圖卷

金

李山風雪杉松圖卷

元

錢選秋江待渡圖卷 梨花圖卷 來禽梔子圖卷

高克恭雲橫秀嶺圖

趙孟頫雙松平遠圖卷 釋迦牟尼佛像 竹林七賢圖卷

李衍竹梧蘭石四清圖卷

李士行古木叢篁圖

黃公望溪山雨意圖卷

曹知白十八公圖卷

吳鎮釣隱圖 梅松竹蕙四友圖卷 墨竹卷 江雨泊舟圖 墨竹坡石圖

柯九思清秘閣墨竹圖

王淵柳荷駕鵝圖 摹黃荃竹雀圖

張渥九歌圖卷

唐棣翊風飄雪圖

朱德潤秀野軒圖卷

顧安歲寒竹石圖

倪瓚秋林山色圖

江岸望山圖

梧竹秀石圖

設色雨後空林圖

虞山林壑圖

清祕草堂

圖卷 竹枝圖卷

王蒙青弁隱居圖

雲林小隱圖卷

竹樹水石圖

夏日山居圖

王冕贈雲峯上人墨梅圖

陳汝言百丈泉圖

趙原晴川送客圖

張中鶴鶴圖卷

釋本誠詩畫合卷

道鄒復雷春消息圖卷

明

宣宗松雲荷雀圖卷

王紱齋宿聽琴圖

秀石晴竹圖

劉珏清白軒圖

沈周廬山高圖 親知良晤圖 盤菊幽賞圖卷 春江送別圖卷

唐寅桐山圖卷 松坡高士圖卷 琢雲圖卷 高泉古樹圖 女兒嬌圖 孟蜀宮妓圖 山靜

日長圖冊

文徵明袁安臥雪圖卷 眞賞齋圖卷 江山初霽圖卷 畫冊

仇英玉洞仙源圖 桃源仙境圖 秋江待渡圖 竹院逢僧圖 滄浪漁笛圖 空洞觀音圖

臨宋人山水界畫人物畫冊 臨宋人花果翎毛畫冊

王穀祥水仙花圖

文伯仁江山簫寺圖 秋山遊覽圖卷

陸治爲五湖畫卷 松壑閒居圖

項聖謨松濤散仙圖卷

董其昌關山雪霽圖卷 秋山圖 婉孌草堂圖 傲雲林山水圖 山居圖 傲楊昇沒骨山水

圖 山水高冊 山水方冊 書畫小冊 書畫雙璧小冊

名畫下卷

歷代畫冊

唐宋元寶繪高橫冊

王維 李成 趙孟頫二 王蒙 陸廣 巨然 范寬 黃公望 倪瓚 衛九鼎 方從義
宋元明名畫大觀高冊

蘇軾 趙令穰 趙孟頫 黃公望 曹知白 盛懋 吳鎮 王蒙 倪瓚 方從義 王紱
二 沈周 唐寅 文徵明 文嘉 項元汴 項聖謨二 董其昌
唐五代北南宋集冊

王維 鄭虔 張萱 胡瓌 胡翼 董源 范寬 郭忠恕 巨然 許道甯 郭熙 趙令
穰 馬和之二 趙伯駒 朱銳二 劉松年 馬遠 陳居中
名畫清賞花鳥集冊

宋徽宗二 黃筌 黃居寀 徐熙二 趙昌 趙伯驕二 林椿 韓佑 樓觀
五代宋元集冊

關仝 李成 范寬 米芾 趙孟頫二 盛懋 黃公望 王蒙 吳鎮 曹知白 倪瓚
明賢集冊

王紱二 載進 沈周 周臣 仇英 唐寅 陸治 董其昌二 趙左 項聖謨 王聲
青燁

明花鳥集冊

宣德 景泰 三城王朱芝堦二 仇英二 王穀祥 周之冕 馬守眞
明賢姑蘇十景冊

劉珏一 沈周二 唐寅三 文徵明二 陳淳二

宋元合卷

宋元人梅花三昧卷

徐禹功 吳瓘 吳鎮

蕙竹合作卷

趙孟頫 管道昇

三竹卷

趙孟頫 管道昇 趙雍

元人八圖合卷

趙孟頫 管道昇 倪瓚 吳鎮 馬琬 趙原 林卷阿 莊麟

梅竹雙清卷

王冕 吳鎮

名畫續錄 附後

墨緣彙觀錄卷一

法書上

魏

鍾繇薦季直表卷

百紙本。高三寸九分。長一尺一寸八分。紙古紋。起若琴斷。正書十九行。墨氣如漆。神彩煥然。前書臣繇言。臣自遭遇先帝。忝列腹心。後書黃初二年八月日。司徒東武亭侯臣鍾繇表。表內謹言二字下。押朱文。貞觀連珠小璽。後下角隱隱有淳化半璽。前鈐宣和小璽。後綾上角押紹興小璽。帖中有賈似道朱文小印。本帖四面用月白宋綾鑲裱。上下前後舊印累累。以及河東開國、彭城開國、潁川開國、朱文大印。子孫世昌白文大印。又白文米芾之印。樓鑰白文鑰字印。賈氏悅生葫蘆朱文印。及袁氏陸氏印。王元美家諸印。後紙有劉岑觀李木敬覽二題。字甚沉着古雅。又陳經許懋同觀。後綾隔水。書嘉定丙子十月二十五日重裝。後紙有元人陸行直鄭元祐題。又袁泰二題。皆力爲贊美。脫然無疑爲真蹟。入明。又經沈啓南鑒藏。李吳二公跋。稱華氏爲之模刻。諦觀文跋。且有安能置喙其間之語。余又何敢著一辭。後王弇州三題。極其稱許。又俞允文莫是龍文嘉張鳳翼等題。內有華氏朱文真賞葫蘆印。華夏白文印。王氏長條關防印。卷經陳以御高平湖宋商邱所收。偶於乾隆甲子重陽前五日。有客持此來售。

余因久病杜門。聞之喜不自持。邀客坐古香書屋。共賞稱歎。遂以重價易之。時是錄已成。意謂此卷生平不能一覩。故以西晉爲首。何幸衰朽餘年。復能得此墨妙。事屬奇甚。豈非與翰墨有因緣耶。卷外籤鄭谷口隸書標題。裝用古錦包首。脂玉黃螭出軸。脂玉插籤。甚爲精美。

西晉

陸機平復帖卷

牙色紙本。紙古隱紋如琴斷。草書九行。字大五分許。相傳平原精於章草。然此帖大非章草。運筆猶存篆法。其文若不盡識。卷前黃絹隔水。上有月白絹籤。宣和金書標題。晉陸機平復帖六字。下鈐雙龍圓璽。前後鈐宣政小璽。後有政和連珠大璽。前又一古絹標籤。題晉平原內史吳郡陸士衡書。晉平二字已剝落。本帖左下角有白文張丑之印。後紙董文敏小行楷一跋。內云右軍以前。元常以後。唯存此數行。爲希代寶。此卷余得見於真定梁氏。世傳晉跡。未有若此而無疑議者。卷外裝藍地宋刻絲花鳥包首。脂玉出軸。碾花脂玉插籤。以宋蝦鬚倭簾裹之。俱爲美觀。

索靖出師頌卷

淡牙色紙本。光瑩堅厚。紙墨如新。章草十四行。筆法淳古。帖內前後舊印累累。押有王涯永存珍祕印。鍾紹京印。宋內府紹興連珠小璽。內殿祕書之印。及朱文篋笠軒大印。歷代永珍朱文印。又劉氏二印。後紙米友仁紹興九年四月七日一跋。定爲隋賢書。後又二跋。一未款。一導江張達善。皆意爲索靖書。

然此本是晉是隋。俱不失爲神妙之跡。前引首篆書晉墨二字於龍箋上。後一押上蓋御府圖書一印。爲南渡宋帝書。考幼安出師頌。宣和書譜曾經記載。戲鴻堂爲之刻石。南宋王崧刻雲澤法帖。亦有出師頌。爲蕭子雲書。余取二家刻本。與此書較對。字畫不甚符合。世間別有出師頌無疑。此經王敬美所藏。王氏昆仲。必有題識。今卷內無存。按弇州續稿所載跋云。史孝山出師頌。係古章草法。在宋時有兩本。天府志索幼安所謂銀鉤之敏。而人間則盛推蕭子雲。余舊於文壽承所見一卷。上有祐陵泥金御題。征西司馬索靖書。與宣和瓢印。蓋天府本也。第黯黯不甚可別。細翫其行筆處。亦似微蹇澀。往往有楓落吳江之恨。今年秋。家弟敬美購得一卷。其大小行模相彷彿。而結法特加遒密古雅。墨氣如新。又有太平公主胡書王涯僕射永存珍祕二印。越國公鍾紹京半印。楮尾米友仁數文鑒定。以爲隋賢書。遂入紹興內府。余竊謂二跡皆自幼安臨出。特紹興之所入者佳。而宣和之所藏當小次耳。小米不能別。所以而槩以隋賢目之。大似暗中摸索。余良幸獲再觀此希世之珍。所小不滿者。子雲奇跡。遂以永絕。令人慨歎。

東晉

王羲之袁生帖卷

白紙本。堅薄而潤。光潔如新。草書二十五字。昇元帖淳化閣會刻。黃絹隔水上。有宋徽宗金書月白絹標籤。題晉王羲之袁生帖七字。六璽具備。緋紅奪目。本帖左下角有一朱文大古印。文不能辨。後紙壓

內府圖書之印。文衡山一跋。小楷甚精。明錫山華氏亦曾摹刻。諦觀此帖。用筆確合重若崩雲。輕如蟬翼之論。墨氣濃淡。轉折頓挫。着眼立辨。非雙鉤填廓者比。宜命爲真跡。余得於松江王氏。卷外用宋刻絲仙山樓閣包首。古色淡雅。可稱佳品。

裹鮮帖卷

冷金紙本。墨氣紙色。奕奕動人。草書三行十八字。米海嶽書史曾經記載。爲薛道祖所收。唐模最精者。帖內書有紹彭二字。並弘文之印。米姓祕玩書印。第二行內當字旁注一欽字。乃蘇舜欽也。後又崇嗣二字。自爲徐崇嗣所收。觀清河書畫舫。此帖薛氏已刻石贊。其後贊有崇嗣與欽鑒賞同好之句。是知曾經蘇徐所收無疑也。前有亡宋南廊庫經手郭溥長條墨記。前綾隔水有宋紙標籤題王右軍裹鮮帖妙品上上。字法宜和清勁不俗。後宋綾隔水上。有濮陽李廷相雙檜堂書畫私印。瑞文圖書賢志堂。趙氏子昂。句曲外史。貞節堂。齊郡張紳。士行。陳彥廉。喬氏等印。及王常宗印。後紙有米元暉紹興乙丑歲一題。後押米氏二字白文印。按書畫舫所載薛氏題贊云。右軍爲書。暮年更妙。裹鮮旣出。衆帖咸少。蓋其暮年縱心所造。開元珍藏。弘文祕奧。崇嗣與欽鑒賞同好。龍鳳騰儀。日星垂耀。陳雷不嗣。隱如霧豹。清闕于歸。是則是傲。

遠宦帖卷

冷金紙本。草書六行。紙墨精彩。淳化閣曾刻。唐人雙鉤無疑。黃絹隔水。宣和墨題。晉王羲之遠宦帖七

字。上鈐雙龍方璽。前後鈐宣和連珠璽。大觀宣和小璽。後有羣玉中祕鈐璽。後紙押明昌御覽大璽。及秋壑圖書。北燕張氏印。明項墨林諸印。

臨魏鍾繇古千文卷

白紙本。與袁生帖紙無異。行書一百八行。前銜款魏太尉鍾繇千字文右軍將軍王羲之奉敕書。首句二儀日月雲霧嚴霜起。字大如錢。末尾謂語助者焉哉乎也等字倍大。其文不克讀。蓋初未編次。逮後梁武始命周興嗣次韻耳。米海嶽寶章待訪錄。曾經記載。前黃絹隔水上。有金書月白標籤。雙龍圓璽。宣和鈐璽。晉國奎章大印。隔水前押御書半鈐瓢印。本紙有祕府瓢印。內殿珍玩。明昌寶玩。晉府書畫之印。希世之寶。子孫寶之。珍祕二字等印。及秋壑圖書。後絹隔水。鈐政宣小璽。又歐陽玄楊士奇印。後紙有羣玉中祕。明昌御覽大璽。又志存高遠朱文大印。平海軍節度使之印。前有荷字編號。爲項氏墨林所藏。鬱岡齋曾經摹刻。

行穰帖卷

硬黃紙本。草書兩行十五字。唐模至精者。首有宋徽宗金書月白絹標籤。前後黃絹隔水。押宣和五璽。鮮豔奪目。後紙押內府圖書之印。董文敏小楷一行。釋足下行穰九人。還示應決不大都當佳。款書其昌釋文。末角有用卿吳廷二白文印。又月白絹隔水。董文敏行書題云。東坡所謂君家兩行十三字。氣壓鄴侯三萬籤者。此帖是耶。董其昌審定。並題。後紙文敏二題。一行書題云。宣和時。收右軍真跡百四

十有三行。穰帖其一也。以淳化官帖不能備載右軍佳書。而王著不具。玄覽僅憑做書錢版。故多於真跡中挂漏。如柏卿帖。米海岳以爲王書第一。猶在官帖之外。餘可知已。然人間所藏不盡歸御府。卽歸御府。或時代有先後。有淳化時未出而宣和時始出者。亦不可盡以王著爲口實也。此行穰帖在草書譜中。諸刻未載。有宋徽廟金標正書。與西昇經聖教序一類。又有宣和政和小印。其爲內殿祕藏無疑。然觀其行筆蒼勁。兼籀篆之奇蹤。唐以後虞褚諸名家視之遠愧。眞希代之寶也。何必宣和譜印。傳流有據。方爲左券耶。萬歷甲辰冬十月廿三日。華亭董其昌跋於戲鴻堂。後又一題云。此卷在處當有吉祥雲覆之。但肉眼不見耳。己酉六月廿有六日再題。同觀者陳繼儒。吳廷。董其昌書。此題行書。字大如小拳。更爲精極。內附孫退谷一柬。押硯山齋朱文小長印。

王獻之送梨帖卷

牙色紙本。宣和書譜。米氏書史俱載。草書十一字內。送字已闕。紙墨淳古。神彩奕奕。卷首絹上朱書標題一行。後有柳公權文與可二跋。帖多收藏舊印。及董史祕阮朱文印。卷爲明王敬美曾收。王氏昆仲及王穉登文嘉。莫雲卿。詹景鳳。周天球。皆有跋。又董文敏以鏡面箋臨此帖。並書蘇詩附於後。甚佳。爲卜少司寇令之續入者。陳香泉云。大令有鴨頭丸帖。甚精。惜未一見。

東山帖

白紙本。行書四行三十三字。內闕四字。帖內有內府書印。紹興連珠小璽。機暇清玩之印。及文徵明。吳

廷印此帖。孫退谷評是米跡。誠謂定論。因戲鴻堂刻石於送梨帖後。姑附之。明吳江村亦刻入王帖中。又右軍大道帖。十字硬黃紙本。有趙松雪跋。鬱岡齋曾刻。少宰亦云爲米老。良是。

王珣伯遠帖卷

牙色紙本。行草五行。字大寸許。有自然沈着之氣。非唐模雙鈎者。此帖前後有半鈐古印。其文難辨。前綾隔水。董文敏題晉王珣伯遠帖。後綾隔水。文敏小行楷一跋云。晉人真跡。惟二王尙有存者。然米南宮時。大令已罕。謂一紙可當右軍五帖。況王珣書視大令。不尤難觀耶。旣幸子得見王珣。又幸珣書不盡湮沒。得見吾也。長安所逢墨跡。此爲尤物。戊戌冬至日。董其昌題。又延陵王肯堂一跋。考此帖曾入宣和祕府。然無黃絹隔水。及標題璽印。必久經流落。致諸鑒家亦無見聞。思翁云。幸書不盡湮沒。良然。

唐

虞世南臨王右軍蘭亭序卷

白麻紙本。墨色黯淡。神彩備具。有自然淳古之氣。發乎楮墨之間。前宋綾隔水。鈐押天歷之寶。本帖前上角鈐圖書二字。朱文半印。下角有內府圖書朱文印。後有紹興連珠小璽。斯文下有長方一。前後半鈐舊印累累。其文難辨。左下角書臣張金界奴上進。後綾隔水。上下鈐紹興二璽及御府之印。又張氏珍玩北燕張氏寶藏二印。後有淳熙五年十月朔魏昌楊益同觀。明初宋金華以及張東海董華亭朱之蕃王衡陳繼儒等跋。世稱天歷蘭亭者是也。此本用筆結體。全類開皇刻本。蓋唐模之最佳者。董文

敏陳眉公定爲虞書。則未敢輕許。卷多吳江村、馮涿鹿、收藏印。戲鴻堂會刻。

歐陽詢卜商讀書帖

淡牙色紙本。堅厚光潤。墨氣精彩。行書六行五十三字。黃絹隔水。宣和墨題。唐歐陽詢書。上押雙龍方璽。下角宣和連珠小璽。本帖右下角鈐一朱文大印。後上角鈐有印痕。必政和小璽。下角又半鈐一印。上蓋宣和小璽。此帖快雪堂曾經入石。

張翰思鱸帖

白麻紙本。行書十一行。帖內四角鈐紹興連珠大璽。後押紹興連珠小璽。前後有半鈐四印。模糊難辨。後紙半鈐之印二字朱文大印。下押賈似道曲脚封字半印。又瘦金書一題。字雖勁拔。然非徽宗書。帖爲宣和書譜所載。復歸紹興御府所收。蓋靖康之變。流落人間。未經北去者。余曾收率更行書千文一卷。運筆結體。全類此帖。上有紹興連珠小璽。並賈似道悅生菡蘆印。封字大印。又朱文淡齋二字及縉雲等印。後王晉卿大草書一跋。亦所罕覩者。爲人索去。不知流落何所。每一念及。爲之憮然。余幸刻石不致湮沒也。

褚遂良模王右軍蘭亭序卷

白麻紙本。紙墨淳古。神彩照人。每一展卷。心目俱暢。唐模無疑者。前宋綾隔水。墨題褚模王羲之蘭亭帖。下鈐御府圖書一印。本帖前首有太簡二字白文長方小印。下角押機暇清玩之印。後斯文二字下

押長方一印。文不能辨。內有勝中一印。及紹興小璽。秋壑圖書。子固。彝齋。等印。後紙接縫處。鈐內府書印。機暇珍賞。睿思東閣。三印。米元章詩題行楷百十一字。清勁峻逸。本體而兼褚法。押有元章大小九印。又滕中一印。滕中。宋時人。按稷帖綜聞所載此卷。曾在滕中處。元章已及之。又第後一紙。有機暇珍賞。楚國米芾。忠孝之家。及笥字等印。後題天聖丙寅年正月二十五日重裝。乃蘇耆書。上蓋忠孝之家印。又范仲淹。王堯臣。米黻。劉巨濟等。題記。內有浦江旌表孝義鄭氏一印。下有鬻質假贈。茲爲不孝一印。此紙紙墨如新。宋印累累。其間舊印。多有與前帖印記相符者。詳爲考訂。然非此序原題。按米氏鑒收法書。元章以王維雪景。李主領毛。徐熙梨花。易得蘇洵家蘭亭一本。有米元章跋贊。及范王諸公題記者。此紙是也。其元章跋贊二百十二字。小行書甚精。爲明成化時翰林陳緝熙所收。裝一僞本於前。後多明人題識。是卷余亦見之。昔文休承有云。褚模真跡。陳緝熙已刻石行世。陳屏鉤摹。遂搗數本亂真。又分散諸跋。爲可惜耳。是知蘇氏原本。與此紙並元章跋贊。既經分佚。不復有延津之合也。原本不知流落何所。此紙爲卞少司寇所有。裝於卷後。然無害於真蹟。余恐復蹈聚訟之誚。遂述之。非徒饒舌也。後龔開等跋雖真。亦非原跋。此卷曾經項氏所收。內多墨林諸印。

趙模行書千字文卷

白紙本色。澤光潔。墨氣煥然。卷畫烏絲界行。紙起隱紋。若琴斷。行書一百三行。每接縫處有伯機印章。前有李澄審定真蹟。衛青及子孫世昌。三白文印。紙邊又一墨印。後有米姓之印。四十三代天師章。虎

林隱吏箕子之裔等印。內舊印繁多。文皆難辨。前書行書千字文。太子右監門府鎧曹參軍事臣趙模。上是知此卷當時呈進唐文皇者。後紙郭天錫宋濂二跋。郭跋有云。此書趙模集右軍千字文。聖教序結體全類此本。咸亨三年去貞觀末年二十四年矣。當時此書傳世已久。故字字規模也。按此跋是天錫以懷仁書雖習右軍。其實本之於此。余每觀董文敏跋語中。亦以聖教序爲懷仁書。以此觀之。二公所見良合。書苑所云。豈爲定論。

顏真卿潘氏竹山堂聯句冊

絹本。原屬大幅改裝冊子。正書。字大如小拳。結字端嚴。運筆裕如。有天然沈著之氣。非諸刻本光硬版實者比。誠爲至寶。宣和書譜所載。復經紹興內府所收。前宋綾隔水。宋紙標籤。書顏魯公竹山連句詩帖。上品。字亦古雅。本絹上下角。鈐紹興連珠大璽。鈐縫押緝熙敬止朱文印。又一古印莫辨。詩前書竹山連句。題潘書光祿大夫行湖州刺史魯郡公顏真卿敍並書。下押珍祕。及希世之寶。子孫寶之。皆明晉府藏印。詩後書會大歷九年春三月。月字下有一舊印。模糊難辨。上下鈐紹興連珠大璽。宋綾隔水。鈐押御府之印。晉府圖書二大印。又鈐張氏珍玩容齋清玩二印。後紙米元暉題右顏真卿書竹山書堂詩真蹟。臣米友仁鑒定恭跋。並王元美昆仲二跋。此本爲真定相國家藏。曩曾有人來售。索價甚昂。未幾聞之。轉入宛平相公家矣。以爲不能復覩。相去三十餘年。復得一見。是知與翰墨有緣也。

湖州帖

一名江外帖。宣和書譜所載牙色紙本。紙質堅厚。墨氣如新。行草八行。字大如小拳。後款真卿白。用筆與劉中使帖絕相類。二帖皆宋宗室趙與勳所藏之物也。此帖前黃綾隔水。有內省齋白文一印。青綾標籤。金書顏魯公湖州帖六字。上押一寬邊朱文小印。本帖前有宣和紹興內府書印。下角鈐稽察司半印。後政和小璽。紹興連珠大璽。機暇清玩之印。又紹興連珠小璽。及張氏珍玩北燕張氏寶藏二印。後紙有秋壑圖書。歐陽元印。卷多項墨林家藏印。余收有魯公自書誥。並裴將軍詩書誥。有蔡忠惠。米元暉。董思白跋。裴將軍詩。曾經王弇州所藏。有曹武惠跋二卷。世稱名跡。今皆無存。然裴將軍詩。不無疑議云。

柳公權小楷度人經卷

硬黃紙本。烏絲界行。公權書於上都昭成觀者。道士孫文杲較勘。內供奉長孫公受界造。有唐開成三年歲在戊午正月十六日記。此卷宣和書譜所載。紙墨精妙。內淵字世民字皆諱筆。後有大順元年二月十九日華山道士魚又元小行草書。題於本文紙末。字字飛舞。有天真煥發之妙。前鈐宣和小璽。宣和連珠大璽。及半鈐四印。後鈐大觀宣和二璽。又二舊印。其文難辨。後紙鈐政和連珠大璽。以及張安私印。端木家藏一印。內有馮子振。趙巖。宋濂題識。後附陸深一札。與蒲汀老師者。卷經項子長所藏。

蒙詔帖

白麻紙本。行草七行。字大小相間。大者如小拳。此帖末角押紹興連珠小璽。前宋綾隔水。鈐瑞文圖書。

朱文印。質志堂白文印。後隔水有瑞文圖書。木天清玩。趙氏子昂。喬氏簣成。齊郡張紳士行。王常宗。陳彥廉。及韓氏等印。快雪堂曾經入石。

李郢七言詩稿卷

白紙本。烏絲界行。紙墨精彩。每接縫押宋內府睿思殿印。小行草詩四十一首。前書李郢七言詩大中十年楚望十一字。卷前下角有朱文柯九思敬仲印。末有柯九思白文小印。朱文敬仲書印。前後有朱文合同鈐縫。朱耀家藏等印。後隔水押羣雅齋。常宜子孫印。按公詩鳴於唐。却無書名。然此書本柳諫議。又別有風韻考。大中去開成未遠。是時誠懸書名滿天下。臨池自必規模也。想見前人無一不從。有本處求之。公書世無二蹟。此卷爲元柯敬仲鑒藏。後柯跋內有嘗見宣和所收許渾詩稿。精緻亦如之。足以見唐人所尙。風流餘韻。令人興起之語。以此觀之。唐人詩稿。大都類此。是知真蹟無疑。入明曾經項墨林所藏。鑒家豈無見聞。詳觀項氏諸印。字文多有殘缺。必是墨林晚年所購。諸公未及一見。故名不朗朗。余何幸獲此至寶。後紙有宋宣和六年樂全居士一跋。下注公姓張。名確。字子固。及元柯九思。陳繹曾。周仁榮。張蠡。四題。

僧懷素自敘卷

白麻紙本。大草書。墨氣紙色。精彩動人。其中縱橫變化。發乎毫端。奧妙絕倫。有不可形容之勢。前蘇舜欽補寫六行。非紙色稍異。難辨爲宋人書。引首李西涯篆書藏真自序四字。描金變雀。宋綾隔水。上押

羣玉中祕大印。及秋壑圖書。每接縫鈐建業文房之印。許國後裔四代相印。趙氏藏書等印。序後書大歷丁巳冬十月廿有八日。後有蘇耆李建中二題。又昇元四年二月日。文房副使銀青光祿大夫兼御史中丞臣邵周重裝題記一行。上蓋建業文房之印。又崇英殿副使知崇英院事兼文房官檢校工部尚書臣王題御一行。其名磨滅。四題書於本序紙末。後紙有杜衍、蔣之奇、蘇轍、邵鹹、蔣璨、曾紆、趙令時、蘇遲、富直柔題。又吳寬、李東陽、二跋。後續文太史墨搨一跋。及文壽承所書釋文。卷拖尾文壽承墨蹟。又題觀於陳湖陸氏。並項墨林注。其價值千金。卷多項氏印記。

苦筍帖卷

細絹本。墨氣精彩。草書十四字。超妙入神。前隔水有金書月白絹標籤。題唐僧懷素草書苦筍帖九字。非徽宗書。用筆類小米。帖內有御書瓢印。及宣和連珠璽。考宣和書譜。此卷未經載入。然此二印似少生動。必爲後人蛇足。其乾卦圓璽、紹興小璽、歐陽元印、俱真。中多古印難辨。後紙小米題右懷素書苦筍帖。臣米友仁鑒定真蹟恭跋。右下角押士奇之印。米題後上押內府圖書之印。又聶子述題。又寶慶改元九月九日重裝。松雪記。松者不知何許人。後項墨林行書一跋。學米書。款墨林項元汴敬題。隸書七字。甚雅。

論書帖卷

粉花白紙本。光潤可愛。草書九行。字字規法。右軍不作縱橫之勢。宣和七璽全備。前黃絹隔水。金書標

題已闕。後紙絹隔水。有紹興連珠小璽。後紙押內府圖書之印。及秋壑圖書。卷尾項墨林小篆書兩行。後有張晏、趙孟頫二跋。又項墨林一跋。

僧高閑半卷千字文

白紙本。前文已闕。後自莽抽條起草書。共五十二行。字大三寸及二寸許者。紙墨俱佳。筆法奇偉。有自然淳古之氣。發乎豪端。款吳興高閑書。後押林左民白文印。喬氏篋成白文墨印。喬氏真賞朱文印。每接縫處鈐箕子之裔朱文印。末上角有朱文樞字印。卷爲鮮于太常所藏。雖闕無害爲名蹟。後紙有天台林祐一跋。內云。按林蘊撥鐙序曰。林嘗學書於盧安期。安期授以撥鐙法。推拖撚拽四字之語。今觀此書。豈閑亦用撥鐙法耶。

唐臨黃庭經卷

硬黃紙本。研絲界行。書法淳古。墨氣煥然。唐人臨本無疑。前宋綾隔水。首題唐臨黃庭經楷書五字。類宋高宗書。此卷首押雙龍圓印。下角押一半鈐古印。文不能辨。接縫處有內府圖書希世之珍等印。後押紹興連珠小璽。下角有鮮于半印。接紙有嘉定閒東陽滕姓一跋。後綾隔水。董文敏小行楷兩題。皆謂鍾紹京書。後有元陳繹曾題贊。章草甚精。又至正閒管崑一跋。書法亦甚古雅。卷尾吳江村題。此爲梁摹。非也。卷中郭氏吳氏劉氏等印繁多。未錄。嘗見宋高宗臨黃庭一卷。白紙本。押奉華堂小印。有邵亨貞、張清夫跋者。用筆結體。全類此書。渾厚天真。了無差別。是時此卷曾收紹興御府。機暇之餘。自必

規模，以致得其神髓。觀此始知高宗臨本所自出耳。

唐臨右軍二帖冊

此冊臨十七帖中瞻近漢時二帖。紙本。每行真草。前後相開。神彩煥然。唐人墨蹟無疑。用筆有入木三分之妙。前瞻近一帖真草十二行。前闕六行。鈐縫押趙氏子昂朱文印。後漢時一帖真草十行。前闕二行。前押鷗波連珠朱文印。鈐縫押趙氏子昂朱文印。二帖皆爲趙文敏補足。後帖紙末文敏書。右唐人所摹帖不完。因爲補之。款子昂。下押趙氏子昂朱文印。帖有子子孫孫永保白文印。特健藥朱文長條印。及白文永存珍祕。凝清軒永和堂印。後紙有鄧文原、袁桷、張嗣真、虞集、吳寬題識。考此冊原本三帖。前有司州一帖。無存。

北宋

徽宋瘦金書千字文卷

白紙本。朱絲隔欄。字大寸許。每行十字。首書千字文。後書崇甯甲申歲宣和殿書賜童貫。上蓋御府之印。朱文大璽。前後有長樂未央及雪堂二印。

欲借風霜二詩帖

白紙本。前七律一首。後五律一首。瘦金書。十行。清勁峻拔。飄逸不凡。左下角押魚雁無恙白文小印。

王著草書千字文卷

粉花白紙本。烏絲界行。草書一百四行。前後收藏印記累累。鮮豔奪目。前有半鈐乾坤小圓印。首尾押中書省朱文大印。卷首書千字文。敕員外散騎侍郎周興嗣次韻。每接縫有困知勉行朱文長印。文後又書草書千字文五字。下有忠孝之家。寬邊朱文印。後一行款書侍書王著書。小草甚佳。後有周越一跋。書於黃素上。織藍絲界行。此跋接連前文。鈐張氏珍玩東華山房二白文印。跋後有秋壑圖書等印。世傳著書。惟此一卷。行筆可謂珠圓玉潤。更兼周越一跋。亦所罕覩者。後有歐陽元長跋。款書廬陵歐陽元跋。袁侍御亨伯家所見。至正丁酉七月初吉。下押白文歐陽元印。又項墨林一跋。

李宗諤銅魚帖

粉花白紙本。色澤光潤。行書五律一首。計七行。前鈐貞元半印。下角押縉雲葉氏朱文大印。曾經明王氏爾雅樓所藏。詩送士龍腹兄者。款書從表弟翰林學士李宗諤上。

李建中土母帖

深牙色紙本。行書十行。用筆沈著。猶存唐之遺風。有歐陽率更法。款書一押字。帖前有一半鈐舊印。並半鈐葫蘆印。下角有畏字編號。爲項氏所藏者。相傳西臺此書。本有六帖。宋元明皆有題識。今惟見此帖。及金華姜巨文江蕭引高制河王尹實。獨山王僞四跋。其五帖並宋元諸跋。不知歸於何所。

林逋秋深三君二帖册

牙色紙本。前一帖行草八行。前鈐朱文連珠半印。難辨。下角有沈周寶玩子孫永保其用朱文二印。帖

與瑀兄座主者。後一行書。暫倩一人引此僕去。章八郎家後一帖。行草。十一行。末角有沈周寶玩印。後三行書。所託買物錢二索。省是前人留下。尙恐未足。餘俟面致。多感多感。下押朱文。四州安撫制置使之印。後紙押朱文三大印。文難全辨。二帖騎縫。鈐朱文。四州安撫制置使之印。前印首李應禎。象和靖處士真蹟六字於藏經紙上。款書吳郡李應禎題。後有謝升孫。陳頎。吳寬。三跋。及沈周。吳寬。李東陽。張淵。陳頎。追和東坡題處士詩。並程敏政詩題。嘗見和靖自書詩五首。較此二帖。結體稍肥。確類李西臺。本帖紙有蘇文忠題詩於後。卽沈吳諸公和韻者。王弇州。昆仲皆有跋。今爲吳門徽人汪氏所得。

葉清臣大旆帖

白紙本。行書十三行。後書清臣再拜。資政大諫天休十兄防閣。七月五日。

范仲淹與尹師魯二帖卷

前七月十四日割。白紙本。行書十三行。內有文正十六世孫謹藏圖書印。前後收藏舊印難辨。後四月二十七日割。淡黃紙本。行書十一行。前後押有收藏舊印。此二割用筆清勁。如道服贊結體。全不相類。後有樓鑰。洪邁。楊萬里。胡助。柳貫。黃潛。鄭禧。劉魁。戴仁。吳寬。王世貞。題。此卷本三帖。今闕其一。高詹事跋。內已及之。文正道服贊真蹟。後有文同及宋元明諸跋。

范純仁軒馭帖

白紙本。行書九行。與伯康君實二兄。內有忠孝世家。瞻袞堂。白文印。南昌袁氏家藏珍玩子孫永保朱

文大印。後有明安國玩、吳興二字連珠、王濟賞鑒過物、及項氏諸印。

范純粹故人帖

白紙本。行書九行。前有珍祕二字白文印。半鈐永寶用朱文印。下角半鈐寬邊大印。後有鑒古堂朱文印。又之末朱文大印。前二字模糊莫辨。下角半鈐寬邊大連珠印。及項氏收藏印。

沈遵屯田君帖

白紙本。行書九行。有浦江旌表孝義鄭氏朱文印。及項氏諸印。

錢公輔別久帖

淡黃紙本。行書十五行。前有浦江旌表孝義鄭氏印。後下角有審定真蹟朱文印。及項氏收藏印。

歐陽修上恩帖

淡黃紙本。一名杜門帖。行書十六行。後書端明侍讀留臺執事。三月初二日上。蓋六一居士朱文寬邊大印。

灼艾帖

白紙本。行書六行。字大如錢。後書修再拜學正足下。廿八日。帖內一朱文葫蘆印。又前後四印。後有李東陽詩跋。書於鏡面箋上。

蔡襄謝賜御書詩卷

澄心堂紙本潔白若玉墨色如漆正書大小三十七行宋人墨蹟中之錚錚者紙四接每接縫用小合同印後有米芾文及甫吳禪客謝克家崧鮮于樞趙孟頫胡儼解縉紳吳牧宋洵劉真尹昌隆趙友同夏元吉吳寬陳繼儒董其昌題識卷前半鈐一寬邊大印下又半鈐三印前後有喬中山王芝華亭黃氏等印。

持書帖

白紙本行書十四行後書上賓客七兄執事八月二十四日上蓋蔡字腰圓朱文印前下角鈐寬邊朱文半印惟存之印二字快雪堂曾刻。

暑熱帖

淡牙色紙本行書九行前六行後書襄上公謹左右又續書三行云帖犀作子一副可直幾何欲託一觀賣者要百五十千帖末角有和叔寬邊一印並黃美之項子京等印。

離都帖

白紙本行草十一行前九行後書襄頓首杜君長官足下七月十三日又續書二行云貴眷各佳安老兒已下無恙永平已曾於遞中馳信報之此帖押有孫琦之印。

山居帖

淡黃紙本行草九行後書襄再拜戈才陳弟足下謹空帖有大雅句曲山莊二印以及笄重光李宗孔

收藏印。

八帖冊

一山堂詩帖。白紙本。正書七言絕句二首。後書十五日山堂書。此帖相傳董文敏、陳眉公皆定爲雙鉤。余細閱之。非也。二中間帖。白紙本。行草十行。字可經寸。後書襄奉書五日。末角押一舊印。三蒙惠帖。白紙本。行楷四行。襄上公謹太尉左右。前後有鈐縫半印。四十一月帖。白紙本。草書十一行。後書襄再拜知郡司門足下。前有吳炳王延世印。後有居貞一印。快雪堂曾刻。五扈從帖。白紙本。行草六行。又名新茶帖。後書襄上公謹太尉閣下。前後有鈐縫半印。末下角有曹溶之印。戲鴻堂曾刻。六京居帖。白紙本。九行。此帖真行草法備俱。後書襄頓首知郡中舍足下。謹空。九月八日。七入春帖。白紙本。草書十一行。後書正月十八日。襄頓首公綽仁弟足下。八門屏帖。淡黃紙本。與推官呂君者。正書十七字。共四行。紙邊有寬邊半印。惟存圖書二字。考此冊本十紙。後有倪瓚、袁凱、陳文東、陳迪題識。在明曾經錫山華氏所收。有眞賞華夏二印。後歸項篤壽家。每幅有項氏收藏印。後經散佚。惟存五帖。並元明四跋。其中十一月扈從門屏三帖。乃後增入者。

大研帖

淡牙色紙本。正書八行。後書襄上彥猷足下。二十一日甲辰閏月。帖前有半鈐大印。又委角長條半印。末角押和叔寬邊一印。並黃琳美之收藏印。

思詠帖

白粉箋紙本。草書十行。前八行後書。襄頓首。通理當世屯田足下。又續書二行云。大餅極珍物。青甌微粗。臨行匆匆。致意不用悉。帖前有半鈐三印。末角有全卿朱文長方印。

謝郎帖

白粉花紙本。行草九行。後書。襄送正月十日。內有二舊印。並黃美之、季滄葦收藏印。

陶生帖

白粉花紙本。草書十行。字大小不一。有經寸者。有寸半者。前九行後書。正月十一日。襄頓首。又續書一行云。家屬並安。楚椽旦夕行。

富弼溫柑帖

深牙色紙本。行書十四行。帖與蔡君謨者。前書弼脩建墳院。得額已久。先人神刻。理當崇立。後書溫柑絕新好。盡薦于儿筵。悲感悲感。弼又啓。前押衍極堂朱文印。下有子敬白文大印。後押楊嘉壺中丹室。黃休伯、陳眉公等印。

文彥博內翰帖

淡牙色紙本。行草十行。字大寸許。前書彥博啓。後書幸聽愚者之言。款彥博二字。連爲一押。前有半鈐舊印。惟存印痕。後鈐半印。似天興二字。

司馬光天聖帖

深牙色紙本。正書十七行。結體端嚴。兼帶隸法。前後半鈐五印。又一白文韓氏之印。後書涑水司馬光五字。考此帖乃陳亞之洎詩稿中跋尾。未審何時分佚。

張方平名茶帖

一名錢塘帖。粉花白紙本。行書六行。前書賢郎在侍。下留錢塘也。後書方平啓。後紙吳匏庵小行書一跋。甚精。又一跋無款。字亦不俗。下押陳姓一印。

趙抃山藥帖

白紙本。行書七行。後書海柑四十顆。容易爲獻。皇恐皇恐。內多項氏印。及李氏鶴夢軒收藏印。

呂公弼子安帖

淡牙色紙本。行書六行。前書子安學問博瞻。材智深遠。後書公弼再拜。帖內有何氏元朗、柘湖居士、及項氏諸印。

王安石書楞嚴經旨要卷

白紙本。小行書七十四行。紙性堅緊。光潔如新。荆公作字。黃太史評有橫風疾雨之勢。觀此良不虛也。

此卷首書大佛頂如來密因脩證了義諸菩薩萬行首楞嚴經。後書余歸鍾山。道原假楞嚴本。手自較正。刻之寺中。時元豐八年四月十一日。臨川王安石稽首敬書。前後有大雅、松雪齋、趙氏子昂、陳惟寅

印後紙牟嘯之、王蒙題識、項墨林一跋、帖有項氏諸印、後經曹秋岳所藏。

過從帖

白紙本、行書六行、上通判比部閣下、帖首有浦江旌表孝義鄭氏朱文印、下角押濟之朱文印、末角有水邨祕藏清玩及陳繼儒印。

韓絳寄冲師長老詩帖

白紙本、行楷書八行、前書絳偶成拙頌、寄冲師長老、穎川韓絳上、後書七言絕句一首、帖前半鈐一印、末角朱文清森閣書畫印、何氏元朗白文印、及項氏諸印。

陞見帖

白紙本、紙墨俱佳、行書十三行、前九行、後書絳再拜、從事同年兄、十七日、後續書四行、託致錢塘知縣舍弟太祝處、帖經項氏收藏、前後半鈐六印、後紙邊印一朱文上字。

韓繹瞻懷帖

白紙本、行書十三行、字大如錢、前書繹頓首再拜、留守司徒侍中、末書十一月一日、謹空、下角一半鈐舊印、曾經項子京、吳江村所藏。

韓縝欽聞帖

白紙本、行楷五行、字法顏平原、前書縝欽聞制命、後書縝又上、前後空紙、皆項氏印章。

呂大防台慈帖

白紙本。行書六行。前書大防頓首。後書大防頓首。尚書右丞台座。帖內有項氏印章。及何元朗、石湖居士印。

示問帖

白紙本。行楷九行。運筆類蔡忠惠。後書大防頓首。運使質夫使君。九月十六日。帖首有□□義士之家。朱文大印。末角押朱文李氏圖書之印。曾經項墨林收藏。

唐垆珍翰帖

白紙本。行書五行。前書垆啓。征局冗坐。忽辱珍翰。後書垆再拜彥遠尊兄侍史。午刻。前有浦江旌表孝義鄭氏印。後下角有審定真蹟朱文印。內多項氏及李氏鶴夢軒印。

孫甫虞候還帖

白紙本。行書十一行。前書甫啓。虞候還。附手啓。必已呈左右。後書甫手啓。子溫。運判屯田同年侍史。三月廿六日。謹空。帖內有橘里清賞朱文印。橘里清玩白文印。清森閣書畫印。何氏元朗項氏收藏印。

蒲宗孟夏中帖

白紙本。行楷九行。前書宗孟頓首。夏中蒲兵還。辱榮翰。遙懷德誼。無時暫忘。後書宗孟頓首。知府鈴轄子中。待制。十二日。內有河東二字朱文一印。蓋於十二日上前紙邊。半鈐朱文二印。帖經項氏收藏。

章惇會稽帖

白紙本。行書六行。前書會稽惇候萬福。後書冀盡從容。惇別紙後押張氏圖書朱文寬邊大印。有浦江旌表孝義鄭氏及項氏印。

蘇軾洞庭中山二賦卷

白紙本。行書。字大如錢。賦前書洞庭春色賦五字。計三十二行。後賦前書中山松醪賦五字。計三十五行。文忠自題十行云。始安定郡王以黃柑釀酒。名之曰洞庭春色。其猶子德麟得之以餉予。戲爲作賦。後予爲中山守。以松節釀酒。復爲賦之。以其事同而文類。故錄爲一卷。紹聖元年閏四月二十一日。將適嶺表。遇大雨。留襄邑。書此。東坡居士記。前粉箋引首。太原喬宇篆坡翁詩翰四大字於上。後有至元閒隆安張姓一跋。並明黃養正、李東陽、王穉登、王弇州、昆仲題。又弇州付陳從訓一札。末有張孝思一跋。卷首押耆德忠正朱文大印。前後有張則之、張應甲等印。外籤乃弇州書。

新歲展慶人來得書二帖

二帖皆白紙本。乃坡翁傑作。前帖行書十九行。後帖行書亦十九行。皆與陳季常者。前帖前下角押一朱文大印。後上角鈐御府書印。接於後帖。後帖有御府寶繪朱文大印。後上角鈐御府朱文半印。二紙舊印累累。及項氏諸印。後董文敏跋於綠絹上。字亦甚精。有杜老所謂須臾九重真龍出一洗萬古凡馬空之句。快雪堂曾經刻石。

塞食詩卷

牙色紙本。行草書。字前小後大。黃山谷大行書題於後。又董文敏小行書一跋。俱書於本詩紙上。前黃綾隔水上。押天歷大璽。下押稽察司半印。又鈐寬邊容齋清玩朱文印。前下角有琅琴閣珍藏印。北平孫氏小朱文印。接縫鈐朱文寬邊舊印。黃跋前接縫有容齋葫蘆印。董跋後又一寬邊舊印。下角押轉運使朱文大印。二印其文不能全辨。後紙有張氏珍玩北燕張氏寶藏二印。後一跋。款三晉張續季長甫懿文堂書。下押懿文堂圖書一朱文大印。黃跋已見鴻堂帖中。內董跋云。余生平見東坡先生真蹟。不下三十餘卷。必以此爲甲觀。已摹刻戲鴻堂帖中。董其昌觀并題。

覆盆子帖

白紙本。行草六行。後書季常先生。一書并信物一小角。請送達。軾白。帖經項墨林收藏。

子高帖

畫花粉箋本。行草五行。上子高朝請。其字前小。後朝請二字倍大。帖有黃休伯陳眉公印。

職事帖

白粉蠟紙本。行書十行。後書主簿曹君親家閣下。八月十九日。內九字爲改筆。下角有兩山道人朱文印。

功甫帖

牙色紙本。行書二行共九字。書蘇軾謹奉別功甫奉議。前後半鈐四印。雖其數字甚佳。

書杜工部檉木詩卷

澄心堂紙本。行草書。前杜詩一首。計七行。後自題十二行。凡見蘇文忠公書。用墨太豐。此卷字畫沈着。用墨濃淡中。掇豐墨者。別有生動之趣。亦紙之使然耳。卷首押叡思東閣朱文大印。下角有東海郡圖書記白文印。接縫處鈐遼海王氏朱文印。下押賈洵朱文印。尾有紹興連珠小璽。後跋金華胡長孺。淮陰湯炳龍。鄜川劉鉉。眉山程郇。龍泉陳象祖。廬山連璧。富春潘夢得。大德辛丑立冬日。同觀於胡氏顏樂齋。又王執謙。黃玘。張嘉。吳叡。鄭元祐。危素。金冕志。姚廣孝。謝理等題。

書子由夢中詩帖

白紙本。行草八行。前書元豐八年正月旦日子由夢李士甯草草爲具。夢中贈一絕句云。詩後書明年閏二月六日。爲予道之。書以遺過子。款坡翁二字。此帖乃與叔黨者。前下角有朱文半印。惟存圖書二字。

一夜帖

白紙本。行書七行。前書一夜尋黃居宋龍不獲。後書軾白季常。廿三日。內季常二字倍大。前後空紙。有項氏收藏諸印。

東武帖

白紙本。行草五行。前書東武小邦。不煩牛刀。後書真州房縉。已令子由面白。悚息悚息。軾又上。帖首空紙上有鮮于朱文半印。下有金淵南陽家藏朱文二印。下角又朱文半印。後餘紙有一之二字。下押白文金應桂印。孟頫二字。下押趙氏子昂朱文印。南陽仇遠家藏六字。傍押仇几之印。南陽仇氏山村居士。三朱文印。帖中有周馳景遠章石民瞻白文等印。後有朱文齒白葫蘆印。以及四世五公漁陽朱文二印。後連淡黃元箋。有廬山黃石翁鄧文原二題。

見戲耳聾詩帖

白粉蠟紙本。行書十一行。一百五十二字。起句君不見詩人借車無可載。留得一錢何足賴。末二句。須防額痒出三耳。莫放筆端風雨快。後書次韻秦太虛見戲耳聾。此詩已見集中。末下角有一朱文舊印。蘇轍車馬帖

白紙本。行書十二行。前書轍啓。頃承車馬按部。後書轍再拜提刑國博執事。六月九日。帖有項氏及李氏鶴夢軒等印。

蘇邁辱書帖

淡牙色紙本。小行草十行。前書邁頓首再拜。主管學士坐下。辱書愈勤。感不勝道。後書邁頓首再拜。主管學士坐下。前後多空紙。押有陳氏印章。

蘇氏一門十二帖冊

此册嘉禾曹秋岳所集。前二帖皆淡牙色紙本。一道中帖。行草十六行。二相見帖。行草十行。此二帖前人定爲老泉書。後上角俱鈐朱文趙氏半印。下角俱押毗陵開國朱文大印。書法類爭坐位。宋人無疑。然洵字似非三點水傍。惜老泉書傳世絕少。相傳有臨顧一帖與君懿者。恨未一見。後東坡二帖。一久留帖。金花粉箋本。行書四行。前紙邊半鈐朱文私印二字。二屏事帖。粉花牙色紙本。正書三行。前紙邊亦半鈐朱文私印二字。又穎濱六帖。皆淡牙色紙本。一春寒帖。行書八行。前下角押文安開國朱文大印。二見訪帖。行書十一行。三新晴帖。行書七行。四固守帖。行書三行。五安勝帖。行書六行。六晴暖帖。行書六行。此六帖皆短札與王定國者。又叔黨二帖。一建茗帖。白紙本。行書九行。頗得家法。後書告借一白直句木匠嚴九者。欲令作少生活。明早至。幸甚幸甚。二贈遠夫詩帖。白紙本。正書七行。前書贈遠夫款。書眉山蘇過其詩。忠獻活邦國。名與崧岱尊。淒涼幾年後。贈印王其門。遠夫天下士。秀氣鍾瑛璠。從來萬夫傑。不產三家村。公其往繼之。要使風流存。此册每幅皆有曹氏印章。

蘇氏一門十一帖册

此册卞氏所藏。前東坡五帖。一作書帖。白紙本。行書三行。首書尊丈不及作書。後書軾又白。末角有朱文廷字小印。曾經吳江村所收。二京酒帖。白紙本。行草三行。前書京酒一壺送上。後書軾上道源兄。十四日三寶月帖。白紙本。行書四行。前書大人令致懇爲催了禮書。後書軾頓首。帖中有通白朱文一印。末角押朱文廷字印。四啜茶帖。白紙本。行書四行。前書道源無事。只今可能枉顧啜茶否。後書軾上恕。

草草五令子帖。白紙本。行書四行。字有大如錢者。前書令子所示。專在意。後書軾手啓。末角押朱文廷字印。五帖俱短札。又穎濱四帖。皆牙色紙本。一喜雪帖。行書五行。首書轍啓。雪甚可喜。宴居應有獨酌之樂。後書轍頓首定國承議使君。廿三日。二惠教帖。行書四行十五字。書承教惠兒子。相次上謁。轍上定國閣下。三晴寒帖。行書五行。前書轍啓。晴寒履況清安。後書廿七日。四文字帖。行書三行。書安君文字。今日已晚。來日督之。次海卽催之。改中無復義理。可爲太息。此四帖皆短札。俱有曹氏印章。必在曹冊中。取出配入者。又伯達台眷一帖。淡黃紙本。小行草。五行。共二十五字。前後所留空紙。約有尺餘。書邁拜問台眷。一一萬福。別紙所悉。尙容細處之。它委勿鄙。邁拜問。又叔黨試後四詩一帖。淡黃紙本。行書十九行。前書試後四詩。一呈吳開府兩絕句。一呈儀真張使君七律一首。一寄如皋葉尉五律一首。此帖有曹氏印章。亦自曹冊中拆入者。較前曹冊二帖更勝。冊後有宋人王安中、吳玘、二跋。皆非原題。冊前有老泉臨顧一帖。卞氏拆去。未得一見。

黃庭堅松風閣詩卷

粉花白紙本。正書二十九行。字大如小拳。筆法精奧。紙墨俱佳。首書松風閣三字。其詩已載渠中。卷前上押皇姊圖書朱文大印。又半鈐一印。下角有一殘缺舊印。後不書款。有宋賈氏封字大印。悅生葫蘆印。似道秋壑二印。皆朱文。又仇英朱文小印。十洲朱文葫蘆印。然仇氏印章皆實。父自作畫中用之。凡古人書畫中未見之。亦所希有者。後紙有嘉定閒向姓一跋。其名難辨。嘗見李成茂林遠岫圖。亦有其

題識。攷向姓字若冰。在宋三世好古。收藏甚富。其家所蓄。後爲賈似道致多豪取。此卷有賈氏諸印。蓋當時取於向氏者。卷經孫少宰退谷鑒收。觀庚子銷夏記。少宰失攷。不許其人。故及之。後有元魏必復、李洄、張珪、王約、馮子振、陳顥、陳庭實、李尤、魯獅、李源道、袁桷、鄧文原、柳贊、趙巖、杜禧、十四人。皆奉元大長公主命題者。內多項氏印章。余又見涪翁正書漢人得道陰長生詩。原屬長幅。未審何時改裝冊頁。有明賢題識。書法亦佳。

廉頗藺相如傳卷

白紙本。大草書。紙墨皆精。首押紹興連珠大璽。下有內省齋白文印。前有半鈐朱文印。紙計三十接。每接縫押內府書印。並紹興連珠大璽。後不書款。本傳拖尾押紹興連珠小璽。並紹興腰圓朱文小璽。秋壑圖書朱文大印。後拖尾有歐陽元印。卷經項氏所藏。

草書淡道章卷

淡黃紙本。長三丈四尺有奇。書凡十章。每章題目涪翁本色正書。大一寸五分許。其文大草書。第一祖教迴異。第二學難得妙。第三問來祇對不得。第四無指的。第五自樂僻執。第六問答須知起倒。第七言行相扶。第八一句子。第九古今大意。第十僧德潤贈道者。其後正書自題。雲頂山德敷談道廿章。傳燈但錄十首。去取亦未必盡。然窮僻處无文字。但隨傳燈書之耳。書至此。腕中痛欲脫。都不成字。自不可讀。古人作草。云意在筆前。又云有錐畫砂法。銀鉤蠶尾折釵股筆。又有屋坼壁漏。觀公主家擔夫爭道。

公孫大娘舞劍舞器。瀏離渾脫。乃能造微入妙。故可貴也。若余所作草。無復有是。又未曾規行矩步學古人。但隨意塗令紙墨耳。不知世閒人那用求討懷藏耶。後押山谷道人朱文大印。此卷草書法懷素神彩煥然。與廉蘭傳並傳於世。在明二卷俱經項墨林鑒藏。卷有子固白文印。彝齋朱文印。歐陽元白文印。楊氏家藏朱文印。禾李氏吳江邨等印。以及項氏諸印。

花氣時帖

白紙本。七言一首。行草五行。字大有如小拳者。其詩花氣薰人欲破禪。心情其實過中年。春來詩思何所似。八節灘頭上水船。前有貞元連珠半印。前後下角押朱文緝熙殿寶。此詩書法精妙。神氣煥發。每見涪翁大草書。其閒雖具折斂股屋漏痕法。然多率意之筆。殊不滿意。此書無一怠意。或因詩句短少。使然。余嘗以黃書小行書柬札爲第一。正行大字第二。大草書第三。若大草書如此詩者。不能多覩也。

苦筍賦帖

淡牙色紙本。小行書十一行。起句余酷嗜苦筍。諫者至十人。末後引太白但得醉中趣。勿爲醒者傳。二句。其文已載集中。後上角押朱文古篆大印。前後有陳定、吳楨等印。

垂顧帖

白紙本。行草十三行。前書庭堅頓首。後書庭堅頓首。齊君足下。前下角押景父項氏韞贖圖書。陽文墨印。末角有紹勳朱文葫蘆印。

精畫銀杏帖

淡牙色紙本。行草五行。帖左上角押一朱文半印。下鈐朱文寬邊半印。項墨林厭字編號。又一景父項氏韞韞圖書陽文墨印。後下角有紹勳朱文葫蘆印。及項氏姚氏等印。

天民知命帖

此帖涪翁所作家書一紙。白紙本。行書十六行。字畫純正。不露鋒芒。前書天民知命大主簿。後二行書諸嬾子以下。各小心照管孩兒門。莫作炒切切。前下角押景父項氏韞韞圖書陽文墨印。後下角押紹勳朱文葫蘆印。及項子京季滄葦等印。俞貞木草書一跋甚精。

雲夫帖

白紙本。行書十八行。前下角有項墨林讀字編號。首書雲夫七弟。得書知侍奉廿五叔母縣君萬福。後書十月十一日見庭堅報雲夫七弟。帖有項氏諸印。

南康帖

白紙本。行書十七行。前書庭堅叩頭。後書庭堅叩頭。上無咎通判學士老弟。五月五日。帖末小楷一行。書宋翰林太史修神宗實錄分甯黃山谷庭堅魯直書。用筆清勁。大類宋潛溪。帖有鮮于朱文圓印。並喬氏諸印。以及笄重光。李宗孔等印。

迎駕帖

粉花白紙本。行書九行。後二行。書五鼓起迎駕作。此書極草草也。考此帖卞氏書彙考於宋四大家卷中。亦曾記載。錄有山谷道人白文一印。雖未覩其墨蹟。然山谷此印。未見有白文者。且五鼓迎駕。書既草草。無過一束。何用印記。卽此不無疑議。必從此帖鈎摹以愚人。卞氏未考其詳而載之。

君宜帖

白紙本。行書八行。後書德輿賢友足下。帖前上角押一半鈐墨印。有魯直二字。前後又半鈐三印。及項子長吳廷印章。後下角押一半鈐墨印。

惟清道人帖

牙色紙本。紋起如琴斷。行草十一行。前下角半鈐朱文寬邊大印。後下角押緝熙殿寶。內有項氏諸印。此帖快雪堂曾經入石。

動靜帖

牙色紙本。行書十行。前後宋元璽印。緋紅奪目。及天祿永昌等印。前書庭堅再拜。道塗瘦曳。不得附承。動靜。後書庭堅再拜。上公蘊知縣宣德執事。末角書臣柯九思進入。乃元文宗御府所收者。

題葛稚川移居詩卷

白紙本。大行書十一行。卷前上下半鈐朱文大印。其詩。莫言家具少於車。藥裏衣囊自有餘。老婦親攜三穉子。僊翁獨玩一編書。羊牛相與趨新築。雞犬應難戀舊廬。是處山頭有斗牛。不知如此幾時休。

題山谷道人因得觀而敬贊。後上角押睿思東閣朱文大印。又朱文東海世家藏書畫印。下角鈐朱文二印。

米芾多景樓詩冊

淡牙色紙本。原屬橫卷。在宋已改裝爲冊。壁窠大行書七律一首。每行有兩字三字者。計四十一行。詩後自題云。多景樓禪師有建樓之意。故書前引首有古篆朱文二大印。後有崇甯元禊清明前一日。劍川何執中一跋。內云。在元度座上見者。卽蔡卞也。冊中每頁押左史江氏朱文大印。及檜字朱文印。秦燴之印。此冊在明爲沐府所收。上有黔甯王子孫孫永保之白文印。沐璘廷章公餘清玩白文印。征南將軍圖書朱文大印。後藍箋松雨老人一跋云。冊爲檜燴父子所藏。陸沈悠久。得歸素軒。沐公忠孝世家。視昔之隕。獲於誤國。姦臣之辱。萬萬霄壤矣。冊有嘉興曹氏大名成氏等印。此詩已經刻石。余曾見搨本。

二帖冊

一珊瑚帖。淡黃紙本。前行草六行。字大寸餘。首書口張僧繇天王。上有薛稷題。末珊瑚一枝四字倍大。內墨畫一珊瑚筆架。其形如叉。甚爲奇絕。下連一座。左傍書金座二字。後首又書七絕一詩。帖之前後半鈐內府書印。及大雅半印。二復官帖。白粉蠟紙本。字大寸餘。行書十二行。首書一年復官。不知是白申明。前後半鈐內府書印。及大雅半印。後米元暉題右簡尺并珊瑚帖。先臣芾真蹟。臣米友仁鑒定。恭

跋。後有季姓及天台謝在杼、郭天錫、楊肯堂、施光遠、焦源溥等題二帖。快雪堂曾刻。

淡墨秋山詩帖

白紙本。行書五行。字大寸半。其詩云：淡墨秋山畫遠天。暮霞還照紫添烟。故人好在重攜手。不到平山。謾五年。此帖少宰孫退谷曾經刻石。

秋暑憩多景樓詩帖

白紙本。行書六行。字大寸許。前書秋暑憩多景樓。其詩：縱目天空曠。披襟海共開。山光隨眦到。雲影度江來。世界漸雙足。惟未入圖生涯付一杯。橫風多景夢。應似穆王臺。帖前後上角俱有半鈐耆德中正朱文大印。

穰侯出關詩帖

淡牙色紙本。行書六行。字大寸許。帖首題高氏三圖。次行低二字題穰侯出關。其詩云：穰侯去國緩驅車。蔡澤還來取范雎。惡客只應真可厭。怪他漢相館邱墟。但此帖前題高氏三圖。其詩自必三首後二首爲人裁之耳。

三吳詩帖

白紙本。行書十行。字大經寸。前三行書蔽謹以鄙詩送提舉通直使江西襄陽米黼上。後七行書五言古一首。帖內有陳緝熙、王弇州、二家收藏印。帖中有一舊印。惟珍玩二字可辨。

砂步二詩帖

白紙本行書。字大寸半。分爲二帖。前帖五行。前書砂步二字。其詩砂步漫皆合。松門若掩桴。悠悠搖艇子。真似剡溪圖。後一帖行書亦五行。前書一又字。其詩已有扁舟興。曾看過剡圖。翻思名手盡。誰復費工夫。二帖俱有半鈐合同印。並中山喬氏。衡山全卿。張氏趙氏等印。

府公帖卷

白紙本。光瑩如玉。墨色如漆。高一尺三寸。長九尺餘。璧窠大書十六行。每行皆三字兩字者。書府公侍講。大庖過洞霄。大夫公同集。客蔡蕃晉孺。史儼子莊。徐濤次山。曾謂審言。丙戌二月廿七日。米芾題。紙三接。每接縫鈐二舊印。卷首有浦江旌表孝義鄭氏朱文長印。嚮質假贈。茲爲不孝朱文長印。下角押子孫永保白文印。前邊紙半鈐三鄭並合同等印。卷後上下鈐紹興連珠大璽及項氏諸印。余所見海嶽大書。以此卷爲第一。如大字天馬賦秋夜詩。皆上品之蹟。今觀此卷二卷。當作第二觀也。

三帖卷

第一叔晦帖。白紙本。行書七行。筆法清健。前五行書余始與公故爲僚宦。僕與叔晦爲代。雅以文藝同好。甚相得。於其別也。故以祕玩贈之。題以示兩姓之子孫。異日相植者。襄陽米黻元章記。以楚國米黻朱文大印。蓋於米黻元三字上。後二行書叔晦之子道奴。德奴。慶奴。僕之子鼈兒。洞陽。三雄。蓋一朱文印於鼈兒二字上。文不能辨。帖前鈐稽察司半印。二李太師帖。白紙本。行書五行。字大寸餘。書李太師

收晉賢十四帖。武帝王戎書。若篆籀。謝安格在子敬上。真宜批帖尾也。三張季明帖。白紙本。行書六行。字大八分許。書余收張季明帖云。秋深不審氣力復何如也。真行相閒。長史世閒第一帖也。其次賀八帖。餘非合書。此帖秋字下多一氣字。從傍加點。此三帖經項墨林所收。後有墨林一跋。內多項氏印。孫氏硯山齋已刻石行世。

鶴林甘露帖

白紙本。行書七行。筆法奇偉。字大如小拳。帖書米氏有菴在鶴林甘露二刹。今請法靜希巖二釋子攝主人。欲丐諸公各賦以光行色。芾再拜。前下角押寬邊朱文大印。

伯老台坐帖

白紙本。行草六行。字八分許。收藏諸印。緋紅奪目。前書十一月廿五日芾頓首啓。後書芾頓首伯老台坐。伯老二字大如小拳。台坐二字次之。甚奇。前後上角半鈐內府書印。前後下角半鈐朱文大雅印。又陸氏半印。並陳定收藏等印。

鄉石帖

淡牙色紙本。行書五行。字大寸半。書新得紫金右軍鄉石。力疾書數日也。吾不來。果不復來用此石耳。後元章二字款。

紫金研帖

淡牙色紙本。行書七行。字大寸半。書蘇子瞻攜吾紫金研去。囑其子八棺。吾今得之。不以斂。傳世之物。豈可以清淨圓明本來妙覺真常之性同去住哉。帖前下角半鈐稽察司印。

提刑殿院帖

淡牙色紙本。行書十行。字大八分許。前書芾頓首啓。後書芾頓首再拜。提刑殿院節下。帖經項氏墨林收藏。快雪堂曾刻。

糧院帖

淡黃紙本。字大經寸。行草十行。前書芾再啓。歷子倅車送去糧院。欲推過。他人不任其貴。後書或攜示倅佳。芾惶恐。

彥和帖

白紙本。行書。共九行。字大經寸。前六行首書芾頓首啓。後書芾頓首彥和國士。後三行書本欲來日送。月明遂今夕送耳。

真脉帖

淡黃紙本。行書五行。前書真脉一斤。少將微意。後書芾惶恐頓首。虞老可喜。必相從歡。

陳攬帖

白紙本。行書六行。前書昨日陳攬。後書芾頓首再拜。

參政帖

白紙本。行書三行。共二十七字。書蘇太簡參政家物。多著邳公之後。四代相印。或用翰林學士院印。蒂記。帖內有季振宜白文印。

寒光二帖

第一帖。淡黃紙本。草書五行。字大經寸。書向亂道在陳十七處可所。和及未寒光。旦夕以惡詩奉呈。花卉想已盛矣。脩中計已到官。黻頓首。第二帖。書盛製珍藏。榮感日夕。爲相識拉出。遂未得前見。寒光之作。固所願也。一兩日面納次。黻頓首。天啓親。此帖淡黃紙本。色與前帖同。草書五行。字大寸許。後天啓親三字。忽大如拳。甚奇。後絹隔水。董文敏題云。米老此尺牘。似爲蔡天啓作。筆墨字形之妙。盡見於此。二帖曾經項墨林所藏。內有項氏諸印。相傳曾經刻石行世。但未及見。

四帖冊

第一元日帖。淡黃紙本。草書十行。字八分許。首書元日焚香西北。二吾友帖。淡黃紙本。草書十行。字八分許。首書吾友何不易草體。想便到古人也。原本何字下一必字點去。不字旁注。三中秋登海岱樓。二詩帖。淡黃紙本。草書十一行。首書中秋登海岱樓作。四兩三日帖。白紙本。草書六行。前一岱字。首書兩三日未解。海岱咫尺不能到。後紙有米友仁鑒定恭跋。並都南濠一跋。考此冊原係九帖。曾刻於停雲館法帖中。國初鑒家甚夥。宋之四家墨蹟。南北爭購。吳門有一二於書畫中取利者。往往將東冊分拆。

希獲重利。遂使名蹟分失。如此。今幸存其四。餘五帖。並蔣祝董三公跋尾。仍在天壤。不知歸于何所。此四紙。每接縫處。俱鈐內府書印。朱文大璽。後帖有機暇清賞朱文璽。紹興連珠小璽。鮮于困學印。其中有黃休伯。筮在辛。陳以御諸家收藏印。

呂嘉問進職帖

白紙本。行書十行。前書嘉問衰晚。無堪蒙恩。進職易郡。悉出交游延譽之賜。後書嘉問再拜。帖有項氏收藏印。及何良俊印。陸沈金馬門二白文印。

趙令時賜茶帖

牙色紙本。行書九行。字類蘇文忠。前書令時頓首。辱惠翰。伏承久雨。起居住佳勝。後書令時頓首。仲儀兵曹宣教。八月廿七日。帖前下角有一朱文印。後餘紙押臨川王氏朱文大印。及朱文清森閣書畫印。白文何良俊印。以及項氏收藏印。

張商英女夫帖

白紙本。行書九行。前書商英惶恐。女夫王瀉之蒙收錄。後書商英惶恐再拜。帖有屠氏白文印。

王素才德帖

白紙本。楷書八行。筆法瘦健。前書素再拜啓。陝右久藉才德。宣布天子之惠。一方安肅。實解朝廷西顧之憂。後書素再拜。前有浦江旌表孝義鄭氏朱文長印。末角有審定真蹟朱文方印。考素。宋太尉旦之

季子也。

王觀平江帖

牙色紙本。行書十行。前書觀再拜。平江酒毛汝能。乃觀所辟置。後書第勿令胡守知此意也。觀再拜。帖有項氏諸印。考王觀字明叟。宋熙甯中人。南宋有曾觀。未知孰是。

李之儀別紙帖

淡黃紙本。行草十三行。前書之儀再啓。伏讀別紙。延予加重。後書之儀再啓。

裴煜秀州帖

白紙本。行楷十一行。清勁絕俗。前書煜啓。久疎修問。後書煜再拜。致政太保太初兄執侍。二日。帖有屠氏二印。案煜嘉祐間人。宋蘇才翁所藏唐摹蘭亭序後有題識。或卽其人也。

林希風範帖

白紙本。行書十四行。前書希再拜。前此四年。嘗於武林奉見風範。後書長樂林希再拜。劉君祕書文几。二月十三日手狀。末有腰圓朱文印。蓋於二月字上。帖有項氏收藏印。

蔣之奇辱書帖

畫花白紙本。行書九行。前書之奇啓。辱書承比來體履佳愈。後書之奇頓首。彥和和州司戶。二月二十日。帖前有浦江旌表孝義鄭氏印。後上下半鈐二舊印。以及項氏李氏鶴夢軒等印。

曾鞏局事多暇帖

行楷十三行。書於印書紙背。前書局事多暇。後書二十七日謹啓。押曾鞏再拜朱文一印。於七日上。此帖有項氏收藏印及朱文清森閣書畫印。

曾布還朝帖

白紙本。行書十行。字大如錢。前書布頓首還朝。雖久未獲一接緒論。後書布手啓上質夫學士侍史。前下角有珍繪堂記朱文印。後下角有一朱文半印。

守邊帖

白紙本。行書十三行。字大如錢。前書布頓首再拜啓。布區區承乏守邊。辱在隣壤。後書布頓首再拜上知府安撫資政左丞台坐。謹空。十八日前下角有珍繪堂記朱文印。

曾肇奉別帖

深牙色紙本。行書十六行。大類蘇文忠。前書肇奉別行復歲暮。傾鄉實倍常情。後書歲晚益寒。強食自愛。爲祝肇又上。前半鈐子敬等三印。內有衍極堂楊嘉尊杓三印。後半鈐古心樓易菴二印。帖經黃美之。項墨林收藏。

曾紆草履帖

牙色紙本。草書八行。字大寸許。前六行首書紆以道半雨淖。狼狽之甚。欲煩左右置草履以濟兵卒。後

書紆再拜久直知縣七哥。後二行續書。借一二十人來相接。左言帖前下角押珍繪堂記朱文印。後下角押一舊印。模糊難辨。

陳瓘仲冬帖

淡黃紙本。行書十一行。前書瓘啓。仲冬嚴寒。伏惟尊候萬福。後書瓘拜上。思濟使君大夫十二姐縣君。十一月廿二日。

陳暘七言詩帖

淡黃紙本。七言律一首。行書八行。前書太常少卿陳暘。其詩行藝當年帝所聞。聲名久矣動簪紳。文場秉筆淵源厚。師席談經業履醇。白髮忽驚蒿里暮。青衫難問箬溪春。兩京模範垂芳遠。多少生徒淚滿巾。帖末押縉雲葉氏朱文大印。曾經項氏收藏。

錢勰先起居帖

白紙本。行書四行。首書先起居贈開府儀同三司司空一帖。末書付沈氏以防遺墜云。帖中有一朱文大印。押勰字上。又浦江旌表孝義鄭氏朱文印。及黃美之項氏陳氏等印。帖前有三字編號。

知郡帖

白紙本。行書十行。前書勰頓首祇啓。知郡工部鈐下。後書勰再拜。啓知郡工部鈐下。六月九日謹空。六月二字上蓋朱文穆字一印。帖前下角有珍繪堂記朱文印。前後半鈐三舊印。

王鞏冷淘帖

淡黃紙本。行草六行。字法蘇文忠。前書鞏已作冷淘一杯。幸如約也。末書鞏再拜。帖有浦江旌表孝義鄭氏印。末角有審定真蹟朱文印。

薛紹彭三時帖

白紙本。行書十二行。七言絕句三首。其一。簇簇深紅開淺紅。苦才多思是春風。千樹萬落花相照。盡日經行錦繡中。其二。村落人閒桃李枝。無言風味亦依依。可憐憔悴蓬蒿底。蜂蝶不知春又歸。其三。十日狂風桃李休。常因酒盡覺春愁。泰山爲麴釀滄海。料得人間無白頭。款紹彭二字。前下角有珍繪堂記朱文印。後無白二字。上蓋朱文德壽堂書籍印。此紙經孫退谷收藏。

得告帖

淡黃紙本。草書八行。結體精美。全法王書。快雪堂曾經刻石。前書紹彭再拜。欲出得告。慰甚。審起居佳。安。壺甚佳。然未稱也。後書紹彭再拜。伯老太尉。方壺附還。帖首紙邊半鈐殿印二字。朱文印。

昨日帖

淡黃箋本。草書七行。戲鴻堂會刻。首書昨日得來老書云。欲來早。率吾人過天甯。素飯。後書幸照察。紹彭再拜。帖前下角有一半鈐舊印。內有項氏及黃氏陳定等印。

劉正夫又啓帖

淡黃紙本。行書八行。字類蔡元長。前書正夫頓首。又啓。遠辱手翰。得聞佳履。殊用慰感。末書正夫頓首。帖內有二舊印。並李君實、何元朗、項氏、陳氏等印。

王升杜門帖

淡黃紙本。草書十行。字大寸餘。前書升再拜。衰老杜門多病。久不承輿居之間。末書升再拜。

邵齋到京帖

深牙色紙本。行書九行。前書齋啓。到京俗事區區。遂不果。後書齋再拜。存道良親。司理閣下。帖有項氏諸印。

來教帖

白粉花箋本。行草七行。前書齋再拜。齋欲上狀而辱來教。仰佩勤眷。何感如之。後書齋又上。帖有浦江旌表孝義鄭氏印。又仁義里白麟溪朱文印。以上二印皆鄭氏印。

王巖叟清範帖

白紙本。行楷十行。結體端嚴。全法顏平原。前書巖叟頓首啓。闊遠清範。日益以久。第企鄉之心。時至左右。後書巖叟再拜。知府安撫左丞資政二十三日。上蓋朱文寬邊巖叟一印。前下角有珍繪堂記朱文印。又嘉禾曹氏二印。

張舜民潭州帖

白紙本。行草三行。字體奇古。帖書又得潭州法帖一部。會去人速。不及表背。希勿罪也。舜民頓首。後空紙押腰圓一印。又一朱文大印。前後半鈐舊印有四。文難全辨。

陳師錫歲晏帖

白紙本。行書八行。前書師錫頓首。歲晏伏承德履休佳。後書陳師錫頓首。方迴監郡宣德執事。帖有山陰賀氏一陽文墨印。及項氏諸印。

劉燾牛尾帖

白紙本。行書四行帖。書燾皇悚野人致牛尾。輒庖治寄獻。願恕輕逸。幸甚。燾再啓。後餘紙押毗陵開國朱文大印。前下角有一朱文舊印。內二字難辨。後上角半鈐趙氏朱文大印。內有嘉興曹氏收藏印。

李彭家兄帖

白紙本。行草十一行。前書公闢家兄得彼相從。當甚歡也。後書未開千萬珍重。彭頓首。帖前下角有一半鈐舊印。後有肇明二字朱文長印。下半鈐金匱石室之書及河東三鳳二白文大印。

蔡京節夫帖

白紙本。行書十行。字大寸許。後書京再拜節夫親契坐前。帖首有朱文半鈐舊印。下有墨妙二字朱文連珠印。後有薛氏家藏王元美鑒賞等印。京書評者謂正書如冠劍大夫議於廟堂之上。此帖亦然。

蔡卞四兄帖

白紙本。行書八行。頗類京書。字大經寸。後書卞拜覆四兄相公座前。帖前角有寶玩半鈐朱文印。末角有沈氏半鈐朱文印。曾經沈石田所收。並項墨林、李君實、何元朗等印。

蔡脩子通帖

白紙本。行書七行。不失家法。字大經寸。後書脩啓。上子通都監。帖有項子京、李君實、何元朗等印。此三帖按蔡氏父子兄弟。姦邪誤國。固非君子所取。若其書法之妙。又不可以人非藝也。

墨緣彙觀錄卷二

法書下

南宋

高宗書蘇文忠地黃詩帖

白紙本。行楷九行。筆法豐潤秀逸。字字臻妙。帖後押丙午二字朱文連珠印。並朱文御書之印。

孝宗政道帖

白紙本。行楷九行。類高宗書。後書賜曾觀。上蓋朱文御書之寶。帖右有五雲山林宗周二印。後紙曾觀一跋。款八月十六日中大夫祕書監丞兼左諫議臣曾觀記。上蓋朱文曾氏觀印。

止盜帖

牙色紙本。正書十六行。雖法高宗。體類鍾元常。前有林字一印。右下角押林字小長印。後鈐林氏半印。三印皆朱文。

李綱被詔帖

淡黃紙本。行書十三行。前書綱拜再。近被御筆詔書。以向條具邊防利害。特加見諭。上恩隆厚。何以克當。後書如得妙句。爲林下之光。幸甚。綱再拜。帖有李氏二印。

趙鼎郡寄帖

白紙本。正書十二行。全學顏書。前書鼎以罪名至重。不敢復當郡寄。後書左謹具呈。伏候鈞旨。八月日。特進知泉州軍州事趙鼎劄子帖。前下角有沈周寶玩朱文印。後有吳沈氏有竹庄圖書。及構李李氏二印。

韓世忠總領帖

白紙本。行楷書十一行。前書世忠咨目再拜啓。總領少卿台座。後書謹上狀不宣。世忠咨目再拜啓。總領少卿台座。帖前有半鈐貞元朱文印。曾經王元美家藏者。

運使帖

淡牙色紙本。行楷書六行。前書世忠咨目頓首。啓運使直閣侍史。後亦書世忠咨目頓首。啓運使直閣侍史。此帖爲撥兌官兵所用錢三十萬貫。內有屠姓二印。

韓彥質良荷帖

淡牙色紙本。行草八行。前書彥質啓。承書良荷至意。後書彥質頓首。知縣宣教。帖有朱文天水郡圖書印。及北燕張氏寶藏朱文印。項氏收藏印。

胡安國稍疎奉問帖

粉花白紙本。行書十一行。前書安國頓首。稍疎奉問。但企仰不忘爾。後書安國再拜伯高太博尊兄閣

下帖經項氏收藏。

吳說游絲書王荆公蘇文忠三詩卷

白紙本游絲書王荆公柳葉鳴蜩綠暗六言詩二首。蘇文忠和荆公一首。字大寸半。卷前首押二舊印。下一荷蘆印。又鼎式二印。其文模糊不能全辨。詩後有白文吳說私印。三吳吳說章朱文印。延陵君子後裔說章白文印。及書帷董史祕阮等印。後傅朋自書長歌一篇。前題上饒使君郎中游絲書歌其文。君不見往時文學顧八分。中郎之後典刑存。又不見先朝文惠書堆墨。寶殿濃雲照南北。未似只今上饒守。靜寫游絲不停手。非煙非雲斷復續。緩步除行不拘束。斷崖一落千丈滑。遠望筆行如一髮。鬼神竭力覷不見。鐵礦消亡鋼作線。線舞飛揚不自由。縱橫自在勝銀鉤。知君此意非安排。妙處不從筆下來。心凝神釋萬事去。信手却立無纖埃。滿堂迴頭莫見猜。我自悟此忘胸懷。操舟相馬在事外。顏氏識此由心齋。如君下筆少有意。錦繡甯不悞翦裁。君惟無心故若此。秋豪自足纏風雷。鍾王斂手謝不敏。長史懷素慙衰頹。病夫一見心眼開。向來窮愁安在哉。此歌以前行書二十五行。後又小行楷八行。跋云。直學士院紫微舍人東萊呂公爲說作此詩。後二十許日。公捐館舍。此殆其絕筆也。公之句如槃中走丸。如地中行水。雜之少陵詩編中。未易議優劣也。其季偉信見屬寫本。因題其後。紹興十五年歲在乙丑十月。旣望。錢塘吳說。下押吳說白文印。後有董史祕阮及鼎爵爐瓶式八印。按說。宋紹興中稱善書者爲第一。更精於楷書。凡所見者多行書小楷。惟見定武蘭亭一跋。姿媚遒勁。秀逸特出。其草書則

未之見。此書筆畫細如毫髮。全作草體。每行一筆直書。連綿不斷。轉折閒架。疎密得宜。雖具縱橫飄揚之勢。不踰規矩之外。考古雖有此法。後皆無傳。想見傅朋之苦心。非爲傳奇。欲使後學知其所謂正鋒者。如是用筆也。惜乎世不多見。相傳明季崑山黃應龍家藏。有吳傅朋游絲書。又按鐵網珊瑚載傅朋有游絲書七律三首。款紹興戊辰歲十月十三日書於雙港者。

二事帖

淡牙色紙本。行楷相閒十八行。甚佳。前書說皇恐再拜上覆。前日匆匆。請違門下。有二事失於面稟。後書說皇恐再拜上覆。未有歐陽元白文印。帖經項氏收藏。

昨晚帖

牙色紙本。行書九行。用筆結體。字字精妙。前書說頓首再拜。昨晚特枉誨翰。適赴食。歸已暮。不卽裁報。皇恐皇恐。後書說頓首再拜。御帶觀察尊親侍史。帖前上角押一舊印。莫辨。下有清白傳家朱文印。後有一朱文舊印。下角押縉雲葉氏朱文大印。

敍慰帖

牙色紙本。行書八行。前書說頓首上啓。區區敍慰。已具右疏。卽日凝凜。不審孝履。何以。後書說頓首上啓。大孝宣教苦次。帖前有十二兩字係編號。又項氏黃氏並易菴圖書楊嘉等印。

沈與求氣爽帖

淡黃紙本行書八行前書與求頓首上子明知府侍郎親家台席秋高氣爽伏惟台候勝常後書與求頓首上子明知府侍郎親家台席帖前半鈐腰元大印及王氏貞元朱文連珠印。

蘇庠均休便道二帖册

二帖俱短札淡黃紙本前一帖小行草六行書庠再拜上問尊夫人即日共惟壽體益康甯門中上下均休老媳婦輩敢拜起居山中有委萬萬疏示庠再拜帖後下角有文石子白文印後一帖小行草七行書門中伏惟萬福妻子輒拜起居之禮必恭已行否或面留告道區區之意山中雖荒索然歸金壇亦便道也儻蒙肯賜屈辱不勝至幸庠再拜帖前下角有半鈐閣印二字白文印後有宋人諸跋惟徐翽蘇嶠二跋宜配此帖別者非原跋也帖有項氏收藏印按鐵網珊瑚此册前有七言絕句二詩簡今已無存。

陳與義詠水仙花詩帖

牙色紙本行書六行前二行書詠水仙花書呈幸光和與義上其詩仙人緗色裘縞衣以楊之青帔紛委地獨立東風時吹香洞庭暖弄影清畫遲萬里北渚雲亭亭竟何思唯應園中客能賦會真詩帖前下角有一白文舊印不能辨。

江藻遠別滋久帖

淡牙色紙本行書十一行類米書前書藻咨目頓首再拜上啓太虛判院朝議台座遠別滋久瞻仰殊

深。後書藻。谷目頓首再拜。上啓太虛判院朝議台座。帖前有王氏貞元朱文連珠半印。
嘉謨通判帖

白紙本。行書七行。前書藻頓首再拜。上啓嘉謨通判朝奉賢友。後書藻頓首再拜。上啓嘉謨通判奉議賢友。下有忠徹朱文印。末角有朱文清森閣書畫印。何氏元朗白文印。項氏曾收。

蔣璨二詩帖

淡黃紙本。行楷書十九行。前七律二首。詩內注有小字四行。後自題云。沖寂觀去南莊數里。肇建於有唐。逮今數百年。中間衰弊。吾家會祖太傅公。爲司出納。且主盟興起之。相繼累世不墜。兵火之後。殿宇久廢弗理。房舍荒寂。璨今再至。不勝感歎。故作二詩。紹興甲子季秋乙亥。蔣璨拜呈。帖前押貞元朱文連珠半印。

翟汝文宣撫帖

白紙本。行楷書十行。用筆類蘇文忠。前書汝文頓首再拜。宣撫觀文僕射相公鈞座。去遠左右。有年數矣。後書汝文頓首再拜。宣撫觀文僕射相公鈞座。帖前下角押珍繪堂記朱文印。

張九成問訊帖

淡黃紙本。行草書六行。前書九成再拜。荒谿已還舊寓。今日遣書言問訊矣。末書九成再拜。帖前下角有珍繪堂記朱文印。

牙色紙本。行草書九行。前書九成再拜。聞宮祠已滿。且復有瘡瘍之苦。後書九成再拜。

張綱乞授封號帖

白紙本。行楷書十三行。前書綱比以小兒堅乞回授封號事。後書右謹具呈資政殿學士左太彙考刊大字

中大夫致仕張綱劄子帖。前有貞元朱文連珠印。浦江旌表孝義鄭氏朱文印。清源王孫白文印。政和弼亮元儒潛藩舊德太宰正獻之裔朱文印。後有畏齋朱文葫蘆印。及何處恬智夫圖書珍玩何氏家藏。二白文印。

張浚遠辱手翰帖

牙色紙本。行書十一行。前書浚再啓。遠辱手翰。良佩勤厚。後書浚再啓。

張孝祥關徹帖

白紙本。行書十一行。前書孝祥拜覆。後書孝祥拜覆。姨夫判府留守待制侍郎台坐。帖前有貞元朱文連珠印。下有浦江旌表孝義鄭氏朱文印。後有甲辰二字朱文葫蘆印。

朱敦儒塵勞帖

牙色紙本。行草書十一行。前書敦儒再拜。後書臨書神馳。敦儒再拜。末角押半鈐一印。內有項氏諸印。

龍大淵歲華帖

白紙本行書十二行。前書大淵竊以歲華將暮。後書右謹具呈。十二月日。昭慶軍承宣使知閣門事兩淮撫諭龍大淵劄。

洪遵睽遠許時帖

淡黃紙本行楷書九行。前書遵頓首再拜。睽遠許時。可量向仰之悵。後書遵頓首再拜。

王之望通判學士帖

淡黃紙本行草書十五行。前十一行。前書之望頓首再拜。季思通判學士尊親台座。後亦書之望頓首再拜。季思通判學士尊親台座。後四行書。九婦以次均休。百一哥妹比方進茂。老妻兒女比問。有妾無外服餌藥。須而見方傳。

葉衡初冬帖

白紙本行書八行。前書衡悚息啓。縣尉奉議。後書衡悚息啓。縣尉奉議侍史。前邊紙有貞元連珠印。康輿之宮使帖

牙色紙本行書十三行。前書與之上覆宮使尙書先生台席。與之遠去門下。忽將兩月。後書與之上覆宮使尙書先生台席。謹空帖前有五字編號。及項氏黃氏藏印。又有關內候印。楊嘉壺中丹室。易菴圖書。四白文印。

虞允文適造帖

白紙本行書十五行。結字兼具隸體。前書允文適造。見後書右謹具呈九月二十八日允文劄子帖前。有貞元連珠印。後接紙虞堪一跋。謂丞相手澤。得之于黃舜臣名夔先生家藏。時至正二十五年七月六日也。嗣孫堪謹識。

王十朋室銘帖

白紙本。行草書廿九行。前書十朋伏蒙寵示室銘。後書右謹具呈。左奉議郎充集英殿修撰權發遣饒州軍州事王十朋劄子帖。有貞元連珠印。并浦江旌表孝義鄭氏印。

王淮上恩帖

白紙本。行書九行。前書淮埃罪機廷。每慙無補。後書右謹具呈。中大夫參知政事王淮劄子帖。前有正獻之後。清源王孫何氏鄭氏貞元等印。後有畏齋何氏二印。

汪應辰子東學士帖

淡黃紙本。行草書九行。前書應辰頓首再拜。後書應辰頓首再拜。子東學士丈。

范成大垂誨帖

白紛蠟紙本。草書十六行。前書成大向蒙垂誨。後書成大再拜。帖經項墨林收藏。何良俊、陳定等印。

荔酥沙魚帖

白紙本。草書九行。前書成大頓首再拜。爲寄荔酥沙魚。極荷軫記。後書成大頓首再拜。帖經孫退谷侍

郎收藏

謝諤垂訪帖

白紙本。行書十三行。前書諤昨日承垂訪。後書右謹具呈益夫宣教舊友三月日。朝散郎試右諫議大夫謝諤劄子帖。有壬午連珠朱文印。吳興連珠朱文印。西碧山房王濟賞鑒過物印。以及項氏李氏何氏王濟鑒過等印。後有滌陽屠氏琴式一印。後有四字編號。

朱熹賜書帖

白紙本。行書十行。前書熹昨蒙賜書。感慰之劇。偶有小職事。當至餘姚。後書右謹具呈提舉中大契丈台坐。六月日。宣教郎直祕閣提舉兩浙東路常平茶鹽公事朱熹劄子帖。經項氏收藏。前有五字編號。教授學士帖。

淡黃紙本。行草十七行。前書正月卅日熹頓首再拜。教授學士契兄。末書熹頓首再拜。帖前下角有珍繪堂記朱文印。

韓元吉晴寒帖

淡黃紙本。行書八行。前書元吉頓首上覆。伏奉手教。欣審晴寒台候萬福。後書元吉頓首。上覆司馬朝議二兄台坐。帖有宏氏珍玩白文印。及項氏收藏印。

葉夢得閣下帖

白紙本。行楷十六行。前書夢得再拜上啓。閣下偉業宏林。先帝所識擢。誠心一德。主上所注倚。後書夢得再拜上啓。帖前下角有珍繪堂記朱文印。以及嘉禾曹氏印。

吳琚觀李氏譜牒焦山題名二帖

淡牙色紙本。二帖共一紙。全法米書。前帖行書六行。書祀宋文獻不足。而禮無所取證。先聖憫之。今觀唐李氏譜牒。命誥宛然具存。迺知來裔善守其家者如此。攬卷爲之三歎。時淳熙歲丙午中秋後四日。書于淮東總餉官舍。延陵吳琚。九月廿六日。下押川壑主人白文大印。後帖行書六行。前題焦山題名四字。書延陵吳居父解組襄陽。汝陰孟子開。臨邛常叔度。皆一時秩滿。聯舟東下。泊紫金山。越三日。來浮玉觀新建飛仙亭。又三日。絕江而南。紹熙辛亥季秋丙寅。題。下押川壑主人白文印。

壽文帖

白紙本。草書十六行。初視之以爲米書。見款始知爲雪壑得意書。快雪堂曾經入石。

稟報帖

白紙本。行草十二行。前書琚伏自廿二日具稟報之後。深慮旨揮未到。勢不容留。後書琚皇恐拜覆。觀使開府相公尊兄鈞席。帖有屠氏二印。

楊萬里清和帖

白紙本。草書十四行。前書萬里伏以首夏清和。後書右謹具呈。四月廿二日。朝請郎守尙書左司郎中

兼太子侍讀楊萬里劄子。末角押宣和書學博士江南徐氏仍孫朱文大印。

陸游奏記帖

白紙本草書二十一行。前書游近者奏記。方以草率爲愧。末書朝諫大夫權知嚴州軍州事陸游劄子。帖前下角有朱文珍繪堂記一印。

仲躬侍郎帖

白紙本。行草書二十行。前書游頓首再拜上啓。仲躬侍郎老兄台座。後書游頓首再拜上啓。正月十六日。

樓鑰雨潤帖

白紙本。行書十九行。前書鑰泣血再拜上啓。叔清宣教親契兄坐前。梅天雨潤。伏惟聖室有相。孝履支福。後書鑰泣血再拜上啓。叔清宣教親契兄坐前。帖前有朱文貞元連珠印。後角朱文柯氏敬仲半印。洪咨夔抱病帖。

淡牙色紙本。行草書十六行。前書咨夔別後。無日不病。抱病應酬。病愈甚。猿鶴入夢屢矣。後書六月八日。咨夔皇恐上。記舟公堂頭禪師。佳茗多感。香杏仁一包。試參之。咨夔。帖前下角有何氏元朗白文印。失橫用。後有朱文清森閣書畫印。何氏元朗白文印。及項氏收藏印。有二字編號。

魏了翁提刑提舉帖

白紙本行草書二十七行。前書提刑提舉親家尊眷丈後書了翁頓首再拜狀上機宜大孝賢伯仲姻兄服次十一月十七日帖前有白文關內候印朱文連珠貞元印後有滕國文獻易菴圖書二白文印帖經黃休伯家藏。

喬行簡恐勤帖

白紙本行書十二行。前書行簡恐勤染報不敢觀縷少意拜稟後書右謹具呈十一月日少傅平章軍國重事益國公喬行簡劄子帖有嘉禾曹氏收藏印。

張卽之書金剛經冊

白紙本摺裱六十八頁行書大五分許宗顏法首書金剛般若波羅蜜經後自題樗寮卽之七十八歲喜再逢佛誕以天台教宗印講主所校本敬寫此經遺天竺靈山志覺上人受持讀誦我願執情不作常觀般若六如覺性永明共悟實相本體流通利益均及有情時景定四年歲次癸亥後有陳鑿題識項子京小字二行記得於吳趨陸氏又曹函光三跋內有項氏諸印。

上問帖

牙色印花粉箋本行草書十行。前書卽之上問尊堂太安人壽履康甯後書卽之上問此紙快雪堂會刻。

從者來歸帖

牙色印花紙本。行草書十四行。前書卽之適閒伏閒從者來歸。喜欲起舞。後書卽之拜稟殿元學士尊親契兄台坐。染物甚佳。帖經項氏所藏。

佛遺教經卷

白紙本。高九寸五分。長二丈五尺七寸餘。烏絲隔界。行書大五分許。較金剛經更爲精美。首書佛遺教經。後書張卽之七十歲寫。寶祐三年夏至日。後有文嘉朱之蕃跋。

趙孟堅詩草卷

白紙本。高一尺。長一丈八尺八寸。行書字大寸半。筆法飄逸。生平所見彝齋妙跡。以此爲最。前題送上馬嬌圖與賈秋壑。後書詩一首。二鼠歎一首。三牆頭花一首。四繁昌官舍行一首。五惜補之梅於君謨。第一首後。自題十六行。云寶祐甲寅十一月廿八日午睡起。忽有持此帋來者。因爲書舊詩數首。用吳昇玉簪筆。唐端石執硯。自好漫耳觀者。未知謂何如也。三十年臨池所得僅爾。益信翰墨非易事。天與分數限量。更欲有加不可。它時或更進。視此當一笑。或流落箱笥閒。爲吾愛存之。無忽彝齋居士趙孟堅子固。後子固三印。內二印模糊不能全辨。卷尾題有至治壬戌之秋九月既望。四明東發後人黃正孫敬觀。末書真道二字。押朱文一印。文不能辨。下有雲根碧澗半鈐朱文印。後紙有趙孟荐長跋。蘇昌齡詩題。又宣德閒人一跋。考據甚詳。系歌一篇。後書宣德壬子歲中秋節。不款。或被割截。深可惜耳。

杜良臣勤願帖

黃色研花蠟紙本。行草書十三行。前書良臣連日荷勤顧老親。昨日暑中令閣嬖嬖。仍勞遠出。尤感感。後書良臣啓。仲一哥新恩內除賢弟。帖前有朱文吳興連珠印。王濟賞鑒過物朱文印。後有朱文清心閣書畫印。何氏元朗。王濟鑒過。西碧山房。三白文印。及五字編號項氏收藏印。

程元鳳提舉郎中帖

白紙本。行書十二行。前書元鳳皇恐拜稟。提舉郎中。後書右謹具拜呈。寅月日。金紫光祿大夫右丞相兼樞密使程元鳳劄子。又外封裝。帖前正書。字大八分許。上書劄子拜呈提舉。金紫光祿大夫右丞相兼樞密使程元鳳謹封。元鳳二字上蓋元鳳朱文印。又行書辭楮局回劄五字。帖經嘉禾曹氏收藏。

陸秀夫義山帖

牙色印花紙本。行草書十二行。前書秀夫拜覆義山尊兄長坐前。後書蠲紙就覓一幅。欲作籤題。干煩皇恐。秀夫帖有京口郭景星白文印。義山父曹氏寶藏朱文印。後胡長孺仇山村二跋。

文天祥上宏齋帖

白紙本。行草書五十三行。前天祥皇恩頓首。下模糊三字申侍讀尙書宏齋先生台坐。後書右謹具申。正月日。承心制文天祥劄子。後有李時勉一跋。帖經項氏收藏。有詩字編號。

書謝敬齋坐右自警辭卷

白紙本。高一尺一寸。長九尺九寸。草書。字有大寸許及二寸許者。筆法清勁。縱任不苟。其辭。周公謂魯

公曰。君子不弛其親。不使大臣怨乎不以。故舊無大故。則不棄也。孔子曰。君子篤於親。則民興於仁。故舊不遺。則民不偷。周公傳國。孔子立言。懇懇於親戚故舊者。皆所以厚風俗善教化也。世遠人亡。經殘教弛。漢蘇章爲刺史。行部有故人爲清河太守。設酒餽陳平生之好甚歡。乃曰。今日故人飲酒。私恩也。明日刺史案事。公法也。不知太守謂誰。厥罪惟何。觀其一天二天之說。是必巧言令色之鮮仁。而非直諒多聞之三益也。然旣與之有平生故舊。適然相逢。亦當忠告善道。委曲勸免。使之誨過遷善。或使之自作進退。何乃待之以酒杯。加之以刑責。蓋賣友買直。釣名干進爾。而論章者多亦不復用。然則何益哉。世變愈下。人心愈非。至唐韓子則歎有反眼下石爲禽獸之所不爲者。宋蘇子則謂爭半年磨勘。雖殺人亦爲之者。觀韓蘇之言。則蘇章酒杯慙慙之歎亦無之矣。周孔垂訓。必歸之成德君子。有旨哉。辭後自題二十七行云。右敬齋謝先生座右自警之辭。人之所以爲人者。以有人倫也。朋友居人倫之一。其視君臣父子兄弟夫婦。雖其情禮有隆殺。而義之所起。皆天性之不能自己者。惟其出于天性。是以均爲人道之大端。親者無失其爲親。故者無失其爲故。各盡其分。所以爲人也。自漢蘇章有刺史故人私恩公法之語。世以爲固然而莫知其非。傳故故實。流俗雷同。千餘年于此。先生本之人心。按之經義。用春秋誅心之法。以賣友買直釣名干進。以發其微。於是知章之不可干以私。乃自私之尤者也。正使當時繇是而爲公爲卿。外物之得。曾何足以救本心之失。況不必得乎。語曰。觀過斯知仁矣。先儒謂君子過于厚。小人過于薄。章不足云也。先生之論。足以樹大倫。敦薄夫。拯來學之滔溺而歸之正。先生真

仁人哉。咸淳癸酉六月吉日。後學文天祥書。下押文氏天祥朱文印。後王伯厚行楷書。題十二行。又蔣
峴、萬鞏、輝、郝燿、廖駒、程啓充爲其謝氏後人題跋。卷末謝源小楷書。渠遠祖敬齋行實。書法鍾太傅。
葛長庚足軒銘卷

牙色紙本。高九寸七分。長二尺四寸。行草書二十二行。書法晉人。前書寄題足軒。奉似吾友周栗長高
士。紫清白玉蟾。後書七言長篇一首。其韻通篇全用足字。本文紙。後虞伯生題七言絕句一首。款虞翁
生題。下押虞伯生朱文二印。後有項墨林題識及項氏諸印。

宋賢十一帖冊

葉清臣近遺帖

粉花白紙本。行書十三行。前書清臣啓。近遺一幹。隨府伉持書。并錄覽二書。同詣鈴下。計已呈露。後書
清臣頓首。五月十八日。

章衡承示帖

白紙本。行書九行。前書承示諭。張恢者。後書衡悚息。未有朱文半印。

蔣之奇遂往去濟帖

白紙本。行草書十一行。前書之奇啓知。遂往法濟。不勝依依。後書弟之奇再拜。九兄知府郎中。
遼七月帖

白紙本。行書十行。法顏魯公。前書遼啓。辱七月五日賜教。承已西上。今想對還。當有休嘉也。後書遼上。穎叔制置大夫閣下。八月六日。按遼不知何許人。宋有劉遼。勸徽宗碎元祐黨籍碑。此札與蔣之奇者。以時考之。或卽其人也。

林希前日帖

淡牙色紙本。行書十一行。前書希啓。前日辱出臨。感刻感刻。後書希頓首。完夫府判朝奉學士兄。十四日。

葉夢得人至帖

淡黃紙本。行書十行。字大六分及寸許者。筆勢豪放。前書夢得叩頭。人至。辱教示。審聞頓首。勦止安健。良深慰荷。後書夢得叩頭。季高貢元親契。

劉燾昨夕帖

畫花白粉箋本。行書九行。前書燾再拜。昨夕幸得侍坐。後書燾再拜。五伯父大夫伯母縣君坐前。

林據承誨帖

白紙本。行書十行。法蔡元長。字大寸許。前書據頓首啓。此不承誨。下情渴仰。知數辱顧訪。皆失迎對。但深愧疚。後書據再拜。右司彥和尊兄座前。

周邦彥前日帖

白紙本行書五行字大寸許前書邦彥頓首啓前日特辱降顧閒冷之中倍增感激後書邦彥頓首啓
吳說門內帖

牙色紙本行草書十四行用筆清健兼有游絲法前書說拜問門內眷聚伏想長少均協多慶後書說拜問帖爲元石民瞻所藏

葉適牡丹詩帖

粉花白紙本正書七行法蔡忠惠前書前日入寺觀牡丹不覺已謝惜其穠豔故以詩悼之敢冀見和適上後書五言古詩一首考此册本十七帖後有王穉登曹函光二跋今存十一王跋內七字改爲一字爲粥者去其六帖余幸又見張天覺丈夫帖煜久疎帖韓良臣近問帖吳居父稟報帖此四帖已錄於前所有宋宣獻一帖青谷德止一帖及曹跋未知歸於何所是册每幅皆有屠氏印章
元

趙孟頫正書姑蘇元妙觀重脩三清殿記卷

白紙本烏絲隔欄正書八十二行字大經寸筆法雄偉觀之令人駭然文敏碑書中第一傑作也明晉府諸印緋紅奪目首書元妙觀重脩三清殿記後書十月既望前朝奉大夫牟巖記集賢直學士朝列大夫行江浙等處儒學提舉趙孟頫書并篆篆額大德七年月日住持曹良瑋步日昇張善淵立石卷前碑額文敏篆元妙觀重脩三清殿之記字大四寸許後紙陳眉公跋云賞鑒家謂元妙觀碑酷似李

北海岳麓碑。若見蘇靈芝鐵佛寺刻。彌見松雪翁書學來歷。此卷精彩。可照四裔。更勝吾松亭林碑也。
陳繼儒題。

楷書陰符經卷

白宋紙。短卷。楷書二十二行。筆法妍媚。視久愈無窮盡。書法之妙如此。首書陰符經。上角有朱文半印。難辨。下角鈐朱文子順半印。款書子昂二字。下押趙氏子昂朱文印。後上角鈐姚氏朱文半印。後有姚子敬、錢德鈞、黃仲圭、三跋。皆元人。末董文敏一跋。雖真。非原題。卷經項氏收藏。

小楷書清淨經卷

絹本如新。小楷。字大三分許。沈著端嚴。體勢裕如。可稱極品。首書太上老君說常清淨經。文內永字避諱。不克考。後款水精宮道人書。下押趙氏子昂松雪齋二朱文印。後康里子山一跋。行書十四行。字大經寸。書法亦精。款至正四年五月十六日。題於杭州河南王第之西樓。康里嚙識。下押子山正齋恕叟二朱文印。觀此卷必有老子畫像。後水精宮道人書之書字。似畫字改者。然子山跋語未及之。

楷書汲黯傳卷

淡黃藏經紙本。烏絲界欄。楷書。法唐人。清勁秀逸。超然絕俗。公書之最佳者。首書漢汲黯傳。上押趙字朱文印。下角有大雅朱文印。此傳至夫以大將軍有掛客。後闕十二行文。衡山補至。率衆來止。後書延祐七年九月十三日。吳興趙孟頫手鈔。此傳于松雪齋。此刻有唐人之遺風。余彷彿得其筆意如此。下

押趙氏子昂朱文印。後文衡山小楷書十二行，跋於藏經紙上，款辛丑六月既望。文徵明書時年七十有二。下文徵明二字小連珠朱文印。卷有項氏收藏印，及寅叔完齋笈氏李氏等印。維楊李書樓已經刻石。

書嵇叔夜絕交書卷

元黃色紙本。烏絲界欄。行書一百二十七行。字五分許。全法右軍。公之得意書也。前書嵇叔夜與山巨源絕交書。上押趙字朱文印。下角押鷗波連珠朱文印。文後嵇康白。下押朱文天水郡圖書印。款延祐七年二月十九日。書于松雪齋。子昂下押趙氏子昂松雪齋二朱文印。末角半鈐朱文小封字印。前後有沈氏等收藏印。後有張羽、胡儼、林慈、王英、鄒緝、陸深等題。按陸跋云：卷中題者凡十一人。內有十人皆爲夏忠靖元吉所題。今已失其六題。必鬻者割去。別裝他卷。余見趙文敏所書絕交書。凡三本。一孫退谷侍郎所藏本。今在梁氏。一平湖高氏綠絹本。俱不及此卷。

書陶淵明歸去來辭卷

白宋紙本。行書二十九行。字七分許。本體書。筆法潤秀。前押白文陳字半印。又白文顏字半印。有舉字編號。首書歸去來三字。辭後款書至大二年冬十二月十三日。書於松雪齋。子昂下押趙氏子昂朱文印。後白描淵明曳杖而行。一童子負壺攜書卷隨後。畫法吳道子。雖李龍眠不能勝。此後倪中、錢惟善、趙俶、陳彥博、鮑恂、錢鈞、周鼎、儲懽、題識。周跋云：有渠先大父丁丑小識二十三字。今卷中已闕此卷。經

文衡山、項墨林收藏。

書陶靖節飲酒詩

白宋紙本。書淵明秋菊有佳色五言一首。行書六行。字大寸餘。筆法蒼古。深有二王風度。款子昂。下押趙氏子昂朱文印。後虞伯生隸書一跋云。我朝書法當以松雪齋書爲第一。今觀所書陶靖節詩。筆力痛快。無一點塵俗氣。繼羲獻之後者。其在斯人與。烏乎。主人爲予寶之。蜀人虞集。

草書千字文卷

白宋紙本。烏絲界欄。草書一百三行。首書草書千字文。上角押趙字朱文印。下角有大雅朱文印。次行書梁員外散騎侍郎周興嗣。次韻上有朱文墨妙二字連珠印。此書體勢圓熟。轉折峻峭。而兼章草。雖宗智永。與往昔所見迥別。乃公之變筆也。評者謂文敏天資既高。學力淵深。未有不神而化者。此卷良是。後款子昂。下押趙氏子昂松雪齋二朱文印。上角有朱文松雪齋圖書印。後柳貫大草書長跋。余向見真草千文一卷。有丁元吉、張東海、周天球等跋者。酷似永師。然不及此卷。又六體千文一卷。秦興、李氏藏本。白宋紙書。非魏公真蹟。類俞紫芝。

書韓昌黎和盧郎中送盤谷子詩

白宋紙本。行書二十四行。字大八分許。法李北海。後款子昂。下押趙氏子昂松雪齋二朱文印。前下角有朱文一印。

書蘇東坡道場何山詩

牙色宋紙本。行書十七行。本體書。筆法精妙。前上角押朱文趙字圓印。有惶字編號。下角押大雅朱文印。詩後自題云。吾長兄之孫。頗好學。性亦馴謹。時時來從吾求書。意甚嘉之。因其求寫此篇。遂書與之。款子昂。下押趙氏子昂朱文印。帖前押師臣白文印。卷經項氏收藏。

國賓帖

藍箋本。行書共三十五行。筆法流利。前書孟頫首國賓山長學士友愛足下。後書閏月一日孟頫再拜。孟頫二字上蓋朱文趙孟頫印。末二行書。烏雞不闕者求一二對作種。無則己之。帖內空紙處小行書續書老婦附承堂上安人動履。外封裝帖。後上書手書再拜。復國賓山長友愛足下。趙孟頫謹封上。蓋朱文趙孟頫印。

德俊茂才帖

元淡黃紙本。行書十七行。前書孟頫頓首。德俊茂才友愛足下。後書孟頫記事頓首。下押趙氏子昂朱文印。五月十七日。帖後外封記事。泰復德俊茂才友愛足下。趙孟頫就封。孟頫二字上蓋趙氏子昂朱文印。帖經項氏收藏。末有二字編號。

進之帖

元黃紙本。行書十七行。前書孟頫頓首。進之足下。後書阜斜皮靴若已辦。乞令萬八送至爲感。孟頫頓

首前空紙處小行書續書萬八來時望於養齋處贖來復丹蘇合香丸各數貼陳居士消風散數貼轉頰王成之於沈鑄處討漢壺葉蘭坡處討琴帖經項氏收藏末有三字編號

次山總管帖

白宋紙本行書十三行筆法峭拔公之合書也前書孟頫再拜次山總管仁弟足下後書正月十九日孟頫再拜外封裝帖後上書記事再拜次山總管仁弟足下孟頫謹封上蓋趙氏子昂朱文印封右又小行書續云皮帽一枚同往帖經項氏收藏

明遠提舉帖

元黃紙本行書七行筆法精謹著意之作前書孟頫頓首明遠提舉賢弟後書三月八日孟頫上覆子方帖

白宋紙本行書八行字大經寸書法晉人前書昨日甚望足下過此而竟不來何耶後書孟頫再拜子方協律仁友足下孟頫二字上蓋朱文趙孟頫印項氏收藏

靜心帖

白宋紙本行草書八行前書孟頫頓首再拜靜心相幹心契足下後書孟頫頓首再拜外封裝帖後上書記事頓首再拜靜心相幹足下趙孟頫謹封孟頫二字上蓋朱文趙孟頫印帖內有延陵連珠印吳國用印瑩之半印三印皆朱文經項氏收藏

與中峯十一帖附管夫人與中峯一帖册

歸自吳門帖

粉蠟箋本行書共十九行。項氏凋字編號。前有白文徵明印。衡山朱文印。外封首書中峯和上吾師侍者孟頴和南謹封。孟頴二字上蓋朱文趙孟頴印。本帖前書孟頴和南拜覆。中峯和上吾師侍者孟頴歸自吳門。得所惠字。審道體安隱。深慰下情。後書弟子趙孟頴和南拜覆。後四行續書。月師云。吾師近到弊舍。而弟子偶過吳門。不得一見。不勝悵然。下押文壽承氏朱文印。三橋居士白文印。後有文衡山鈐縫二印。

每蒙尊者帖

淡黃紙本行草書共十九行。前有文衡山鈐縫二印。外封首書中峯和上老師侍者。弟子趙孟頴再拜謹封。孟頴二字上蓋趙孟頴印。本帖前書孟頴和南再拜。中峯和上老師侍者。孟頴汨汨俗塵中。每蒙尊者不棄。時時賜問。顧惟何者。乃辱過愛如此。當亦是前世有緣故耶。後書孟頴和南再拜。廿四日。後三行續書。良侍者。前蒙惠藥。甚濟所乏。冀爲道謝。下押白文文彭之印。

自山上來帖

白紙本行書十八行。前有文衡山二印。紙邊下角有文壽承氏朱文半印。外封首書手書和南拜上。中峯大和上老師侍者。弟子趙孟頴謹封。本帖前書弟子趙孟頴和南拜覆。中峯和上老師侍者。近數有

人自山上來。知道體安隱。慰不可言。後書弟子趙孟頫和南和南。六月廿一日。末角有文壽承氏朱文半印。

得旨還南帖

白紙本。行草書二十行。前有文衡山二印。外封首書中峯和上老師。弟子趙孟頫和南再拜謹封。本帖前書弟子趙孟頫和南上記。中峯和上老師侍者。孟頫得旨南還。何圖病妻道卒。哀痛之極。不如無生。後書弟子趙孟頫和南上記。六月十二日。末角有文彭白文半印。

如在醉夢帖

白紙本。行草書二十二行。前有文衡山二印。紙邊下角半鈐文彭之印。白文印。外封首書和南拜覆。中峯大和上師父侍者。弟子趙孟頫謹封。本帖前書弟子趙孟頫和南拜覆。中峯和上師父侍者。孟頫自老妻之亡。傷悼痛切。如在醉夢。當是諸幻未離。理自應爾。後書六月廿八日。弟子趙孟頫和南拜覆。中峯大和上師父侍者。末角有三橋白文半印。

如對頂相帖

白紙本。行草書二十六行。前有文衡山二印。外封首書和南復書。中峯和上老師侍者。弟子趙孟頫謹封。本帖前書弟子趙孟頫和南再拜。中峯和上老師侍者。以中來。得兩書。披讀如對頂相。感激慈念。不覺淚流。後書弟子趙孟頫和南再拜。中峯和上老師侍者。下押白文文彭之印。

以中還山帖

白紙本。行草書二十行。前有文衡山二印。紙邊下角鈐白文居士半印。外封首書中峯大和上老師。弟子趙孟頫和南拜上謹封。本帖前書弟子趙孟頫和南再拜。中峯大和上老師侍者。昨以中還山草草具字。陳敘下情。茲承嘉上人下訪。特蒙惠書。審卽日道體勝常。深用爲慰。後書孟頫和南再拜。中峯大和上老師侍者。廿三日。再拜二字下有文壽承氏朱文印。

千江入城帖

白紙本。行草書二十二行。前有衡山朱文印。白文文彭之印。紙邊半鈐承氏朱文印。外封首書中峯和上老師侍者。弟子趙孟頫和南拜上謹封。本帖前書孟頫和南拜覆。中峯和上老師侍者。孟頫千江入城。得誨帖。知杖錫以監輿入山益深。聞之甚爲驚歎。後書弟子趙孟頫和南拜覆。四月十二日。下押白文文徵明印。末角有白文文彭之印。

雨後漸涼帖

白紙本。行書二十六行。前有文衡山二印。外封首書中峯大和上師父尊者。弟子趙孟頫和南拜覆。謹封。封字旁押朱文陸氏腰圓印。本帖前書弟子趙孟頫和南拜覆。中峯大和上尊者尊前。孟頫近者拜書。謝丹藥之惠。言不盡意。想蒙深察。雨後漸涼。山中氣當已寒。伏惟道體安隱。後書八月廿二日。弟子孟頫和南拜覆。中峯大和上尊者尊前。末有文彭白文半印。

紛紛塵事帖

淡黃紙本。行草書十七行。前有文衡山二印。紙邊下角有半鈐白文文彭之印。外封首書中峯和上老師侍者。弟子趙孟頫和南謹封。孟頫二字上蓋趙氏子昂朱文印。本帖前書孟頫和南上覆。中峯和上老師侍者。孟頫紛紛塵事中。不得以時上狀。惟極馳嚮。漸熱伏計道體安隱。後書四月廿六日。弟子趙孟頫和南和南。中峯和上老師侍者。末有文壽承氏半鈐朱文印。

久不上狀帖

白紙本。行草書十六行。前有衡山朱文一印。外封首書和南再拜。中峯和上老師侍者。弟子趙孟頫謹封。孟頫二字上蓋趙氏子昂朱文印。本帖前書弟子趙孟頫和南再拜。中峯和上老師侍者。孟頫政以久不上狀。側聞苦瘡痍之疾。深助耿耿。後書弟子趙孟頫和南再拜。閏月廿日。下押白文文彭之印。

管道昇拜別頂相帖

淡黃紙本。行書三十二行。書用鍾太傅法。結體精嚴。其秀潤有天成之妙。董文敏云。畫眉閨彥。甯不傳受筆訣。二語確然。或云子昂捉刀非也。帖前有文衡山二印。外封首書和南拜覆。本師中峯大禪師法座前。女弟子管氏道昇謹封。道昇二字上蓋趙管二字朱文印。本帖前書道昇和南。拜覆本師中峯和尚大禪師法座。前道昇拜別頂相。動是數載。瞻仰之心。日積不忘。後書六月初七日。女弟子管氏道昇和南拜覆。冊後有趙孟頫水甯。祝允明。楊循吉。等題人。董文敏二跋。一小行書。題於綾隔水上云。子昂

書中龍象。當時與之同世者。皆沾餘潤。遂成名家。況畫眉閨彥。甯不傳受筆訣。與之俱化耶。觀魏國夫八尺一題。董其昌後押朱文昌字印。一題於册末云。文氏停雲館帖。從此卷真蹟摹出。乃文敏最得意書。自右軍大令後。直接宗派。非唐人所及也。今爲惠生鑒藏墨池中一段奇事。董其昌觀。因題庚午夏五。望前二日。下押元宰董其昌印二印。皆白文。今觀董文敏二跋。董公爲之心降矣。此册經項氏收藏。以及有黃琳美之諸印。余見趙書多矣。當以此册與獨孤定武蘭亭十三跋。爲趙書中無上奇品。至於真楷行草章草篆書。所見不下數十本。其最心賞者。已錄於前。而未及錄者。楷書如七卷蓮花經。正書如靈隱大川濟禪師塔銘。行書如中峯勉學賦。與張清夫書洛神賦。皆上等之蹟。可謂直接二王宗派者。心領神會。至今言及。尤在目前。其如遊天冠山詩。白雲淨土詞。亦是海內名卷。但不出北海軌範。結體豐厚。秀逸不足。況二卷皆行書。多傷於工。故未登記。余嘗謂趙董二公書。天資學力。可稱兼美者。然趙書多熟。遂掩天資。董書遠熟。似虧學力。若使趙書變生。董書存熟。後世入義獻之室者。非二公而誰。

趙雍書中峯淨土詩

白宋紙本。七言絕句六首。行草書十八行。箋衣裱。字大寸許。書法蒼勁絕俗。款題右中峯和尚作懷淨土詩。吳興趙雍仲穆書。雍字上蓋。仲穆。朱文印。

趙麟衡唐帖

元黃紙本。行草書八行。前書今早擬欲專送。緣執事昨晚云。大尹兄到敝舍。所以不果。後書趙麟拜啓。

衡唐徵君先生外封裝帖後。上書衡唐先生趙麟完帖。有樵李李氏等印。

鮮于樞遊高亭山記卷

牙色紙本。高一尺八分。長六尺七寸五分。行書。大五分許。筆法清韻。體勢平穩。所見伯機行書。此卷灼然第一。前記元貞元年四月二十二日。送客臨平鎮。自高亭山遊覽之事。其文詳妙。讀之如觀其勝記。後書初約元仁同行。及期元仁以事不果。故備述所見以告。拙詩數首附後。仍丐呈似巖翁山村井西。存博善之。仲實無逸諸同志。寵和其詩。題有留題廣巖寺。七律一首高亭道中一絕。留題淨慧壁。七言淨慧寺四絕。七言又戲題廣巖僧房壁。七言絕句一首款鮮于樞頓首。後押漁陽。鮮于困學齋。三朱文印。末上角有張氏清夫朱文印。下角有朱文心遠堂印。前後有王鳳洲貞元爾雅朱文印。及白文有明王氏圖書之印。後有鄧文原龔璠跋。楊循吉謹觀。又張寰袁尊尼。周天球。黃姬水。彭年跋。嶺南黎民表。武林呂需。吳門沈伯麀。同觀。陳繼儒。徐益孫鑒記。王世貞。王穉登題。又有錫山安氏圖章。及王氏官印。

草書杜少陵茅屋爲秋風所破歌卷

白宋紙本。高九寸二分。長二丈八尺餘。草書。字大二寸及三寸許者。太常得意之書也。後自題右少陵茅屋爲秋風所破歌。玉成先生使書。三易筆。竟此紙。海嶽公有云。今世所傳顛素草書。狂怪怒張。無二王法度。皆僞書。東坡亦謂吳門蘇氏所寶伯高書。隔簾歌以俊等草。非張書。誠然。樞作草頗久。時有合者。不敢去此語也。玉成先生以爲如何。大德二年九月晦日。困學民鮮于樞伯機父。下押鮮于樞伯機。

父一印。伯機印章一印。二印皆白文。虎林隱吏朱文一印。後鮮于去矜爲玉成之孫。一跋深得家法。款季男鮮于去矜百拜謹書。時己酉孟秋二日也。後押鮮于朱文圓印。又白文印。模糊莫辨。及困學後人白文印。又董文敏小行書一跋。甚精。款萬曆三十七年歲在己酉十二月十九日。董其昌跋于延津公署。又小行書二行云。鮮于去矜以己酉跋太常書。余亦以己酉爲此跋。事有偶符者。其昌再題。下押董元宰白文印。卷經孫退谷少宰所藏。鮮于去矜與董跋俱題於本歌紙後。

書襄陽煙江疊嶂二歌卷

淡黃藏經紙本。行草四十五行。前書襄陽歌三字。歌後又書煙江疊嶂。歌末題名。連前歌一體書竟。款書大德四年華朝日。困學民書。原裱冊子。項氏改裝橫卷。有墨林收藏以及笄氏李氏諸印。

草書千字文卷

白宋紙本。高尺餘。草書共一百六十七行。字大寸餘及二寸許者。首書千字文。勅散騎侍郎周興嗣次韻。此卷伯機書至多士實甯止計九十五行。後押鮮于朱文圓印。伯機印章白文印。又慎發箕子之裔。二朱文印。後半段子昂補完。文後子昂行書題七行。字大寸許。云伯機草書千文至多士實甯止。進之得此。求余足成。余諦翫龍跳。深慚狗續。然進之之請。旣伯機之亡已久。此而不勉。後必難全。輒忘珠玉在側之譏。庶盡生死交情之道云爾。款吳興趙孟頫後押趙字一印。趙氏子昂及松雪齋。天水郡圖書印。四印皆朱文。後周馳鄧文原溥光詩跋。皆題於本文紙末。後押五馬山房鑒賞真蹟。子孫世昌等。

十一印。又文嘉、周光、顧德育、三跋。題於藏經紙上。

鄧文原清居院記卷

白宋紙本。烏絲隔欄。正書大寸許。凡六十四行。書法李北海。前書清居院記。後銜款。書延祐五年三月。既望。翰林侍制丞直郎兼國史院編修官鄧文原記并書。下押學而未能白文一印。卷經項氏收藏。原跡延祐五年之年字誤寫月字。

袁桷和一菴首坐四詩帖

白唐紙本。行書七行。律詩四首。凡二十六行。字大五分許。書法豐潤。前書一菴首坐。久客大慈。比得會于萬壽。深湛宏博。連辱和篇。不可虛其雅意。用韻奉謝。桷和南。後書師永嘉人。故末章及橫川長老。後押袁伯長白文印。清容齋朱文印。

雅譚帖

元黃紙本。行草書十一行。字法精妙。前書桷比者終日獲接雅譚。繼卽探伺。且有假書之請。後書桷再拜。前後有沐璘廷章半鈐白文印。

龔璘宣城詩卷

白宋紙本。高一尺一寸。長八尺五寸。行書。計詩十一首。卷前上角有朱方郭畀朱文印。下角有郭畀天錫白文印。接縫處上鈐郭畀天錫白文印。下鈐郭畀天錫朱文印。後自題。予歸京口省墓。天錫出此紙。

徵予書宣城詩記憶不甚真天歷二年孟夏二日龔璫識本詩紙後張天雨荆蠻民題識有朱文松雪齋圖書印及橋李李氏鶴夢軒諸印。

教授帖

淡黃紙本。行草書十四行。前有集字編號。外封首書記事拜覆錢翼之教授足下。客袁州龔璫敬封。本帖前書璫記事拜覆翼之教授足下。小培子行來。重爲手帖。深慰岑寂。後書璫再拜。帖經項墨林收藏。及項廷謨白文印。末有甲二編號。

郭畀四禽言詩帖

淡牙色箋本。行書二十四行。法趙松雪。字大八分。前書四禽言三字。用樂府體。衍禽言爲詩四首。一脫却布袴。一不如歸去。一提葫蘆。一行不得也哥哥。後自題云。右相臺梁隆吉作。延祐丁巳春。余客番禺。吳昭德同集于徐秋湖之一碧亭。酒邊舉似。次年歸故里。書于家藏隆吉詩卷後。京口郭畀天錫。下押郭畀天錫朱文印。末有張則之朱文印。

張淵詩帖

白宋紙本。行草書。雲臥三十年五言古一首。凡十四行。書法松雪。後款用拙齋書。下押張氏清夫朱文印。

戴表元動靜帖

淡黃紙本行書二十行。書法蒼秀。帖前外封書記事頓首再拜。徐仲彬總管相公侍史。客信泮戴表元謹緘封。右紙邊續書寶祐橋西四字。下書九月十六日。有朱書五字號。本帖前書表元記事頓首再拜。仲彬總管相公侍史。久不承動靜。一年之間。多問往來人。不得端的。以此無書問相及。後書表元頓首再拜奉記。未有甲三編號。帖經項墨林收藏。及項廷謨印。帥初書世不多有。此帖余所僅見者。

白斑陳君詩帖

淡牙色宋紙本行書。陳君才名獵獵。起七言古一首十二行。字大寸許。後書至治癸亥秋八月旦日書。下押湛淵子白斑栖霞山人二朱文印。前後有何氏元朗半鈐白文印。

揭傒斯雜詩卷

元淡黃紙本。草書五十一行。前五律三首。一題真村堂。一題園趣亭。一題山水卷。又七律憶昨四首。又七言絕句宮詞一首。款揭傒斯。後項墨林一長跋。卷內有文衡山文壽承。項墨林諸印。及白文印彌之印。吳下阿彌朱文印。朱之赤等印。

徐遜水調歌頭帖

白宋紙本。上下有研花界邊。行書。盤馬萬山頂詞十八行。書法松雪。字大寸許。前書中秋後四日。奉母挈累遊問政之興道觀。望黃山。俯練水。遂賦水調歌頭。徐遜拜。

康里巉巖書柳子厚誦龍說卷

白宋紙本草書大寸餘。及寸五六分不等者。首書謫龍說柳子厚。前上角有松風堂朱文長印。下角押正齋朱文印。後自題彥中判府賢友。久不覩僕惡札。因草書謫龍說。往想展覽之際。如相見也。康里夔再拜。後押康里子山朱文印。末角有常州莊氏二印。後紙周伯琦記昂吉瞿智詩跋。

書柳子厚梓人傳卷

白宋紙本草書大寸餘。筆法超逸。與前卷可稱雙美。首書梓人傳柳子厚。前上角押濟美堂朱文長印。下角押春雨樓朱文長印。接縫處鈐芳所朱文印。凡二接。文後自題康里夔爲信卿侍郎書。時至順二年冬十月之廿八日也。下押子山正齋二朱文印。

貫小雲石海涯七言詩帖

白紙本。行草書十八行。書法唐人。有高閑遺意。字大寸餘。前書筆粟樂三字。用樂府體。書雄雷怨別雌。電老詩一首。後書酸齋道人爲西瑛公子。款右押酸齋朱文連珠印。卷有翰墨流戲渚湖堂印。及嘉禾李氏文穆等印。

虞集白雲法師帖

淡黃紙本。行草書十七行。前書集頓首奉記。白雲法師和上鄉契。去年過訪。足切至情。後書虞集上記。帖經項氏收藏。及樵李李氏鶴夢軒董氏等印。

歐陽元爲黃巖十君伯春暉堂記卷

白宋紙本烏絲隔欄。正書四十二行。前書春暉堂記。下角有二舊印痕。書法蘇文忠筆鋒過峻。記後銜款書至元後己卯八月己亥翰林侍講學士通奉大夫知制誥同修國史冀郡歐陽元記。下押白文冀郡歐陽元印。又魏魏齋霜華山人二朱文印。末下角有白文半印。後有河東張燾臨川吳當宣城貢師道山東程益五詩。

段天祐安和帖

元黃箋本。行草書二十一行。筆法流利。前書天祐頓首。書奉起善賢契友執事。小林回領書。承近候安和爲喜。後書天祐頓首再拜。帖經項氏收藏。及構李李氏鶴夢軒印。

楊維禎詩帖

淡黃紙本。草書二十一行。字大二寸及寸許者。書法豪邁。體勢奇崛。前序後又七律一首。款書明日書此紙會亂。抱遺叟楊維禎再拜。天樂大尹見此。聊發一盧胡也。後押楊廉夫白文印。鐵笛道人朱文印。書小遊仙辭序帖。

淡黃紙本。烏絲界欄。草書二十四行。筆法峭拔。首自遂啓迪蓬心起。文氣不順。前必有闕。序後款書至正辛丑花朝丁酉。鐵籛道人會稽楊維禎在竹洲館試老溫筆。後押李黼榜第一甲進士朱文印。楊維禎印。抱遺老人一印。二印皆白文。

俞和雜詩卷

白宋紙本行草書雜詩八首初視以爲松雪其詩一次陸秀才春日幽坐韻二冬日偕友人金子尚遊賈氏西園觀梨花樹有感。三次葉舜臣訪慈濟悅上人詩韻。四題悌本中新居次葉舜臣韻。五題張羽士小像。六遊天龍寺次間上人詩韻。七遊靈隱寺有感示用貞長老。八次沈斯平見寄。後有四明陳敬宗謹題。卷尾項墨林小行書三行。記其嘉靖四十一年春季購於無錫安桂坡孫仲泉處。又嗣字編號。卷內有白文子中父印。煮茶亭長白文印。大明安國鑒定真蹟朱文印。及項氏諸印。余向見紫芝臨右軍十七帖册白粉箋本甚佳。亦項氏物。爲真定相國所收。今歸淮安徽人程氏。

留宿金粟寺詩帖

白宋紙本行書十二行。書類松雪。字大六分及七分許者。前書余往年訪伯剛太守伯行都司於茶院金粟寺留宿僧舍。獲觀伯剛所藏褚河南禊帖及晉唐名迹。甚慰平生臨池之志。賞閱終日。同會友人朱君仲義以詩見贈。余卽次韻以答之。後書七律一首。帖經項氏收藏。及大明安國鑒定真蹟朱文印。清隱齋白文印。

王蒙書杜工部詩帖

元黃箋本行書拾遺流落錦官城七言古一首。十九行。字大六分及七分許者。行筆蒼勁。書法松雪。款書黃鶴山樵書。

沈右詩簡帖

白宋紙本。楷書十八行。前書右頓首拜啓。十月望。過吳江別業。得所惠書者三。光景如過隙駒。僻居江村。況味寥落。東流活活。悵望送清晝耳。後書沈右頓首拜啓。叔方教授先生尊契文坐。下內五言絕五首。又續書七行。皆不錄。末書右又稟帖。經項氏收藏。及北平孫氏朱文印。曾經孫少宰所收者。

張暎與南屏徵君三詩帖

元黃紙本。楷書二十行。書學褚河南。前押秦川朱文小長印。首書奉同劉先生答南屏徵君見寄一首。張暎載拜。後書七律一詩。又次韻南屏徵君移居和陶詩二首。後又五言一首。下押張氏子暎朱文印。循國世家白文印。前後有沐璘珽章半鈐白文印。按暎無可考。讀其詩句清韻。的是元人氣體。更兼書法精妙。無疑議焉。

陸廣詩簡帖

元黃紙本。楷書十八行。前書癸閒至姚江。辱誨語。又寄以詩。感愧交集。謹用倚譚聊述。敬懇錄上。克用先生。併輒伯祥徵君。用爲謝意。希笑擲焉。及生陸廣再拜。後書五律一首。又書連日感伯祥先生下榻。飽聞克用先生清夜聯話。用行述雜語。以填虛紙。更伺改成爲幸。後書五言古一首。款陸廣。又饒舌帖。經項氏收藏。有北平孫氏朱文印。

非非雅波草書心經

白宋紙本。長條幅。草書七行。字大寸半及寸許者。款書非非雅波書。後押非非白文印。雅波白文印。前

首押朱文小長印文不能全辨

饒介草書韓柳文卷

淡牙色經紙本。後二紙微黃。高八寸餘。長一丈七尺四寸。草書韓柳二文。筆法流利。學懷子山。前韓文。首書送孟東野序。後柳文。首書梓人傳。文後自題九月七日。九成自崑山載酒來問字。且欲書諸作者所作。余飲其酒美輒醉。遂不能答其問。爲何問亦不能書。明日九成持此紙復來。意不能答。乃笑而書此。九成謂余酒未醒也。辛丑九月八日華蓋洞酒史識。後有都穆、姜紹書、二跋。同邑蔣清書。卷有嘗字編號。項氏諸印。及董光裕印。陳定書印。

士行帖

淡黃紙本。行草書九行。書法精妙。前書介再拜。衰病不得時面。殊懸懸爾。後書介再拜。士行尉相先生契家。謹空。帖有項墨林收藏印。及項廷謨印。停雲館曾刻。

張宣詩卷

元黃箋本。烏絲界欄。草書字大寸許。前書題蕭山縣令尹本中吳越兩山亭。卷後及長歌一篇。學蘇文忠體。大類烟江疊嶂歌。後書聽冷起敬琴次韻及五言排律一首。詩後自題宗博茂才出此紙頗佳。因書二詩以遺之。至正乙巳春張宣識。後紙文徵明題。考據精詳。後押文印徵明。悟言室印。二印皆白文。陸居仁張樞倡和詩卷。

白紙本。前陸宅之草書。若谿之水。天目來七言古一篇。計四十一行。有項氏意字編號。首書若之水三字。後自題歲在重光大淵獻。冬至後十有二日。雲松老人在城東寄軒書。後押朱文宅之白文。陸氏居仁等印。又一紙張夢辰小楷書。十八行。和前韻。首書雲松先生古詩一章。俾樞次韻。特奉作者一笑。款陳留張樞詩。後下押或山而樵。或水而漁。朱文印。陳留張樞白文印。朱文張夢辰印。本卷紙尾有陳朴袁凱詩跋。卷有項氏收藏印。及雲閒朱文印。書巢朱文葫蘆等印。

道張雨并陸友合卷

淡牙色紙本。前張伯雨行書。元史二論。馬陶三傳。仲謝三詩。共右十七行。又小行書六行。自題云。太史南華所論。

道家之大本。無爲之至理矣。若相如之才情。雄放元亮之貞節。雅言華陽隱居。則古稱元中董狐。道家尼父。實皆我之良師也。仲謝三詩。其旨亦超。嗚呼。四十無聞。斯不足畏。知不能望。惟賢希聖之域。甯不得爲達生之歸乎。遂書各文成卷。把玩山澤閒。以自料理耳。款題大元泰定二年歲在乙丑六月廿五日。句曲外史張嗣真華陽南洞記。其嗣真二字上蓋朱文張嗣真印。後又小行書太上十三訓十五行。款泰定三年丙寅二月廿八日。嗣真學。下押朱文張嗣真印。此卷本紙後有烏絲隔欄。又陸友隸書世說中語七十六行。款書至元二年秋七月十日。吳郡陸友書世說中語。於款右紙空處押白文陸友私印。卷尾有至元四年龍集戊寅正月二日。京口袁矩子方。曹南史元舉。金華吳福孫子善。同觀于清明閣一題。後伯雨又自跋云。此卷余舊藏。又嘗雜書紙尾。把玩山澤閒後。爲元鎮持去。至正丁亥十二月。

四日與元鎮同遊梁鴻山。攜在行笈。因得重觀。故友陸友仁隸書世說數則語。感慨歲月余老矣。能幾把卷。重題而歸。諸清閣閣。海昌張雨。前引首周天球行書。題元言妙翰四大字。款書隆慶辛未八月朔。周天球披閱竟日。漫書卷經太蒼王奉常收藏。有朱文三。時敏印。烟客鑒定印。

次天鏡上人送柑二詩帖

牙色宋紙本。行書八行。字大五分許。前書次韻謝天鏡上人送柑。後書七言絕句二首。款書天雨二字。上蓋句曲外史朱文印。

行書七言詩

牙色紙本。長條幅。行草書七言一首。字大如拳。其詩絕頂新秋生夜涼。鶴翔松覆溼衣裳。前村月照半江水。僧在翠微開竹房。款書大元至正辛巳。張雨。下押句曲外史朱文印。前下角有張丑白文印。末角有吉父朱文印。范氏白文印。及廬州太守張見易收藏。

釋大訢和虞文靖三帖詩

深牙色紙本。行書十三行。法蘇端明。清韻絕俗。前書天然首座往臨川。見邵菴居士。得三偈而還。且辱見及。因索次韻。後書七言絕句三首。款至正二年八月廿七日。龍河大訢。後押朱文。釋大訢印。笑隱朱文印。前有虞伯生父朱文印。虞雍公世家白文印。微笑居士朱文印。

七元人和陳惟寅姑蘇錢塘懷古詩卷

饒介和詩

元黃箋本行草書二十二行。字大五分許。前書奉同黃鶴山人、雲林先生、和惟寅徵士懷古高韻。就簡寄亭先生共諸名勝友一笑。饒介上。後題姑蘇詩三首。又題錢唐詩三首。末押陳氏惟寅白文印。

倪瓚和詩

白紙本行楷書二十六行。字大四分許。前書次韻奉和惟寅高士姑蘇錢唐懷古六詩。後題姑蘇詩三首。錢唐詩三首。又自題云。惟寅陳君。古所謂獨行士也。安貧士道。居吳市二十年。蓋若一日。真外混光塵。中分涇渭。而確乎不爲外物移其守。余獨深知其人。它人有不得而知之者也。賦詩弄翰。特其餘事耳。去年秋偕叔明友兄訪余江渚。出此六詩相示。諷詠之餘。因同叔明用韻。各和成章。今年余病癯下。疾幾半載。惟寅凡兩來問余。十一月一日。覺體中稍佳。惟寅命余寫出。遂復書此。至正廿二年壬寅倪瓚記。下押陳氏惟寅白文印。此詩已刻停雲館帖。

陳秀民和詩箋

淡牙色紙本行書二十三行。字大五分餘。前書奉和惟寅陳徵士懷古詩六首。後題姑蘇三詩。錢唐三詩。款書四明山道士陳秀民頓首。前有寄亭白文小長印。末押四明山道士白文印。

余詮和詩

白紙本楷書十七行。前書姑蘇詩三首。錢唐詩三首。後書劍江余詮奉和惟寅徵士懷古六首。并求諸

吟伯斤正。

陳汝言和詩

白紙本。行書十三行。前書懷古六首。謹次韻錄上。汝言呈。下押陳惟允白文印。後題姑蘇詩三首。錢唐詩三首。

王蒙和詩

白紙本。行楷書三十三行。字大五分餘。前題奉和惟寅陳徵君姑蘇錢唐懷古六詩。至正辛丑十月三日。與徵君同宿愚隱老師丈室。明燭烹茶。作懷古詩。老禪方兀坐。在大覺清淨海中。包涵虛空。生在心內。千古萬古。皆屬前塵。何暇迺作蒼蠅聲悲慨之耶。顧我跼蹐彈丸之地。不暇自悲。復悲往世。我不爲愚。迺令老禪反號爲愚。可笑也矣。因寫所和詩。爲塵中之塵耳。黃鶴山人王蒙。下押白文王蒙印。後題姑蘇詩三首。錢唐詩三首。此紙已刻停雲館帖。

潘牧和詩

淡黃紙本。行楷書。十九行。前書至正辛丑冬。惟寅先生以懷古十二詩示僕。讀之有古烈士慷慨悲歌之風。當時大夫士和者甚衆。僕亦忝居契家之好。故敢次韻成章。鄙俚可笑。非敢以言詩也。謹用錄呈。惟寅徵君先生求教。契生潘牧再拜。後題姑蘇詩三首。錢唐詩三首。後吳寬、呂憲、沈周、和前韻各六首。又王鑿、顧璘二跋。前有塞字編號。卷經項氏收藏。

集元明詩翰小冊

趙孟頫七言詩

淡牙色紙本。行草五行。字大四分許。其詩。江南江北路茫茫。明年高樓各異鄉。旅雁叫雲天似洗。故人今夜泊瀟湘。款松雪。下押趙氏子昂朱文印。後續書寓杭州鹽橋客舍書。

鄧文原五言詩

白宋紙本。楷書四行。字大三分許。其詩。芳草孤舟渡。幽居一徑通。江湖春雨外。墟里暮烟中。機息鷗先下。花飛水自東。臨流無限意。畫史若爲工。款巴西鄧文原。下押巴西鄧氏善之白文印。又一印模糊。亦巴西之印也。

倪瓚五言詩

牙色紙本。行楷書六行。其詩。牛鳴野笏中。雞登山木上。黃鍾雜姑洗。春容以清亮。別鶴暮鳴飛。流水春演漾。愛爾弦手忘。令我形神暢。憶昔擅能事。宋袁余所尙。錢君生獨後。超軼絕塵鞅。操琴晚聞道。月斧揮天匠。杳如清廟瑟。朱弦聽歎倡。古道久寂寥。古音亦淪喪。促軫淚沾纓。歌詩重悲悵。款書延陵倪瓚。癸丑。

高啓五言詩

元黃箋本。楷書五行。前書春日奉懷竹里先生一首。勃海高啓拜上。其詩。共此一里居。誰令阻良覲。惆

悵步芳園山櫻還獨摘。風含駐花意。雨散流地跡。尊酒不來同。茲晨端可惜。三月十七日。
楊基五言詩

元黃箋本。行楷六行。前書對雨有懷止仲隱君一首。其詩久靜厭紛俗。齋居自元處。遙知文墨暇。共此蕭蕭雨。屢驚芳節換。慙覺清言阻。欲叩竹閒扉。棋聲隔春渚。三月十一日。楊基上。

張羽平復帖

元黃紙本。小行書六行。帖書經宿想尊體。悉已平復。且承書至。軍裝詩得無勞神耶。恐悚恐悚。紈扇頗新。潔可愛。因僭書一詠。汗其上。須併邀諸公共詠之。尤佳。諸留面敍不一。張羽頓首。閒止先生侍者。六日。

五言詩

元黃箋本。小行草五行。前書懷胡參政一首。其詩聲譽遍時流。塵沙慘弊裘。泛交通俠士。長揖說諸侯。夜雨菱湖館。秋風剡水舟。從來爲客慣。漂泊可無愁。款尋陽張羽。

徐賁題濯清軒詩

元黃箋本。楷書五行。前書題濯清軒。其詩春草綠芳洲。清江遠舍流。芹香低渚燕。挾影媚沙鷗。風滯初聞笛。花藏罷釣舟。滄浪千古意。何處問巢由。款刻郡徐賁。

王行七言詩

牙色紙本。行草書六行。其詩：橫空微霄澹初卷。一片蒼雲隔層巖。遠壑清風拂樹來。烟鬢悄悄總如翦。蹇驢隨意歷山岡。此景此情應兩忘。忽驚啼鳥翠微裏。催我佳句投奚囊。人生樂事知多少。獨有吟情超世表。爲瀉詞源浥畫圖。晴壁高堂楚山曉。右題鄭疇之松林子圖。款行後押止仲白文印。又前後二印。

謝晉五言詩

元黃紙本。行楷五行。其詩：治平開士字。高瞰石湖傍。路徑通新廓。烟霞接上方。偶攜松下杖。來叩竹間房。禪寂聆虛籟。心清愜妙香。晨廚分鉢飯。夕寐假繩牀。安得捐塵鞅。歸依就法王。下書右宿治平寺詩一首。謝晉。

陳則五言詩

元黃箋本。行書六行。前書過小孤山阻風一首。奉寄止仲季迪二貞白先生一笑。其詩：山集盡霜飛。空菴出翠微。一僧同月宿。萬鳥合雲歸。地勢因成峽。湍聲不過磯。自非風信阻。登覽亦相違。後書華山人陳則錄上。

文徵明書歸去來辭

白紙本。蠅頭小楷書十九行。首書歸去來辭文。後款書辛亥九月十一日橫塘舟中書。徵明時年八十二。又二末押徵明朱文小連珠印。後崇禎甲戌花朝林寵一跋。亦作蠅頭小楷。此冊首入米海嶽書。蘇太

簡參政一帖。已錄於前米帖內。

明

宋克書杜工部柸木爲秋風所拔歎卷

白宋紙本。高一尺一寸。長一丈一尺三寸。草書。字大寸半至四五寸者。體法一變。脫盡元人風氣。後自題老杜柸木爲秋風所拔歎。東吳宋能書。本文紙後孫賁一跋。字大一寸及三四寸者。書亦蒼勁。後有徐誌、曹瑩、二跋。

兩得來書帖

深牙色紙本。行楷書十四行。宗鍾太傅兼用章草法。行筆清勁。明初如高季迪、徐幼文、方希直、諸公書皆類之。前書宋克啓兩得來書。備悉勤懇。使者不復再至。失於裁答。非慢也。後書宋克頓首再拜。下押宋克白文印。末二行續書。蒙索小楷。不有清興。未能奉命。後多作數紙請教矣。

王彥強臨樂毅論

白宋紙本。烏絲界欄。楷書二十八行。出規入矩。深得其旨。後押朱文立中父仲齋之印。

危素陳氏方寸樓記

白紙本。烏絲隔欄。正書四十四行。爲四明陳貴白爲記者書。法虞永興。首書陳氏方寸樓記。款書臨川危素記。後押危素白文印。太樸朱文。

周砥與雲林詩簡帖

白紙本。行書共十二行。法蘇文忠甚佳。前書奉送叔方先生之笠澤。兼簡雲林居士一笑。吳人周砥再拜。後書七律一首。末四行書。歲將盡矣。不得奉陪一游。聊寫此爲別。雲林丰度。昔昔在夢。春初別圖。往拜耳。會閒道此。砥。十二月十日。帖有王氏柳氏等印。

宋廣草書李太白五言詩

牙色研花宋箋本。長條幅。草書。天若不愛酒。五言一首。行筆清勁。字寸子半共五行。款書昌裔爲彥中書。押有朱之赤等印。

宋璵端肅帖

元淡黃紙本。行草十二行。不失家學。字大五六分及寸許者不等。前書璵端肅奉覆岳翁尊前。後書璵拜覆岳翁大人尊前。

解縉草書自作雜詩卷

白紙本。高一尺。長一丈三尺九寸。草書自作雜詩七首。書法精妙。字大寸餘至六七寸者。詩後自題。此余近日所作數詩。皆率爾而成。今又率爾書之。雖然。未嘗敢棄古自爲也。中間複筆覆筆返筆之妙。付有識者自辨之。永樂庚寅五月二十三日。夜。京城寓舍。書與禎期。縉紳識。後有王穉登一跋。

王紱叔訓帖

元黃箋本行草書二十一行。書法流麗，紙墨皆佳。前書孟端再拜奉覆，叔訓有道先生文几。後書七月廿日孟端再拜帖。首押孟端白文印。下押朱之赤鑒賞第一。希有二朱文印。

沈度鏞翁大參帖

牙色紙本。行草書共十一行。筆法清勁，體勢飄逸。外封首書書奉鏞翁大參鄉兄閣下。沈度固完。度字上押白文沈度私印。前書前者恪來具領雅意，向索真字。今寫西銘一通，座右銘一通奉去。殊愧陋劣。後書十二月廿四日友生度奉鏞翁大參鄉兄閣下。

黃淮進朝帖

白紙本。行書共十九行。書有松雪遺風。前書僕拙疾稍平，已於初二日進朝。適在東里先生坐閒，得觀和章方知騎從尙留通津。輒用韻成鄙語，專人持上奉候起居。并致官酒，歲肩以助高興。勿謂輕瀆也。後書五律一首。款友生黃淮頓首。末六行書家父求壽藏休徵記。已承慨允。客窗閒靜，乞援筆一揮。歲底遣人請領，擬附朝京官帶回刻石，以遂老親之心。不勝至幸。節行卷如得併成之，更妙。淮再拜。

李東陽書種竹諸詩卷

白鏡面箋本。高八寸，長三丈餘。正行草篆四體。書自作種竹各體詩十四首。正行草書皆法顏平原。後自題張甥屢爲移竹，助我園居之興。爲書往歲諸詩，以見種竹之難如此。後數首乃得竹時所作。凡有關於竹者皆附焉。甥娶于吾之從女，而吾弟不及見，故題曰竹林餘興。蓋諸子兆延嘗爲速成之也。正

德內子二月八日西涯翁識。前有長沙朱文小長印。後押賓之。七十一峯深處。二朱文印。本詩紙尾有宏儲一跋。字亦不俗。

吳寬書東坡詞卷

白紙本。行書。蘇文忠公浣溪沙五首。共三十一行。書法亦學蘇文忠。前書蘇題。十二月二日。雨後微雪。太守徐公君猷攜酒見過。坐上作浣溪沙三首。明日酒醒。雪大作。復作兩首。詞後款題偶閱東坡詞錄。一過。匏翁前押延陵朱文長印。後押太史氏朱文印。玉延亭主白文印。

生子帖

白紙本。行草書。二十一行。前書前月得手書。知去歲冬有生子之喜。爲之欣慰無已。後書寬拜全卿侍御至契友案下。

劉珏玉田帖

白紙本。行書。十六行。有松雪餘潤。前書仰聞承見示范寬秋山圖。觀其石潤林深。筆力蒼老。縱橫滿幅。真有古意。後書珏端復。玉田賢親待聘。押有鑑氏廷美朱文印。

姚綬書自作詠物詩册

淡黃紙本。烏絲界欄。行草書。自作詠物七言律詩二十二首。書法清勁。前押姚字圓印。詩後自題山人受用清福。無過霜瓦竹屋。而雪燈清冷。紙帳高寒。蠲杯之挈。我醉鄉。鶴爐之坐人香。國。又霜瓦竹屋中。

必不可少之供具也。老年消日，借此實多。各賦七言，用彰嘉績。至如鐵笛兔毫，最助吟興。落花柳絮，時動禪情。爰將同賦者，亦古人賦月賦嘯之意也。凡得詩二十二章。時成化庚子十月望後二日。雲東懶仙綬識。後押朱文姚字圓印。白文公綬印。冊內公綬印記繁多，未及全錄。

沈周遊虎邱各體詩卷

白紙本，高八寸五分，長一丈二尺三寸。行書，遊虎邱諸作十七首。書法黃山谷。後款宏治癸丑歲沈周錄。下押沈氏啓南朱文印。

少宰帖

白紙本，行書，共二十六行。前書周再拜上記。少宰大人先生閣下。奉遠越歲，無便曠問。惟是懸切而已。後書梅花道人竹石一軸。暑布一匹。聊伴空緘。周又拜。下押啓南朱文印。

金琮別久帖

淡黃紙本，行草書，十七行。字類張伯雨。前書別久不勝企仰。屢辱詩翰，見惠故舊之情，溢於言表。鄉人之便，詎詢動履清嘉。深用爲慰。後書友弟金琮再拜。民望鄉尊先生閣下。

祝允明臨黃庭經冊

白紙本，烏絲界欄，楷書，共五十九行。首書黃庭經。前押枝指生小長印。後款章草。書正德庚午八月二日。雨窗孤坐，戲臨一過。枝山祝允明。下押枝山白文小長印。祝希喆白文印。

書米元章論書卷

白紙本。高八寸餘。長一丈三尺。草書大五分及寸餘者。書法米南宮。前書米南宮論書。後自題允明雅嗜古。僅以六藝中博其一耳。世乃有以善書名我。我其敢當。故上人幼公亦有志我志。而來謁諄諄。余無以應。且書法米南宮論之詳矣。故以其所評者。書以俟其自得云。時正德丙子秋八月生明日也。後押祝印。允明白文。晞哲朱文印。後有馮涿鹿一跋。卷經睢陽袁氏收藏。

正書子黃子瑩中字訓帖

白紙本。烏絲隔欄。正書二十五行。法顏平原。字大四分。祝書至精者。前書子黃子瑩中字訓。款書吳國祝允明。下押允明晞哲生二朱文印。帖有朱臥菴寶祝堂等印。

唐寅若容帖

白紙本。行草書。二十三行。字大五分餘。深得李北海遺意。前書寅頓首頓首。若容老兄翰學。省示知浮邱遷化。欲往哭之。事冗不克。遂懷也。後書卽日寅頓首頓首。若容老兄翰學。

文徵明四體千字文卷

藏經紙本。前真書本。烏絲隔欄。首書千字文。下角有玉蘭堂白文印。文後款書嘉靖戊申歲春二月廿又七日。徵明書。下押徵明朱文連珠印。又徵仲白文印。次草書本。烏絲界行。首書千字文。下角有文仲子白文印。文後款書嘉靖戊申夏四月十有八日。徵明書。下押徵明停雲二白文印。次隸書本。烏絲隔

欄首書千字文。下角有白文悟言室印。文後款書嘉靖己酉冬十月七日書。徵明下押。徵明白文長印。又徵仲父朱文印。後篆書本。烏絲隔欄。首書千字文。下角有停雲生白文印。文後款書嘉靖辛亥歲上元前二日。徵明篆于停雲館。下押。徵仲白文長印。文印徵明白文印。後紙自書二跋。陳道復一跋。前引首周天球題書法四體四大字。款周天球書。下押周氏公瑕朱文印。止園居士白文印。

雜花詩卷

藏經紙本。烏絲界欄。行草書自詠雜花詩十二首。皆七律。字大七分許。所詠梅花、紅梅、蠟梅、桃花、梨花、楊花、瑞香、百合、玉蘭、梔子、芙蓉。第十二詩未題名。讀其詩。詠水仙花也。後自題右雜花詩十二首。皆余舊作。今無復是興也。暇日偶閱舊稿。漫書一過。戊午冬月。徵明時年八十有九。卷首押停雲朱文圓印。下角有停雲館白文印。衡山朱文印。後押文印。徵明文仲子二白文印。衡山朱文印。

晴明帖

白印花紙本。行草書共二十行。書法精妙。前書別來不審。行李何日抵家。途中晴明。想跋涉無恙。後書八月五日。璧簡奉希古賢姪光輩。又續書。昨日提學出帖子。禁約遺才不許在京打攪。聞知之。令尊先生前不別具字。煩侍閒道意。後餘半封一行。末押陳淳朱文印。白文巖澤之印。

王寵草書自作雜詩卷

絹紋牙色紙本。草書七律八首。共二紙。字大五分許。書法精妙。前一紙詩四首。自題右山中雜作。閒書

于石湖精舍雅宜山人王寵後押雅宜山人朱文印。白文王履吉印。後一紙又詩四首。自題辛卯孟夏七日雅宜山人王寵書于越谿莊。後押雅宜山人朱文印。白文王履吉印。後有泰昌時平湖洪邦基題繩頭小楷。筆法清勁。法顏魯公麻姑壇記。卷經項墨林曾收。有項氏李氏等印。廊字編號。

石湖包山雜詩卷

藏經紙本。凡四接。鈐辛夷館朱文印。草書石湖詩八首。又包山雜詠七首。字大寸許。前押大雅堂朱文長印。首書石湖八絕句。詩後自題丁亥春二月之吉。雅宜山人王寵書于石湖精舍。下押白文王履吉印。韓齋朱文印。

豐坊臨右軍養生論卷

白紙本。高八寸。長一丈五尺餘。行草書。字大寸許。原裱册子。今改橫卷。前書養生論。下押清敏公家。發解出身。南禺外史。三朱文印。文後正書。自題嘉靖庚戌端陽日。在武林元芝樓。時雨初霽。明窗絕塵。偶閱右軍養生論古刻。爲臨此册。或云中散著論而不保其終。疑斯言之誕者。夫嵇以傲物取憎。遠乎明哲。彼身爲國華。而基于篡賊。忠義之節。昭應無窮。殆賢乎遺世而獨立者。繫神仙之說。古謂荒唐。養生之理。則易有頤卦。書有無逸。黃帝有內經。論語有鄉黨。君子心悟而躬行之。則養德養生。胥得之矣。夫豈皆外道耶。南禺外史題。後押四明朱文連珠印。豐印。道生白文印。又人翁等五印。皆白文。

文彭臨蘭亭詩序册

白紙本。烏絲界欄。臨禊序一紙。下押文彭之印。文壽承氏二朱文印。前引首篆書蘭亭修禊四大字。末押文氏壽承白文印。後以真行草章草篆隸六體書蘭亭詩三十四首。又自題云。客有攜山陰所刻蘭亭卷相示。遂錄一過。并臨蘭亭於前。聊以戲耳。勿謂老人多稚態也。時隆慶辛未暮春之初。三橋文彭記。時年七十有五。下押文彭之印。壽承二白文印。此題草法。大類唐孫虔禮。凡見三橋得意書。皆類此。則知從書譜中得來。册有朱之赤收藏印。

董其昌楷書彌陀經册

白鏡面箋本。烏絲界欄。楷書十一頁。書法秀麗。可稱極品。首書佛說阿彌陀經。後自題雲。栖蓮池大師。甲寅正月。八十初度。余以師純提淨土。掃彼狂慧。行在梵網。志在觀經。僧臘最高。居然古佛。乃書此經。刻石流布。以廣宏願。亦祈大年。自愧筆法弱劣。不能如趙文敏之爲中峯。書淨土一百八詩。足傳耳。萬曆四十三年歲在乙卯五月廿日。華亭董其昌識。前藏經紙引首有得天居士題贊。向見一僞本。於淨面高麗紙上。對此臨模者。後有吳錫秦氏一題。幾爲亂真。故及之。相傳公書有七卷蓮華經。與趙松雪七卷蓮華經並藏。松江王氏因題其齋爲二蓮居。趙書余得一見。公書不知歸於何所。

臨晉唐法書册

白鏡面箋本。烏絲界欄。楷書陰符經。計四十行。首書陰符經。後題唐人有李八百產黃庭經圖。宋趙千里有老姥授李峯陰符經圖。據老姥云。百言演道。百言演法。百言演術。猶參同契之兼養性神丹陰陽。

而注之者各從所入也。人發殺機。卽禪家所謂護生須是殺。殺盡始安居。易之龍戰。孔之克己。其揆一也。但下語有夷險耳。老姥以丹書符叩杖端坐剌筌口中。令筌跪而吞之。曰。天地相保。亦卽產經之類。丙寅六月十八日書。款其昌。又臨黃庭經。烏絲界欄。計書十八行。首書黃庭經。後書得宋搨不全本黃庭經。臨竟。款其昌。又臨樂毅論一段。計九行。又臨顏魯公乞米帖。又臨楊凝式韭花帖。又臨顏爭坐位數語。又臨懷素律公帖。後書懷素書以聖母帖爲最勝。白敍之狂怪怒張也。款思翁臨。後有得天居士一跋。

書晉唐諸帖卷

白鏡面箋本。首押元賞齋白文長印。前楷書洛神賦一段。又楷書景福殿賦一段。後草書臨羲之五帖。小行楷釋四帖。後書戊申秋九日臨十七帖并釋文。款董其昌。下押太史氏。董其昌。二朱文印。卷有朱之赤收藏印。及高氏。宋氏等印。

法虞永興徐季海書冊

白鏡面箋本。烏絲界欄。楷書。法虞永興書皮日休桃花賦。首書桃花賦文。後自題戊午三月。崑山道中。以虞永興法書此賦。今年八月。從京口張太學修羽觀永興廟堂碑真蹟。歎賞之次。更有悟入。因重書一通。虞師永禪師。以永師千文意爲伯施書。如菩薩應願作梵天主也。天啓元年歲在辛酉十月八日。其昌。後行書臨徐季海書杜工部謁元元皇帝廟詩。後自題新安之溪上。有吳太學家藏此詩真蹟。以

爲杜甫書。余玩其用筆，知是徐季海真書。蔡君謨宗之。雖方實圓，雖勁實婉。所未及顏魯公者，在有筆墨蹊逕，未脫歐虞褚薛姿態耳。歲在辛酉十月十七日，其昌。後鈐忠孝之家朱文大印。冊有沈文恪一題。高江村四題。

臨唐人四家書卷

白鏡面箋本。烏絲界欄。楷書。臨徐褚薛歐四家書。每段後小行楷書。其數語字甚精妙。第一臨徐季海。唐至德廣德間恩制一段。後書右臨徐浩書。東坡行書學徐季海真書。顏清臣兩家正書。相似。徐稍圓耳。二臨褚河南唐文皇哀冊一段。後書右臨褚遂良書。褚書近隸法。孟法師碑是已。哀冊似王僧虔亦米書所自出。三臨薛稷四言詩。後書右臨薛稷書。薛稷爲褚河南甥。書法似河南三藏聖教序。四臨歐率更九成宮一段。後書右臨歐陽詢書。歐書米南宮評以爲真到內史。此九成宮碑。其烜赫有名者。此卷末角有董氏家藏白文印。是文敏傳家者也。觀容臺別集。文敏有云。余性好書而懶矜莊。鮮寫至成篇者。雖無日不執筆。皆縱橫斷續。無倫次語耳。偶以冊置案頭。遂時爲作各體。且多錄古人雅致語。覺向來肆意。殊非用敬之道。按文敏此語。但余所錄文敏卷冊。卽鮮有成篇者。而臨法前人。無不造其神奧。實多精神煥發之作。孫過庭云。偶然欲書。一合也。此語信然。

臨僧懷仁聖教序卷

白鏡面箋本。書自皇帝在春宮述三藏聖記起。至豈與湯武按其優劣堯舜比其聖德者哉。止計四十

五行。後自題六行云。聖教序懷仁集右軍書。予以禊帖證之。多有遺者。蓋是懷仁一筆偽造。羲獻風流。所存無幾。學書者更具眼可也。思翁。

臨李北海大照禪師塔銘卷

白鏡面箋本。共二紙。董書之最佳者。前一紙臨四段。首書大照禪師塔銘。後小行書。款其昌臨李北海真蹟。下押董其昌朱文印。後一紙臨三段。行書。款其昌臨李北海真蹟。後押太史氏白文印。董其昌朱文印。後有江村高詹事三題。

書蘇文忠煙江疊嶂歌卷

白鏡面箋本。烏絲界欄。行書。法蘇文忠。而多己意。精神煥發。得意之作。前書書王定國所藏煙江疊嶂圖文。後小行草。自題七行云。東坡爲王晉卿題煙江疊嶂圖。與右丞桃源行抗行。真蹟在婁江王氏。余嘗借觀閱月。足當三絕。欲臨其畫與書成一圖。未能也。往來於懷。時寫此詩。俟足成之。董其昌。下押董印其昌白文印。

書蘇文忠和子由論書詩卷

白鏡面箋本。行書二十二行。前書和子由論書文。後下書兩小行云。山谷以東坡書爲本朝第一。故書此詩。其昌。下押董印其昌白文印。

路馬湖記卷

白鏡面箋本烏絲隔欄正書兼行字大經寸。法李北海。首書淮安府濬路馬湖記。每接縫。有蘭雪堂收藏印。後絹隔水。沈文恪一跋。書於龍潭舟次。

楷書心經冊

宣紙本。其白如新。淡烏絲界欄。共八頁。楷書。法虞永興。而兼十三行。端嚴秀韻。了無怠意。文敏著意之作。首書摩訶般若波羅蜜多心經。後款書香光居士董其昌。

書蘇玉局詞

宣紙本。闊條幅。長二尺九寸五分。闊一尺三寸二分。行書。花褪殘紅青杏小一首。共五行。字大寸半。亦學蘇文忠筆法蒼勁。詞後下又兩行書。辛未春書蘇玉局辭。款董其昌。下押宗伯學士白文印。董印。其昌朱文印。

釋夷簡甘露帖

深牙色紙本。行書十五行。前書夷簡再拜。報恩僕至。承佳偈。和章見寄。讀之。其於高妙處。深知徑山家法。得不寂寥。甚慰甚慰。然龍河熱鐵輪。若非老漢。也難當此。一笑一笑。後書夷簡再拜復。甘露堂上和尙法弟。五月十六日。帖有項氏收藏印。及張孝思、陳定等印。

釋道衍寄東林詩帖

白紙本。行書十行。甚佳。首押遊戲三昧朱文長印。前書偈寄東林社主西緒大法師。後書七言絕句一

首款洪武二十二年歲在屠維大荒落秋七月廿又三日。燕山慶壽道衍再拜。後押白文道衍私印。獨關白文印。妙喜世家朱文印。

釋良琦答蕭齋太守詩帖

淡黃紙本。行草書。前後共十三行。首押龍門朱文長印。前書絕句一首。奉答乞米帖。聊博一笑。後七言一絕。又續書白粲三石。杜醬一缶。菜一盤。先此進上。酒餅無吝見賜。當以取酒奉答也。良琦頓首。肅齋太守相公尊先生。良琦二字上押釋印。良琦白文印。

釋德清詩帖

白紙本。行書五言古一首。計十行。款書天放道人愁山德清。書於青蓮一葉。下押釋德清。愁山道人。二白文印。

淨慈寺宗鏡堂記

白紙本。烏絲界欄。首押楞伽室朱文長印。前書杭州西湖淨慈寺宗鏡堂記。其文行書一百有六行。蓋寺僧大鑿。求爲五代周顯德時僧智覺壽禪師記。款萬曆丙辰臘月望日。愁山老人稿。下押釋氏德清。愁山道人。二白文印。

墨榻

古榻開皇蘭亭卷

墨榻本原裝宋摺褱。今改橫卷。前藍紙隔水。上下鈐珍祕翰墨清賞二白文印。帖首鈐朱文晉府書畫之印。本帖斷缺處押晉府圖書等印。後接縫上鈐澄心堂腰圓朱文印。下角有冰壺秋月白文印。神遊八極朱文印。後紙宋丞相游景仁行楷墨蹟。題右。粥者題曰定武。余旣歸鄉。以往歲所藏鄧氏趙氏本校之。無分毫差。據此三本斷缺處與婺之梅花蘭亭同。其異者婺本上下有界畫。而此則無爾。此當爲開皇原本而彼再刻也。然此本精彩晦昧。視鄧趙本大有逕庭云。後押景仁朱文印。題上押朱文敬德堂圖書印。子孫孫永寶用朱文印。後藍紙隔水上鈐晉府圖書朱文大印。下鈐裝褱人趙氏孟林白文印。帖前有趙孟頫周馳袁褒吾衍觀四題。帖後有大德閒吳文貴觀一題。皆書於元淡黃紙上。此五題皆非原跋。爲卞氏增入者。後有孫退谷曹秋岳二公跋。以此卷爲開皇本。但游跋內開皇二字係小字傍注。不無疑議。然此本紙墨淳古。風神完具。洵非南宋所榻者。若必謂爲開皇。則未敢輕許也。

定武五字不損蘭亭卷

墨榻五字不損本。紙墨淳古。神彩備具。前宋綾隔水。押趙字方印。趙孟頫印。松雪齋長印。三印皆朱文。後宋綾隔水。有朱文趙氏子昂天水郡圖書印。本帖前後舊印難辨。後有米海嶽二題。一元豐二年己未元日貫道元章同觀。二彭惠迪張觀國米黻熙甯丁巳十一月廿一日寅亮存存齋同覽。又寅亮勤中孟堅冲道信道同觀。元祐丙寅三月十六日鄞崇法院一題。又王覺斯一跋。後押朱文節度使三大印。文難盡辨。有元張疇齋三跋。又趙文敏一跋。書法精美。云右軍書傳世者蘭亭爲第一。蘭亭刻本。唯

定武爲第一。然柯條枝葉蔓延而未已。求其自本自根。爲定武真刻者。余生六十有四。又南北往來。行幾萬里。僅見兩三本耳。一在叔固丞相宅。卽族兄子固所藏。一在家弟房。近自吳興攜來。都下見與一在譚崇文許。三本皆無小異。余所得苦爲蝨所損。叔固者。因水滄糜潰。字畫小昏。唯譚公所藏紙墨完整。神明煥然。當爲三本之甲云。延祐四年藏。在丁巳十月廿四日。譚公攜此。過余大都咸宜坊寓舍。因書其後。吳興趙孟頫子昂同觀者。巴西鄧文原善之。家弟孟顛子俊。雲間王一初。此跋。下押趙氏子昂朱文印。跋後。有後學劉致拜手觀。又袁桷元明善二跋。又至順癸酉。崔御史濬。尹郎中彬同觀。岳至記。又吳善。楊文驄二跋。又張疇齋一長跋。後款延祐改元閏三月晦前二日。錢唐張仲壽敬題于自怡軒。後押仲壽等五印。又疇齋一跋。款至治癸亥歲三月望日。疇齋張仲壽敬題。後押仲壽疇齋等四印。後趙文敏臨蘭亭序。甚得神韻。有烏絲界欄。前押朱文趙字方印。下角有大雅朱文印。斯文下押朱文趙氏子昂天水郡圖書印。後題月江學士藏定武蘭亭致佳。親友多乞之。月江靳固不予。願求臨本於不肯何耶。皇慶元年人日。過僕寓舍。重以此爲言。不敢固辭。援筆書以爲贈。吳興趙孟頫記。孟頫二字上蓋朱文趙氏書印。又後學劉致拜手觀。後張疇齋又臨蘭亭序。有烏絲界欄。前押疇齋張氏翰墨白文印。斯文下小字二行書。至大己酉十一月廿二日。疇齋臨。後有疇齋白文印。又自題云。以書名當世者。子昂一人而已。僕近見彼臨蘭亭。大不滿人意。暇日假月江學士定武本。試對臨之。非敢自眩。使能書者鑒觀。必有公論在也。至大二年歲在己酉十一月廿三日。疇齋張仲壽識。後有全璫拜觀。又至

正閒洛陽王敬方一跋。後文衡山小楷書一長跋。有烏絲隔欄。款嘉靖戊午秋九月十有二日。文徵明書。時年八十有九。下押徵明朱文連珠小印。後衡山又臨蘭亭序。題嘉靖戊午九月十有三日。徵明臨。時八十有九。後押文徵明印。文仲子二印。皆白文。後嘉靖閒笠江潘恩一跋。並項墨林記其重裝年月。又桐城相國與廣陵張黃美同觀。卷經項氏收藏。世傳定武蘭亭五字不損本。有姜白石。趙子固。跋者。名落水本。又榮芑陳繹曾跋者一本。余皆見之。一在虞山。一在姑蘇。皆不似此本神氣完足。至於紙質。墨氣。楊工。與此無異。此本當爲第一。

定武五字損本蘭亭卷

墨榻五字損本。紙墨淳古。神氣煥然。世稱名卷不虛也。前宋綾隔水。有皇明宗室平陽世家等九印。帖前鈐樞字朱文印。柯九思墨印。長宜子孫等印。本帖前下角有一朱文舊印。其文難辨。斯文下有箕子之裔朱文印。其餘舊印模糊。後綾隔水。有世所希有朱文印。悅生葫蘆及封字大印。後鈐鮮于朱文連珠印。柯氏敬仲等印。卷中有嘉興沈氏玩古堂金石刻印。審定真蹟祕玩印。柯氏祕笈印。以及世外元賞。曹氏。廖氏。西邨居士等印。卷中印記繁多。有難辨者。不克盡錄。後紙吳傅朋墨蹟題云。右定武舊刻。長安薛氏所藏。余政和丁酉歲倅郡。次年移南陽。薛氏子眩以此贈行。建炎己酉。承乏鄉部。遭里中之變。已失復得。錢塘吳說傅朋題。今觀此跋。是知帖爲薛氏所榻。且傅朋小楷。姿媚秀勁。亦所僅見者。後有朱敦儒。錢選。二題。又鮮于太常一題云。蘭亭墨本最多。惟定武刻獨全。右軍筆意。此薛紹彭家所拓。

者不待聚訟。知爲正本也。至元己丑三衢舟中書。時過安仁鎮。正月望日。後趙文敏十一跋。並臨蘭亭序。可謂神化矣。後又二跋。故以十三跋呼之。每跋分押朱文趙氏書印。趙字方印。趙氏子昂印。天水郡圖書印。以及接縫處朱文合同印。此跋並序。快雪堂已刻石行世。內河聲如吼一跋。刻本何以無解日二字。余嘗疑之。卽見真蹟。始知遺誤。諦觀文敏諸跋並序。實趙書中奇品。假如文敏再爲之。亦以右軍書禊序不復如是也。後紙柯敬仲跋云。右定武禊帖。字字飛舞。具龍鳳之勢。與造化同功。不容贊美。蓋右軍爲書法之至。禊帖又右軍之至者。真蹟旣入昭陵。惟定武克傳其神。惜實藏于人間者不多。僕平生所見。不啻數十百本。真者三本耳。李叔固丞相家所藏趙子固本也。予家所藏得之喬氏仲山。天歷間。上御奎章閣。命取觀之。識以天歷之寶。命侍書學士虞公識其左。還以賜之。今觀曹世長所藏。乃故翰林承旨趙公故物也。公家藏亦數本。惟此爲真。公寶愛終世。未嘗去手。公沒後。世長以厚資購得之。此所謂三本也。若夫辨驗之法。世多有其書。故不論。特識三本之真。與流傳之緒耳。至元二年後丙子歲十月廿六日。奎章閣學士院鑒書博士柯九思書于雲容閣。前有奎章閣鑒書博士白文印。後押錫訓葫蘆印。柯氏敬仲等印。後又一題。款書至元四年十有二月望。丹邱柯九思重題。下押丹邱柯九思章等印。又至正閒永嘉李孝光觀。又京口張經觀。又徐霖拜觀篆書。又劉重慶識。又江左毛敷古燕譚祐孫楹。晉陽周臬同觀。廖守義拜觀。又廖守初一跋。款正德己卯冬季十日守初記。小章草清韻不俗。下押廖氏守初白文印。卷末董文敏題云。蘭亭十三跋。趙文敏跋定武本兼臨本禊帖。世當無第二

本卽子昂重書跋語。當不若臨書巨細肥瘦了無異者。余所見乃有三本。其一爲海上潘方伯所藏。新都江太學以三百千購之。好事家相傳爲真物。及觀此卷。乃知其爲葉公之龍也。諸跋出入鍾元常。出筆圓勁。用墨沈着。雖學禊帖。不規規摹倣形似。所謂世人但學蘭亭面。欲換几骨無金丹者。殆一洗此習氣。證無上果矣。至於蘭亭無下榻。此定武本。是子昂贊歎譬喻。重說偈言。口門恨窄。宣說不盡者。無待後人駢拇枝指矣。天啓四年四月廿五日董其昌跋。下押董印其昌。元宰。二白文印。卷前徐霖篆定武蘭亭四大字。用筆精妙。款書後學生徐霖熏沐敬題。卷經馮涿鹿收藏。世傳趙文敏有題吳靜心禊帖十七跋。蓋至大開文敏北上。與此序並攜舟中爲跋者。今竟無聞。相傳維揚徽友藏有文敏十三跋定武禊帖一本。吳門顧維岳曾見之。云是愈紫芝所臨。未見此本。其語誠然。維嶽蘇州人。精鑒賞。弱冠與王圓照。暉正叔。王石谷輩遊。如季蒼葦。高簷事。宋商邱。王司農。諸公皆重之。至耄年與石谷相繼而逝。彼時精於鑒別者。有都門王濟之。江南顧維岳之稱。

定武五字損本蘭亭卷

墨榻五字損本。較前二卷紙質榻法無異。然墨色晦味。其中第七行如盛一觴一詠亦足以懷等字。第十四行如趣靜躁等字。惜皆磨滅。其餘幸神氣完足。不失爲名卷。本帖前後押有王芝喬氏等印。後宋綾隔水上鈐天歷之寶朱文大璽。下鈐喬氏張氏合章二印。天歷璽下康里夔夔小楷書一跋。後又虞伯生跋云。天歷三年正月十二日。上御奎章閣。命參書臣柯九思取其家藏定武蘭亭五字未損本進。

呈上覽之稱善。親識斯寶。還以賜之。侍書學士臣虞集奉敕記。二跋。皆書於綾隔水後。紙有宋政和閒

人論蘭亭詩記一長題。楷書。法唐人。逾勁秀潤。凡二十七行。後書政和改元七月癸酉籍寶直廬。其月

癸二字上。蓋鳳閣王氏朱文大印。後押喬氏簣成白文墨印。希世之珍。朱文印。下押白文楊屋私印。白

文王芝私印。又政和閒人辯證劉鼎鄉何延之考蘭亭說一段。甚爲精詳。後書政和辛卯天甯日右序

忠候之系書。又政和閒公達一題。下有喬氏簣成陽文墨印。希世之珍。朱文印。楊氏君載朱文印。後押

元遺山三朱文印。卷末。鮮于太常題云。右定武蘭亭王石刻。甲余平生所見。況有內翰遺山先生圖記。

又可寶也。大德改元三月廿日。鮮于樞拜手題。後紙每接縫。鈐喬氏、張氏合章、楊氏君載、朱文印。按此

帖乃五字損本。余從一舊家得之。上有天歷之寶。下有喬氏、張氏半鈐印。余借姑蘇繆氏五字未損本

校之。毫髮無異。知爲定武無疑。逮後又得卞氏五字未損一本。雖五字未損。然與定武本不相類。墨氣

亦不古。不知所自出。第後有虞伯生、康里子山、並宋人諸題。宋綾隔水上。押天歷半璽。及喬氏、張氏合

章半鈐印。與此帖對之符合。是知帖與諸跋。曾經散佚。跋爲卞少司寇所有。故取他帖配入。以未損五

字呼之。況虞跋五字未損之未字。洗刮重易。昭然在目。其以巳字改者。尤可辨證。遂將卞本拆去。以原

帖合之。永爲全璧。後見趙文敏十三跋定武本。愈知其爲正本。且趙本柯跋。有云自得喬氏一本。元文

宗取入內府。用天歷之寶。命虞伯生書跋。還以賜之者。卽此本不易也。余幼時曾見真定相國家蘭亭

圖一卷。云是何瑞畫。宋仁宗臨序。末有古楊蘭亭一帖。因目力苦短。不敢定其真僞。未及登錄。後聞維

楊一徽友得去。

宋楊宣城本蘭亭卷

墨榻本。原裝宋摺裱。今改橫卷。前蓋紙隔水。上下鈐珍祕翰墨清賞二白文印。帖首鈐朱文晉府書畫之印。斯文下有坎離卦小圓印。後墨刻一跋。題云。蘭亭敍草。右軍平生得意書。後世書家必以爲法。在唐如虞世南輩。皆嘗摹傳。比來兵火之餘。所存無幾。今宣城太守寶文趙介然。聞宗人明遠有舊藏者。因出而觀之。相與歎息。謂真永興本也。遂命工再勒于石。使流行四方。庶幾翰墨之士。復見字畫之妙。紹興五年三月庚寅。元勛不伐。諦觀此帖。紙墨皆佳。字畫煥然。宋人定爲永興。非也。實定武精榻翻刻者。其盛字小龜形。由字伸筆其中。斷裂數處。校定武無異。趙介然未考其詳。故以永興目之。帖末下角有珍祕白文印。後紙上押朱文敬德堂圖書印。子子孫孫永寶用朱文印。宋丞相游似墨蹟。題右宣城本四字。下押游氏圖書朱文印。後蓋紙隔水。上鈐晉府圖書朱文大印。下鈐裝裱人趙氏孟林白文印。

宋榻褚摹蘭亭卷

墨榻本。原裝宋摺裱。今改橫卷。前蓋紙隔水。上下鈐珍祕翰墨清賞二白文印。帖首鈐朱文晉府書畫之印。序後墨刻米元章一題。小行書十八行。款壬午八月廿六日。寶晉齋舫手裝。襄陽米芾審定真蹟。祕玩。下押楚國米芾陽文印。末上角鈐珍祕白文印。後紙宋丞相游似墨蹟。題云。右褚河南所摹與丙裘第三同。但工有巧拙。遠過前本。爾後押景仁朱文印。上押朱文敬德堂圖書印。子子孫孫永寶用朱

文印。後藍隔水上鈐晉府圖書朱文大印。下鈐趙氏孟林白文印。按此序墨蹟。係絹上書。在明曾經于鳳洲所藏。今在松江王氏。後有明季諸公題識。相傳爲褚摹真蹟。未及一見。其丙裘第三一帖。余曾得之。與此校之。無分毫差別。然闕米跋。其榻工果不及此。已售之與人。

宋榻玉枕蘭亭卷

墨榻本。原裝。裁爲四頁。宋嵌摺裱。今改橫卷。嵌紙上。押管氏腰圓白文印。下押山邨朱文印。蓋經趙文敏與仇山村所藏者。帖首鈐押朱文晉府書畫之印。後嵌紙上。押朱文敬德堂圖書印。子子孫孫永寶用朱文印。下押遜敏齋朱文長印。後孫退谷題云。右蘭亭敍玉枕本。乃歐陽率更真蹟。按唐文皇旣得蘭亭敍。命侍臣趙模、韓道政等摹之。而以歐陽詢爲最。詢又縮而小之。爲玉枕本。當時刻之禁中。已極貴重。後人稱爲定武者。此刻也。然大字本猶間有存者。至玉枕本。絕不可見。宋景定間。賈師憲會命王用和翻刻大字本。三年始成。又令廖瑩中翻刻玉枕本。世稱幾與定本相亂。然傷於華情。視原刻如衆星之於斗也。詎能亂乎。此本古樸中饒有風骨。與趙子固所藏姜白石本無毫髮異。不特盛字上有小龜形。由字下之伸筆。痛字改筆不模糊。列敍字行如勒鐵。而知爲唐石宋榻也。舊在宋丞相游似大部中。後入趙文敏仇山村家。皆精於鑒定者。魯一先生酷好石墨。趣與余同。今得此異寶。其餘所藏。如土苴矣。退谷孫承澤敬題。時年七十有七。後押孫印承澤白文印。退谷逸叟朱文印。其後有吳正治、黃機、龔鼎孳三題。此刻按桑澤卿蘭亭博議。玉枕本。宋政和閒。營繕洛陽宮闕。內貴客觀察見役夫作枕小

石有刻畫。乃王右軍蘭亭序殘闕之餘。止有五十一字。筆勢清勁。必唐人所臨。近時不能及也。又明初王子充曾跋一玉枕本云。蘭亭帖自唐以後分二派。其一出于褚河南。是爲唐臨本。其一出于歐陽率更。是爲定武本。若玉枕本。則河南始縮爲小體。或謂率更亦嘗爲之。宋景定間。賈氏似道柄國。凡蘭亭遺刻之在世者。鮮不資其玩好。此本後有右軍小像。且題曰秋整珍玩。其賈氏所重刻者耶。觀此二說。是知孫跋亦有所由來。第恐此帖爲賈氏從定武本縮小翻刻者。況桑澤卿云。政和間唐石已止存五十一字。豈此本爲唐石宋楊耶。其孫跋不足爲定評。可知矣。故及之。

宋楊范度書蘭亭序卷

墨榻本。原裝宋摺褱。今改橫卷。帖首鈐朱文晉府書畫之印。序前二行書上巳日蘭亭曲水序。晉右將軍王羲之文并書。其序字大六分許。筆法清健。體勢從容。雖不孜孜求其形似。誠謂深得神妙。內暮春之初。下有會字。崇山二字不傍注。因字無改筆。亦由今之視昔。直接悲夫。無塗抹二字。斯文後楷書四行云。古本注崇山二字。闕者乎二字。正文三百廿四字。元無題目名銜。今加之。高平范度書。上有朱文敬德堂圖書印。子子孫孫永寶用朱文印。後藍紙隔水。鈐敬德堂書朱文印。又鈐晉府圖書朱文大印。下鈐趙氏孟林白文印。帖內有范一編號。後墨刻宋人諸跋。前藍紙隔水。鈐珍祕翰墨清賞二白文印。上鈐朱文晉府書畫之印。跋有元豐閒呂公孺觀絳覽。又韓絳子華等題識。紙末青城楊道堅刻。後鈐敬德堂章朱文印。後紙游景仁墨蹟題右。范忠文公之父大師所書。東坡熙甯閒所題。已謂定武石取。

入禁中。則世所傳薛紹彭易元刻以歸。後歸天上者。已是別本矣。溫公一字公實。亦於此可見云。後押游似朱文印。上鈐朱文敬德堂圖書印。子子孫孫永寶用朱文印。後蓋隔水上鈐晉府圖書朱文印。下押趙氏孟林白文印。跋紙中有范二編號。

唐刻歐陽詢化度寺塔銘冊

墨榻本。宋裱。正書。計二十一頁。前書化度寺故僧邕禪師舍利塔銘。末後文至永謝重昏止。冊前後有駙馬李子祺圖書印。及九思堂松栢軒春草堂等印。其空闕處所押舊印繁多難辨。余所藏宋榻翻刻一本。校此本文多遺失。且字畫版實而少風韻。此冊紙墨淳古。的是唐刻原本。宋榻無疑。前李西涯墨蹟篆化度寺碑四大字。押李印。東陽朱文印。後元明諸名家墨蹟題識。有元大德閒嵩翁盧摯、太原劉致時中、醴陵李應實、仲仁、觀于宣城寓居之疏齋。又趙孟頫、趙世延、周馳、劉致、歐陽元、謝端、康里夔、揭傒斯、張起巖、許有壬、王理、王沂、諸公題識。入明。宋金華、李西涯二跋。曾經項墨林收藏。

唐刻柳公權神策軍紀聖德碑

墨榻本。宋裱。正書。計五十六頁。字大寸半。其碑微有剝落。然字畫中鋒鏗稜角。儼然如新。蓋當時刻於禁中。少經捶搗也。此本非五季卽宋初所搗。真希有之蹟。冊首鈐押朱文晉府書畫之印。翰林國史院官書朱文條記。以及秋壑圖書朱文印。碑文前書皇帝巡幸左神策軍紀聖德碑并序。名銜書翰林學士承旨朝議郎守尚書司封郎中知制誥上柱國賜紫金魚袋臣崔鉉奉勅撰。正議大夫守右散騎常

侍充集賢殿學士判院事上柱國河東縣開國伯食邑七百戶賜紫金魚袋臣柳公權奉勅書第後文至嘉其誠止其上押晉府三印並鈐賈氏朱文封字印以及翰林國史院官書條記考趙明誠金石錄始知此碑有上下之分錄內第一千八百六十三號注有唐巡幸左神策軍碑上又以小字注其下記崔鉉撰柳公權正書會昌三年又第一千八百六十四號注唐巡幸左神策軍碑下但此冊無會昌年號是知此碑裝爲二冊今下冊無存其會昌年月必在下冊孫少宰跋謂此碑趙明誠未之載誤矣冊後墨蹟有怪君何處得此本猶有桓元寒具油柿葉齋主人一題字甚蒼勁不俗或晉藩書少宰以爲鮮于太常筆非也前後有孫氏諸印並其題語一紙附冊後

法書續錄

晉謝安八月五日帖。行楷書。淡黃紙本。不古。

王羲之上虞帖。草書。紙本。唐摹。

雨後帖。草書。紙本。唐摹。有世南墨印。

平安帖。草書。絹本。唐摹。

遊目帖。草書。紙本。唐摹。

梁武帝異趣帖。草書。冷金紙本。甚佳。筆勢雄偉。然未敢許其為梁武。

隋釋智永月儀帖。草書。黃麻紙本。小楷釋文。紙墨。瀋古。神明昌御府所藏。惜不全。

唐歐陽詢行書千

字文。紙本。真有王晉卿跋。希有之蹟。褚遂良正書倪寬贊。紙本。裝為冊頁。有趙子固元人諸跋。

孫過庭草書書譜序稿。紙本。真。上有宋祐陵題。戴宣政小。覆惜不全。

李白上

陽臺帖。草書。紙短。卷真。後有瘦金書跋。及元人歐陽圭齋等題識。

顏真卿正書自書誥。紙本。真。後有米元暉蔡君謨董思白徐期白題。

送裴將軍詩。紙本。字大小不一。真草而兼篆隸法。怪奇。

忠義堂曾經摹刻。後有曹武惠跋。王元美家。寂然未敢定其為真蹟。

唐摹右軍六帖。草書。紙本。甚佳。有宋高宗璽。

五代吳越王錢鏐遠勞帖。行書。紙本。甚佳。有吳越國印。紹興連珠印。然未

敢必其為武肅書。

宋林逋白書詩五首。書法真。行相開。紙本。真。後蘇文忠詩。王元美家藏。

范仲淹道服贊。行楷書。紙本。真。而精有文與。跋。

歐陽修書集古錄

跋尾。行楷書。紙本。真有米元暉跋。

王詵蝶戀花詞。草書。紙本。如新。真。而佳。後有蘇蔡黃蹟。雖非原題。宜續於後。

蘇軾西山詩。行草書。紙本。真。而精。惜。歌氏印。雜亂忘章。俗惡之甚。

前赤壁賦。

行書。紙本。真。惜不全。

春帖子詞。行書。粉紙本。不佳。

書九歌。行書。紙本。真。裝為冊頁。

書淵明歸來去辭。真書。兼行。紙本。前金書標。題後解縉題。

黃庭堅正書陰長生

詩。紙本真。原屬長幅。後百納。大草書。絹本真。清公頌。有元明人跋。米芾天馬賦。大行草書。紙本真而精。每接縫。有蔡氏珍藏。賈似道印。後有悅生葫蘆印。秋壘圖書等印。樂兄札。行草書。紙本。

本真。有董秋夜詩。大草書。宋高麗紙本。五札册。行草書。淡黃紙本。真而佳。有毗陵黃氏印。關九思印。臨晉王羲之禊序。白褚紙本。項氏收藏。批字編號。末角有沈氏寶玩朱文印。

後紙文衡山。宋高宗臨黃庭經。紙本真。有邵亨貞跋。賜岳武穆手詔。白紙本。字大寸許。今在西湖岳祠。元趙孟頫書濟禪師塔銘。正書。兼行。紙本。

真而精。有虞伯生等題識。楷書七卷蓮花經。紙本真而精。第二卷已失。夏仲昭補之。洛神賦。行書。紙本真而佳。為張清夫書。本文紙後李獻之題。書中峯勉學賦。行書。紙本真而精。有下士華文。

嘉開居賦。行書。紙本真。有曹秋岳題。白雲淨土詞。行草書。紙本真。文嘉題。臨智永真草千字文。紙本真。有丁元吉張東海等跋。又絹本千文二卷。一行草書。無跋。

一行書。後有沈璫張東海。大草書。真俱不精。書嵇叔夜絕交書。行草書。綠絹本真。無題識。又絕交書。行草書。紙本真。不佳。孫退谷藏本。楷書道德經。紙本如新。真。王穉登跋。天冠

山詩。行書。紙本如新。真。後有元人相詩。衛宜人墓誌。正書。兼行。紙本真。後元明人題。臨右軍十七帖。黃紙本真。無跋。又十七帖。白紙本真而精。有朱之蕃題。惜不全。止存二十條。馮子

振居庸賦。高頭長卷。行書。紙本文氣雄偉。字法奇譎。為靜春書真而精。後宋濂鄭元祐題。班惟志真草千字文。紙本真。無跋。俞和臨十七帖。粉箋本。精而真。有項子京計其價值。臨

蘭亭帖。黃箋本真而精。項子京陳眉公題。明祝允明草書千字文。藏經紙本真。而佳。無跋。董其昌正書金剛經。白鏡面箋本。真。摺册樣。行楷書千字

墨緣彙觀錄 卷二

文。白鏡面。鑄
本真而精。

